

ЎЗБЕКИСТОН РЕСПУБЛИКАСИ
ҚОНУНЧИЛИК
ТЎПЛАМИ

50-сон
(1226)
2025 йил
декабрь

Ўзбекистон Республикаси қонунчилик тўплами беш бўлимдан иборат:

биринчи бўлимда Ўзбекистон Республикаси қонунлари ва Ўзбекистон Республикаси Олий Мажлиси палаталарининг қарорлари эълон қилинади;

иккинчи бўлимда Ўзбекистон Республикаси Президентининг фармон ва қарорлари эълон қилинади;

учинчи бўлимда Вазирлар Маҳкамасининг қарорлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

бешинчи бўлимда вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.

МУНДАРИЖА

Биринчи бўлим

775. «Давлат ижтимоий суғуртаси тўғрисида» Ўзбекистон Республикасининг 2025 йил 9 декабрдаги ЎРҚ–1101-сон Қонуни

Иккинчи бўлим

776. «Нақдсиз ҳисоб-китобларни оммалаштириш ва яширин иқтисодиёт улушини қисқартиришга қаратилган қўшимча чора-тадбирлар тўғрисида» Ўзбекистон Республикаси Президентининг 2025 йил 10 декабрдаги ПФ–246-сон Фармони [Кўчирма]

777. «Паралимпия спорт турларини янада ривожлантиришнинг қўшимча чора-тадбирлари тўғрисида» Ўзбекистон Республикаси Президентининг 2025 йил 11 декабрдаги ПҚ–373-сон қарори

778. «Тадбиркорлик субъектларига давлат, профессионал, консалтинг, молиявий, инжиниринг, маркетинг, медиа, IT ва операцион хизматларни

комплекс кўрсатиш тизимини жорий этиш чора-тадбирлари тўғрисида» Ўзбекистон Республикаси Президентининг 2025 йил 13 декабрдаги ПҚ–375-сон қарори

Учинчи бўлим

779. ««Келажак» марказлари фаолиятини тартибга солишга қаратилган айрим норматив-ҳуқуқий ҳужжатларни тасдиқлаш тўғрисида» Ўзбекистон Республикаси Вазирлар Маҳкамасининг 2025 йил 10 декабрдаги 776-сон қарори
780. «Давлат сирлари соҳасидаги айрим норматив-ҳуқуқий ҳужжатларни тасдиқлаш тўғрисида» Ўзбекистон Республикаси Вазирлар Маҳкамасининг 2025 йил 10 декабрдаги 777-сон қарори
781. «Экоҳудудларда туристик сўқмоқларни ташкил қилиш ва улардан фойдаланиш тартиби тўғрисидаги низомни тасдиқлаш ҳақида» Ўзбекистон Республикаси Вазирлар Маҳкамасининг 2025 йил 10 декабрдаги 778-сон қарори

Бешинчи бўлим

782. O‘zbekiston Respublikasi adliya vazirining 2025-yil 6-dekabrda 27-mh-son “Notariuslikka talabgorlar uchun Adliya vazirligi huzuridagi Yuridik kadrlarni qayta tayyorlash va malakasini oshirish institutida majburiy o‘quv kurslarini tashkil etish tartibi to‘g‘risidagi nizomni tasdiqlash haqida”gi buyrug‘i (*O‘zbekiston Respublikasi Adliya vazirligi tomonidan 2025-yil 9-dekabrda ro‘yxatdan o‘tkazildi, ro‘yxat raqami 3721*)
783. O‘zbekiston Respublikasi oliy ta‘lim, fan va innovatsiyalar vazirining 2025-yil 2-dekabrda 454-son “O‘zbekiston Respublikasi Davlat boshqaruvi akademiyasi magistraturasiga qabul qilishda test sinovlarini tashkil etish va o‘tkazish tartibi to‘g‘risidagi nizomni tasdiqlash haqida”gi buyruqni o‘z kuchini yo‘qotgan deb topish to‘g‘risida”gi buyrug‘i (*O‘zbekiston Respublikasi Adliya vazirligi tomonidan 2025-yil 10-dekabrda ro‘yxatdan o‘tkazildi, ro‘yxat raqami 2384-1*)
784. Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитасининг 2025 йил 24 ноябрдаги 05/32-05/01-сон “Сирли мижоз” ва назорат хариди тадбирларини ўтказиш учун нодавлат нотижорат ташкилотларининг ходимларини ўқитиш ва уларга махсус сертификат бериш тартиби тўғрисидаги низомни тасдиқлаш ҳақида”ги қарори (*Ўзбекистон Республикаси Адлия вазирлиги томонидан 2025 йил 10 декабрда рўйхатдан ўтказилди, рўйхат рақами 3722*)
785. O‘zbekiston Respublikasi iqtisodiyot va moliya vazirining 2025-yil 9-dekabrda 308-son “O‘zbekiston Respublikasi byudjet hisobining standarti

- (3-sonli BHS) “Byudjet hisoboti”ning 155-bandiga o‘zgartirish kiritish haqida”gi buyrug‘i (*O‘zbekiston Respublikasi Adliya vazirligi tomonidan 2025-yil 11-dekabrda ro‘yxatdan o‘tkazildi, ro‘yxat raqami 3124-8*)
786. O‘zbekiston Respublikasi Milliy statistika qo‘mitasining 2025-yil 28-noyabrdagi 6-mb-son “Statistika hisoboti shakllarini tasdiqlash to‘g‘risida”gi qarori (*O‘zbekiston Respublikasi Adliya vazirligi tomonidan 2025-yil 11-dekabrda ro‘yxatdan o‘tkazildi, ro‘yxat raqami 3723*)
787. O‘zbekiston Respublikasi Vazirlar Mahkamasi huzuridagi Sanoat, radiatsiya va yadro xavfsizligi qo‘mitasining 2025-yil 1-dekabrda 27-son “Xavfli ishlab chiqarish obyektlaridagi avariyalarni texnik jihatdan tekshirish tartibi to‘g‘risidagi nizomga o‘zgartirishlar kiritish haqida”gi qarori (*O‘zbekiston Respublikasi Adliya vazirligi tomonidan 2025-yil 11-dekabrda ro‘yxatdan o‘tkazildi, ro‘yxat raqami 2558-4*)
788. O‘zbekiston Respublikasi Markaziy banki boshqaruvining 2025-yil 21-noyabrdagi 31/4-son “Tijorat banklarida kassa ishini tashkil etish, naqd pul va boshqa qimmatliklarni inkassatsiya qilishga doir yo‘riqnomaga qo‘shimcha va o‘zgartirishlar kiritish haqida”gi qarori (*O‘zbekiston Respublikasi Adliya vazirligi tomonidan 2025-yil 11-dekabrda ro‘yxatdan o‘tkazildi, ro‘yxat raqami 3028-10*)
789. O‘zbekiston Respublikasi iqtisodiyot va moliya vazirining 2025-yil 1-dekabrda 304-son “Davriy bojxona to‘lovlarini to‘lash grafigini to‘ldirish tartibi to‘g‘risidagi yo‘riqnomani tasdiqlash haqida”gi buyrug‘i (*O‘zbekiston Respublikasi Adliya vazirligi tomonidan 2025-yil 12-dekabrda ro‘yxatdan o‘tkazildi, ro‘yxat raqami 3724*)
790. O‘zbekiston Respublikasi Transport vazirligi huzuridagi Fuqaro aviatsiyasi agentligi direktorining 2025-yil 9-dekabrda 12-n-son “Havo harakatidagi alohida vaziyatlar haqida havo kemalari ekipajlarining majburiy xabarnoma va bildirishnomalari shakllarini tasdiqlash to‘g‘risida”gi buyruqni o‘z kuchini yo‘qotgan deb topish haqida”gi buyrug‘i (*O‘zbekiston Respublikasi Adliya vazirligi tomonidan 2025-yil 12-dekabrda ro‘yxatdan o‘tkazildi, ro‘yxat raqami 2661-1*)
791. O‘zbekiston Respublikasi Markaziy banki Boshqaruvining 2025-yil 11-dekabrda 33/1-son “Kapital harakati bilan bog‘liq ayrim valyuta operatsiyalarini amalga oshirish tartibi to‘g‘risidagi nizomning 6¹-bandiga qo‘shimcha kiritish haqida”gi qarori (*O‘zbekiston Respublikasi Adliya vazirligi tomonidan 2025-yil 12-dekabrda ro‘yxatdan o‘tkazildi, ro‘yxat raqami 2536-2*)

Вазирликлар, давлат қўмиталари ва идораларнинг норматив-ҳуқуқий ҳужжатларини давлат рўйхатидан ўтказиш ҳолати тўғрисидаги маълумот

БИРИНЧИ БЎЛИМ**ЎЗБЕКИСТОН РЕСПУБЛИКАСИНING
ҚОНУНИ****775 Давлат ижтимоий суғуртаси тўғрисида***

Қонунчилик палатаси томонидан 2025 йил
14 октябрда қабул қилинган

Сенат томонидан 2025 йил 31 октябрда
маъқулланган

1-боб. Умумий қоидалар**1-модда. Ушбу Қонуннинг мақсади**

Ушбу Қонуннинг мақсади давлат ижтимоий суғуртаси соҳасидаги муносабатларни тартибга солишдан иборат.

Ушбу Қонуннинг амал қилиши суғурта ва давлат тиббий суғуртаси, шунингдек ишлаб чиқаришдаги бахтсиз ҳодисалардан ва касб касалликларидан мажбурий давлат ижтимоий суғуртаси билан боғлиқ муносабатларга нисбатан татбиқ этилмайди.

2-модда. Давлат ижтимоий суғуртаси тўғрисидаги қонунчилик

Давлат ижтимоий суғуртаси тўғрисидаги қонунчилик ушбу Қонун ва бошқа қонунчилик ҳужжатларидан иборатдир.

Агар Ўзбекистон Республикасининг халқаро шартномасида Ўзбекистон Республикасининг давлат ижтимоий суғуртаси тўғрисидаги қонунчилигида назарда тутилганидан бошқача қоидалар белгиланган бўлса, халқаро шартнома қоидалари қўлланилади.

3-модда. Асосий тушунчалар

Ушбу Қонунда қуйидаги асосий тушунчалар қўлланилади:

давлат ижтимоий суғуртаси — суғурта ҳодисалари юзага келганда суғурталанган шахсларнинг даромадлари йўқолишининг олдини олишга қаратилган давлат кафолатлари тизими;

давлат ижтимоий суғуртаси субъектлари — суғурталовчи, суғурта қилдирувчилар ва суғурталанган шахслар;

давлат ижтимоий суғуртаси бўйича тўловлар — суғурта ҳодисаси юзага келганда суғурталанган шахсга жамғарма маблағлари ҳисобидан амалга ошириладиган нафақалар тарзидаги тўловлар;

* Ушбу Қонун «Қонунчилик маълумотлари миллий базаси»да 2025 йил 9 декабрда эълон қилинган.

жамғарма — Ўзбекистон Республикаси Президенти ҳузуридаги Ижтимоий ҳимоя миллий агентлигининг (бундан буён матнда Ижтимоий ҳимоя миллий агентлиги деб юритилади) Давлат ижтимоий суғурта жамғармаси бўлиб, у Ўзбекистон Республикаси республика бюджети маблағлари, суғурта бадаллари ва бошқа манбалар ҳисобидан шакллантирилади, юридик шахс мақомига эга бўлади, суғурталанган шахсга суғурта ходисаси юзага келганда давлат ижтимоий суғуртаси бўйича тўловларни молиялаштириш учун мўлжалланган бўлади;

суғурталовчи — Ижтимоий ҳимоя миллий агентлигининг жамғармаси;

суғурта стажи — суғурталанган шахс учун суғурта бадалларини тўлаш амалга оширилган давр;

суғурталанган шахс — суғурта ходисаларидан давлат ижтимоий суғуртаси орқали ҳимояланган жисмоний шахс;

суғурта қилдирувчи — суғурта ходисалари юзага келганда суғурталанган шахснинг ҳимоя қилинишини таъминлаш мақсадида ижтимоий солиқ ва (ёки) суғурта бадаллари тўлайдиган шахс.

4-модда. Давлат ижтимоий суғуртасининг асосий принциплари

Давлат ижтимоий суғуртасининг асосий принциплари қонунийлик, умуминсонийлик, тенглик, молиявий барқарорлик ва ҳисобдорликдан иборатдир.

2-боб. Давлат ижтимоий суғуртасига доир ҳуқуқий муносабатлар

5-модда. Давлат ижтимоий суғуртасининг амал қилиши

Фуқароларга нисбатан давлат ижтимоий суғуртасининг амал қилиши мажбурий ёки ихтиёрий асосда амалга оширилади.

Давлат ижтимоий суғуртаси қуйидагиларга нисбатан мажбурий асосда амалга оширилади:

меҳнат фаолиятини меҳнат шартномалари асосида амалга оширадиган фуқароларга (бундан деҳқон хўжалигининг ихтисослашувига қараб, муайян ишни бажариш учун меҳнат шартномаси шартлари асосида вақтинчалик (мавсумий) асосда жалб этиладиган бошқа шахслар мустасно), юридик шахсларнинг раҳбарлари сифатида фаолиятни амалга оширадиган фуқароларга;

юридик ёки жисмоний шахслар билан тузилган фуқаролик-ҳуқуқий хусусиятга эга шартномалар асосида хизматлар кўрсатиш, ишларни бажариш ёки интеллектуал мулк объектларини яратиш бўйича ишларни бажарадиган фуқароларга.

Давлат ижтимоий суғуртаси қуйидагиларга нисбатан ихтиёрий асосда амалга оширилади:

ўзини ўзи банд қилган шахсларга;

деҳқон хўжалигининг аъзоларига ва деҳқон хўжалигининг ихтисослашувига қараб, муайян ишни бажариш учун меҳнат шартномаси шартлари

асосида вақтинчалик (мавсумий) асосда жалб этиладиган бошқа шахсларга;

шахсий томорқа ер участкаларида банд бўлган ёки мазкур майдонда чорвачилик (қорамол, қўйлар, эчкилар, отлар ва бошқалар), иссиқхона хўжалиги, паррандачилик (товуқлар, беданалар, куркалар, ғозлар, ўрдаклар), қуёнчилик, асаларичилик, балиқчилик, боғдорчилик, лимончилик, гулчилик билан шуғулланадиган шахсий томорқа ер участкаларининг эгалари ёки уларнинг оила аъзолари бўлган фуқароларга (уларга тегишли бўлган томорқа ер участкасининг майдонидан ёки улар томонидан парвариш қилинаётган уй ҳайвонлари ва паррандаларнинг сонидан қатъи назар);

Ўзбекистон Республикасининг давлат органлари ва бошқа ташкилотлари томонидан чет давлатларда ташкил этилган (очилган) савдо уйларида, ваколатхоналарда (шу жумладан юридик шахс ташкил этмаган ҳолда), ташкилотларда ишлайдиган Ўзбекистон Республикаси фуқароларига;

чет элда ёлланиб ишлайдиган Ўзбекистон Республикаси фуқароларига;

Ўзбекистон Республикаси ҳудудида доимий яшовчи ҳамда Ўзбекистон Республикаси ҳудудида даромад келтирадиган фаолиятни амалга оширадиган чет эл фуқароларига ва фуқаролиги бўлмаган шахсларга;

ишламайдиган фуқароларга, улар учун суғурта бадали эри (хотини) томонидан тўланганда;

юридик шахсларнинг муассислари (иштирокчилари) сифатида даромадлар оладиган фуқароларга;

якка тартибдаги тадбиркорларга, шу жумладан «Хунарманд» уюшмасининг аъзолари бўлган хунармандчилик фаолияти субъектларига;

фаолиятни юридик шахс ташкил этмаган ҳолда, оилавий тадбиркорлик шаклида амалга оширадиган оила аъзоларига;

деҳқон хўжалигининг бошлиғига;

қонунчиликка мувофиқ солиқни ҳисоблаб чиқариш ва ушлаб қолиш мажбурияти зиммасига юклатилмаган иш берувчидан даромадлар оладиган фуқароларга.

Мажбурий ёки ихтиёрий асосда давлат ижтимоий суғуртаси билан суғурталанган шахслар тенг ҳуқуқ ва мажбуриятларга эга бўлади.

Ҳарбий хизматчиларнинг, ички ишлар органларининг, Ўзбекистон Республикаси Миллий гвардиясининг бошлиқлар ва оддий аскарлар таркибидан бўлган шахсларнинг, судьяларнинг ва прокуратура органларининг мартаба даражаларига (ҳарбий унвонларга) эга бўлган ходимларининг ижтимоий суғурта таъминоти алоҳида қонунчилик билан белгиланади.

6-модда. Давлат ижтимоий суғуртаси бўйича муносабатлар

Давлат ижтимоий суғуртаси бўйича муносабатлар қуйидаги ҳолларда юзага келади:

а) суғурта қилдирувчиларда:

ижтимоий солиқни тўловчилар учун — ижтимоий солиқни тўлаш бўйича мажбурият юзага келган пайтдан эътиборан;

давлат ижтимоий суғуртаси мажбурий қилиниши лозим бўлган шахслар учун — даромад ҳисобланган пайтдан эътиборан;

давлат ижтимоий суғуртаси ихтиёрий қилиниши мумкин бўлган шахслар учун — суғурта бадаллари тўланган пайтдан эътиборан.

Бунда, агар суғурта қилдирувчи ўзи учун суғурта бадалини тўласа, у давлат ижтимоий суғуртаси бўйича суғурталанган шахс сифатида муносабатларга киришади.

б) суғурталовчида — суғурта қилдирувчи рўйхатга олинган пайтдан эътиборан;

в) суғурталанган шахсларда:

мажбурий давлат ижтимоий суғуртаси билан суғурталанган шахслар учун — даромад ҳисобланган пайтдан эътиборан;

ихтиёрий давлат ижтимоий суғуртаси билан суғурталанган шахслар учун — суғурта бадаллари тўланган пайтдан эътиборан.

7-модда. Суғурта ҳодисалари

Суғурталовчининг суғурталанган шахсга давлат ижтимоий суғуртаси бўйича тўловларни амалга ошириш мажбуриятининг юзага келиши суғурта ҳодисаси деб ҳисобланади.

Суғурта ҳодисалари жумласига қуйидагилар киради:

касаллик муносабати билан вақтинча меҳнатга лаёқатсизлик;

хомиладорлик ва туғиш;

ишни ёки даромадни йўқотиш.

Суғурта ҳодисалари юзага келганда суғурталанган шахсларга ва (ёки) уларнинг оила аъзоларига давлат ижтимоий суғуртаси бўйича қуйидаги тўловлар амалга оширилади:

вақтинча меҳнатга лаёқатсизлик нафақаси;

хомиладорлик ва туғиш нафақаси;

ишдан бўшатиш нафақаси.

3-боб. Давлат ижтимоий суғуртаси субъектларининг ҳуқуқ ва мажбуриятлари

8-модда. Суғурталанган шахсларнинг ҳуқуқ ва мажбуриятлари

Суғурталанган шахслар қуйидаги ҳуқуқларга эга:

давлат ижтимоий суғуртаси бўйича тўловларни ўз вақтида олиш;

ўз ҳуқуқларини шахсан, ўзининг вакили орқали ёки суд тартибида ҳимоя қилиш;

суғурталовчи ва суғурта қилдирувчи тўғрисида маълумотлар олиш;

суғурталовчидан давлат ижтимоий суғуртаси масалалари бўйича норматив-ҳуқуқий ҳужжатлар ва суғурталанган шахсларга тўланадиган давлат ижтимоий суғуртаси бўйича тўловлар миқдорлари тўғрисида ахборотни бепул олиш.

Суғурталанган шахслар суғурта ҳодисасидан келиб чиққан ҳолда, давлат ижтимоий суғуртаси бўйича тўловни тайинлаш ва амалга ошириш учун

асос бўладиган тегишли ишончли маълумотларни ўз ичига олган ҳужжатларни суғурталовчига ўз вақтида тақдим этиши шарт.

9-модда. Суғурталовчининг ҳуқуқ ва мажбуриятлари

Суғурталовчи қуйидаги ҳуқуқларга эга:

суғурта ҳодисаси юзага келганда, заруратга қараб, суғурта ҳодисаси юзага келганлигини текшириш;

суғурта бадалларини ҳисобга олиш ва тўлаш бўйича ҳужжатларни (ёки электрон маълумотларни), шунингдек давлат ижтимоий суғуртаси бўйича тўловларни амалга ошириш билан боғлиқ ҳужжатларни текшириш;

суғурталанган шахсни идентификация қилиш, суғурта стажини ва суғурта бадалининг миқдорини аниқлаш, суғурта ҳодисаси юзага келганлигини тасдиқлаш учун зарур бўлган суғурталанган шахс тўғрисидаги маълумотларни олиш, шу жумладан бошқа давлат органлари билан электрон ахборот алмашинуви орқали олиш;

ушбу Қонуннинг 18 ва 19-моддаларида белгиланган ҳолларда давлат ижтимоий суғуртаси бўйича тўловларни тўхтатиб туриш, қайта тиклаш ва тугатиш;

ўз ҳуқуқларини ҳимоя қилиш ва етказилган зарарнинг ўрнини қоплаш тўғрисидаги даъволар, шу жумладан суғурталанган шахс томонидан тақдим этилган ишончсиз ёки сохта ҳужжатлар (маълумотлар) асосида давлат ижтимоий суғуртаси бўйича тўловлар тайинланганлиги муносабати билан қилинган харажатларнинг ўрнини қоплаш ҳақидаги даъволар билан судга мурожаат қилиш.

Суғурталовчи:

давлат ижтимоий суғуртаси бўйича тўловлар учун суғурта бадалларини жамғариб бориши;

фаолияти тўғрисидаги ахборотни ўзининг расмий веб-сайтида жойлаштириши;

давлат ижтимоий суғуртаси бўйича тўловларнинг ўз вақтида тайинланишини ва белгиланган миқдорларда тўланишини таъминлаши;

суғурта бадаллари ва тўловларининг ҳисобини юритиши;

суғурта бадалларини тўлаган шахсларнинг давлат ижтимоий суғуртасини амалга ошириши;

суғурта қилдирувчиларни рўйхатдан ўтказишни ва ҳисобдан чиқаришни амалга ошириши;

суғурта қилдирувчиларнинг ва суғурталанган шахсларнинг, жамғарма тушумлари ва харажатларининг ягона ҳисобини юритиши, шунингдек суғурталанган шахсларнинг персоналлаштирилган ҳисоби учун тақдим этилган маълумотларнинг тўғрилигини бошқа давлат органлари билан электрон ахборот алмашинуви орқали текшириши;

суғурта қилдирувчилар ва суғурталанган шахслар учун давлат ижтимоий суғуртаси бўйича тушунтириш ишларини олиб бориши, шу жумладан суғурта бадалларининг ва давлат ижтимоий суғуртаси бўйича амалга оширилган тўловларнинг ҳисоби юзасидан шахсга доир маълумотларни, мазкур

тўловлар бўйича мурожаат қилиш ва уларни тайинлаш тартиби тўғрисидаги маълумотларни тақдим этиши шарт.

10-модда. Суғурта қилдирувчиларнинг ҳуқуқ ва мажбуриятлари

Суғурта қилдирувчилар қуйидаги ҳуқуқларга эга:

суғурталовчидан давлат ижтимоий суғуртаси масалалари бўйича норматив-ҳуқуқий ҳужжатлар ва суғурталанган шахсларга давлат ижтимоий суғуртаси бўйича амалга ошириладиган тўловлар миқдорлари тўғрисидаги ахборотни бепул олиш;

ўз ҳуқуқларини ҳимоя қилиш ёхуд давлат ижтимоий суғуртаси бўйича тўлов тайинланишининг тўғрилигини қайта кўриб чиқиш учун Ижтимоий ҳимоя миллий агентлигига ёки судга мурожаат қилиш.

Суғурта қилдирувчилар:

суғурталовчидан рўйхатдан ўтиши ва ҳисобдан чиқиши;

суғурта бадалларини ўз вақтида ва белгиланган ставкалар бўйича тўлаши;

давлат ижтимоий суғуртаси бўйича тўловларга тааллуқли бўлган ҳужжатларни текшириш учун Ижтимоий ҳимоя миллий агентлигига тақдим этиши шарт.

4-боб. Давлат ижтимоий суғуртасининг молиявий тизими

11-модда. Давлат ижтимоий суғуртаси маблағлари

Давлат ижтимоий суғуртаси маблағлари суғурталовчи томонидан қуйидагилар ҳисобига шакллантирилади:

ижтимоий солиқнинг бир қисми;

суғурта бадаллари;

Ўзбекистон Республикасининг республика бюджети маблағлари;

жамғарманинг вақтинча бўш турган маблағларини депозитларга жойлаштиришдан олинadиган даромадлар;

қонунчилик ҳужжатларида тақиқланмаган бошқа тушумлар.

Давлат ижтимоий суғуртаси маблағлари жамғармада жамланади.

12-модда. Суғурта бадали

Суғурта бадали суғурталанган шахс учун жамғармага амалга ошириладиган ажратма ёки тўлов ҳисобланади.

Суғурта бадали мажбурий давлат ижтимоий суғуртаси билан қамраб олинadиган фуқаролар учун Ўзбекистон Республикасининг Давлат бюджети тўғрисидаги Ўзбекистон Республикаси Қонуни билан белгиланган миқдорларда жисмоний шахслардан олинadиган даромад солиғининг бир қисми ҳисобидан, ихтиёрий давлат ижтимоий суғуртаси билан қамраб олинadиган фуқаролар учун минимал миқдори қонунчилик ҳужжатлари билан белгиланadиган тўлов ҳисобидан шакллантирилади.

Жисмоний шахсларга қонунчилик ҳужжатларига мувофиқ ҳисобланган

меҳнатга ҳақ тўлаш тарзидаги барча даромадлар суғурта бадалларини ҳисоблаш объектидир.

Суғурта бадали ставкаси суғурта бадалларини ҳисоблаш объектнинг суммасига нисбатан фоизли нисбатда ҳисобланади.

Суғурта бадаллари ҳисобини юритиш тартиби Ўзбекистон Республикаси Вазирлар Маҳкамаси томонидан белгиланади.

13-модда. Суғурта бадалларини тўловчилар

Суғурта бадалларини тўловчилар деб қуйидагилар эътироф этилади: мажбурий давлат ижтимоий суғуртаси билан суғурталанган шахслар; ихтиёрий давлат ижтимоий суғуртаси билан суғурталанган шахслар.

Қонунчилик ҳужжатлари билан айрим шахсларни ёки шахслар тоифаларини суғурта бадалларини тўлашдан озод этиш ёки уларга имтиёзлар бериш тақиқланади.

14-модда. Давлат ижтимоий суғуртаси молиявий барқарорлигининг давлат кафолатлари

Жамғарманинг даромадлари ва харажатлари прогнозини тузишда ҳамда давлат ижтимоий суғуртаси бўйича тўловларни ўз вақтида амалга ошириш учун жамғарма бюджети тақчиллигининг прогноз хавфлари юзага келганда, Ўзбекистон Республикаси Иқтисодиёт ва молия вазирлиги суғурталовчининг асосланган талабномаси асосида навбатдаги молия йили учун Ўзбекистон Республикасининг Давлат бюджети тўғрисидаги қонун лойиҳасини ишлаб чиқишда, давлат бюджети тақчиллигининг чекланган миқдорини ҳисобга олган ҳолда, давлат ижтимоий суғуртаси бўйича тўловларни таъминлаш имконини берадиган, Ўзбекистон Республикасининг республика бюджетидан жамғармага бюджетлараро трансфертлар ажратилишини назарда тутаяди.

15-модда. Давлат ижтимоий суғуртаси маблағларини бюджетлаштириш ва харажат қилиш ҳамда уларнинг ижроси тўғрисидаги ҳисоботлар

Жамғарма бюджети суғурталовчи томонидан ишлаб чиқилади ва Ўзбекистон Республикасининг Давлат бюджети тўғрисидаги Ўзбекистон Республикаси Қонуни билан тасдиқланади.

Жамғарма маблағлари давлат ижтимоий суғуртаси бўйича тўловларни, шу жумладан мазкур тўловларни амалга ошириш билан боғлиқ харажатларни молиялаштиришга сарфланади.

Тасдиқланган бюджет кўрсаткичларининг бажарилиши суғурталовчи ва унинг ҳудудий бўлиналари, туман (шаҳар) «Инсон» ижтимоий хизматлар марказлари томонидан таъминланади.

Жамғарма бюджетининг муайян молия йилидаги ижроси тўғрисидаги ҳисоботлар Ўзбекистон Республикаси Иқтисодиёт ва молия вазирлигига тақдим этилади.

Жамғарманинг жорий ҳисобот йилида фойдаланилмай қолган маблағлари олиб қўйилмайди ва кейинги йилга ўтказилади.

5-боб. Давлат ижтимоий суғуртаси бўйича тўловлар

16-модда. Давлат ижтимоий суғуртаси бўйича тўловларни тайинлаш ва амалга ошириш

Давлат ижтимоий суғуртаси бўйича тўловларни олишга бўлган ҳуқуқ суғурта бадалларининг тўланишига қараб юзага келади.

Давлат ижтимоий суғуртаси бўйича тўловлар қонунчилик ҳужжатларида белгиланган миқдорларда ва тегишли даврлар учун тайинланади.

Давлат ижтимоий суғуртаси бўйича тўловларни тайинлаш ва амалга ошириш тартиби, шу жумладан давлат ижтимоий суғуртаси бўйича энг кам суғурта стажи ҳамда тўловларни амалга ошириш муддатлари Ўзбекистон Республикаси Вазирлар Маҳкамаси томонидан белгиланади.

17-модда. Давлат ижтимоий суғуртаси бўйича тўловларни тайинлаш учун мурожаат қилиш ва ҳужжатларни кўриб чиқиш

Давлат ижтимоий суғуртаси бўйича тўловларни ишдан бўшатиш нафақаси тарзида тайинлаш суғурталанган шахснинг мурожаати асосида, вақтинчалик меҳнатга лаёқатсизлик нафақалари ҳамда ҳомиладорлик ва туғиш нафақалари тарзида эса суғурталанган шахснинг мурожаати талаб этилмаган ҳолда (проактив шаклда) амалга оширилади.

Давлат ижтимоий суғуртаси бўйича тўловларни тайинлаш учун мурожаат суғурталанган шахс томонидан қуйидагича амалга оширилади:

суғурталовчига бевосита ёки иш берувчи орқали;

махсус давлат ахборот тизимлари орқали электрон тарзда.

Суғурталанган шахснинг мурожаати талаб этилмаган ҳолда (проактив шаклда) тайинланадиган давлат ижтимоий суғуртаси бўйича тўловлар юзасидан суғурта ҳодисаси юзага келганда суғурталанган шахс тўғрисидаги маълумотлар суғурталовчига Ижтимоий ҳимоя миллий агентлигининг ахборот тизими орқали тақдим этилади.

18-модда. Давлат ижтимоий суғуртаси бўйича тўловларни тўхтатиб туриш ва қайта тиклаш

Давлат ижтимоий суғуртаси бўйича тўловлар қуйидаги ҳолларда кейинги ойнинг биринчи санасидан эътиборан тўхтатиб турилади:

суғурталанган шахс ёки унинг қонуний вакили давлат ижтимоий суғуртаси бўйича тўловларни тўхтатиб туриш ҳақида мурожаат қилганда;

суғурталанган шахс қонунда белгиланган тартибда бедарак йўқолган деб топилганда;

қонунчиликда белгиланган бошқа ҳолларда.

Давлат ижтимоий суғуртаси бўйича тўлов суғурта ҳодисаси тасдиқланган тақдирда, давлат ижтимоий суғуртаси бўйича тўловнинг тўхтатиб тури-

лишига сабаб бўлган ҳолатлар бартараф этилганлигини тасдиқловчи ахборот тизимларидан олинган ҳужжатларга ва (ёки) маълумотларга асосан қайта тикланади.

19-модда. Давлат ижтимоий суғуртаси бўйича тўловларни тугатиш

Давлат ижтимоий суғуртаси бўйича тўловлар қуйидаги ҳолларда тугатилади:

суғурталанган шахс вафот этганда ёки суд қарори билан вафот этган деб эълон қилинганда. Бунда давлат ижтимоий суғуртаси бўйича тўлов суғурталанган шахс вафот этган ёки вафот этган деб эълон қилинган ойдан кейинги ойнинг биринчи санасидан эътиборан тугатилади;

суғурталанган шахс Ўзбекистон Республикасининг фуқаролигидан чиққанда ёки Ўзбекистон Республикасининг фуқаролигини йўқотганда;

суғурталанган шахс ёки унинг қонуний вакили давлат ижтимоий суғуртаси бўйича тўловни тугатиш тўғрисида мурожаат қилганда. Бунда давлат ижтимоий суғуртаси бўйича тўлов мурожаат берилган ойдан кейинги ойнинг биринчи санасидан эътиборан тугатилади;

давлат ижтимоий суғуртаси бўйича тўловни тайинлаш тўғрисида қарор қабул қилиш учун асос бўлиб хизмат қилган ҳужжатларнинг (маълумотларнинг) ишончсизлиги ёки сохта эканлиги аниқланганда. Бунда давлат ижтимоий суғуртаси бўйича тўлов тайинланган кундан эътиборан тугатилган ҳисобланади ва тўланган маблағлар суғурталанган шахс томонидан қайтарилади.

6-боб. Яқунловчи қоидалар

20-модда. Низоларни ҳал этиш

Давлат ижтимоий суғуртаси соҳасидаги низолар қонунчиликда белгиланган тартибда ҳал этилади.

21-модда. Давлат ижтимоий суғуртаси тўғрисидаги қонунчиликни бузганлик учун жавобгарлик

Давлат ижтимоий суғуртаси тўғрисидаги қонунчиликни бузганликда айбдор шахслар белгиланган тартибда жавобгар бўлади.

22-модда. Ўзбекистон Республикаси Меҳнат кодексининг 399-моддасига ўзгартириш киритиш

Ўзбекистон Республикасининг 2022 йил 28 октябрда қабул қилинган ЎРҚ–798-сонли Қонуни билан тасдиқланган **Ўзбекистон Республикасининг Меҳнат кодекси** (Ўзбекистон Республикаси Олий Мажлиси палаталарининг Ахборотномаси, 2022 йил, 10-сонга илова; 2023 йил, № 4, 265-модда, № 11, 923-модда; 2024 йил, № 2, 111-модда, № 7, 627-модда, № 9, 964-модда; 2025 йил № 2, 193-модда, № 6, 730-модда) **399-моддасининг**

матнидаги «давлат ижтимоий суғурта» деган сўзлар «Ўзбекистон Республикаси Иқтисодиёт ва молия вазирлиги ҳузуридаги бюджетдан ташқари Пенсия жамғармаси» деган сўзлар билан алмаштирилсин.

23-модда. Ушбу Қонуннинг ижросини, етказилишини, моҳияти ва аҳамияти тушунтирилишини таъминлаш

Ўзбекистон Республикаси Президенти ҳузуридаги Ижтимоий ҳимоя миллий агентлиги ва бошқа манфаатдор ташкилотлар ушбу Қонуннинг ижросини, ижрочиларга етказилишини ҳамда моҳияти ва аҳамияти аҳоли ўртасида тушунтирилишини таъминласин.

24-модда. Қонунчиликни ушбу Қонунга мувофиқлаштириш

Ўзбекистон Республикаси Вазирлар Маҳкамаси:

ушбу Қонун 12-моддасининг бешинчи қисмида назарда тутилган суғурта бадаллари ҳисобини юритиш тартибини ушбу Қонун расмий эълон қилинган кундан эътиборан уч ой ичида белгиласин;

ушбу Қонун 16-моддасининг учинчи қисмида назарда тутилган давлат ижтимоий суғуртаси бўйича тўловларни тайинлаш ва амалга ошириш тартибини, шу жумладан давлат ижтимоий суғуртаси бўйича энг кам суғурта стажини ҳамда тўловларни амалга ошириш муддатларини ушбу Қонун расмий эълон қилинган кундан эътиборан уч ой ичида белгиласин;

ҳукумат қарорларини ушбу Қонунга мувофиқлаштиради;

республика ижро этувчи ҳокимият органлари ушбу Қонунга зид бўлган ўз норматив-ҳуқуқий ҳужжатларини қайта кўриб чиқишлари ва бекор қилишларини таъминласин.

25-модда. Ушбу Қонуннинг кучга кириши

Ушбу Қонун 2026 йил 1 январдан эътиборан кучга киради.

**Ўзбекистон Республикасининг
Президенти**

Ш. МИРЗИЁЕВ

Тошкент ш.,
2025 йил 9 декабрь,
ЎРҚ–1101-сон

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

776 Нақдсиз ҳисоб-китобларни оммалаштириш ва яширин иқтисодиёт улушини қисқартиришга қаратилган қўшимча чора-тадбирлар тўғрисида*

[Кўчирма]

Нақдсиз ҳисоб-китобларни оммалаштириш ҳамда бизнес юритишда рақобат муҳитини янада ривожлантириш, мамлакатимизда яширин иқтисодиёт улушини қисқартиришнинг самарали механизмларини жорий этиш ҳамда бизнесни соядан чиқаришни рағбатлантириш мақсадида **қарор қиламан:**

I. Асосий мақсадлар

1. Қуйидагилар 2030 йилга қадар яширин иқтисодиёт улушини қисқартиришнинг асосий мақсадли кўрсаткичлари этиб белгилансин:

(а) ялпи ички маҳсулотга нисбатан кузатилмайдиган иқтисодиёт улушини 1,3 бараварга қисқартириш;

(б) савдо ва хизмат кўрсатиш соҳаларида аҳоли томонидан тўловларни нақд пулсиз амалга ошириш улушини 75 фоизга етказиш;

(в) иқтисодиётнинг расмий секторида банд аҳолининг жами иқтисодий фаол аҳолига нисбатан улушини 64 фоизга етказиш;

(г) Иқтисодий эркинлик индекси ва Коррупцияни идрок қилиш индексида Ўзбекистон Республикасининг ўрни камида 30 поғонага кўтарилишига эришиш.

II. Нақдсиз тўловларни оммалаштириш чоралари

2. Белгилансинки, 2026 йил 1 апрелдан бошлаб қуйидагилар учун тўловлар фақатгина банк карталари ёки электрон тўлов тизимлари орқали амалга оширилади:

(а) давлат органлари томонидан кўрсатиладиган хизматлар;

(б) электр энергияси, табиий газ, ичимлик сувидан фойдаланганлик учун тўловлар (бундан банк кассалари орқали амалга ошириладиган тўловлар мустасно);

(в) алкоголь ва тамаки маҳсулотлари;

(г) транспорт воситаларига ёқилғи қўйиш шохобчалари орқали аҳолига

* Ушбу Фармон «Қонунчилик маълумотлари миллий базаси»да 2025 йил 10 декабрда эълон қилинган.

нефть-газ маҳсулотларини сотиш ва электрда ҳаракатланадиган транспорт воситаларини зарядлаш бўйича хизматлар;

(д) қиймати 25 миллион сўмдан ошадиган товар ва хизматлар (бундан қишлоқ хўжалиги маҳсулотлари мустасно);

(ж) кўчмас мулк объектлари, ишлаб чиқарилганига ўн йилдан ошмаган М, N, O ва G тоифага кирувчи транспорт воситалари ҳамда махсус автотранспорт воситаларини сотиш ва сотиб олиш. Бунда:

(i) олди-сотди шартномалари бўйича сотувчи ва харидор ўртасидаги ҳисоб-китоблар банк ва нотариал органларнинг ахборот тизимлари ўртасидаги маълумот алмашинуви орқали амалга оширилади (бундан банк кассалари орқали амалга ошириладиган тўловлар мустасно);

(ii) шартномаларни нотариал тартибда расмийлаштириш учун тижорат банклари ва тўлов ташкилотлари томонидан электрон ахборот алмашинуви воситасида тўловни тасдиқловчи маълумотлар асос бўлади.

3. Қўйидагилар:

(а) Марказий банк 2026 йил 1 январга қадар барча савдо ва хизмат кўрсатувчи юридик шахслар томонидан электрон тўловларни қабул қилиш учун ягона QR кодни жорий қилсин;

(б) Солиқ қўмитаси Марказий банк билан биргаликда 2026 йил 1 январдан бошлаб барча савдо ва хизмат кўрсатиш соҳасидаги юридик шахслар томонидан банкларда генерация қилинган ягона QR код орқали электрон тўловларни қабул қилишни йўлга қўйиш чораларини кўрсин. Бунда 2026 йил 1 июлдан бошлаб:

(i) барча савдо ва хизмат кўрсатиш соҳасидаги юридик шахсларда ягона QR кодли тўлов тизими орқали тўловларни қабул қилиш ҳам мажбурий этиб белгиланади;

(ii) ягона QR кодлардан фойдаланилмаётганлиги савдо қоидаларини бузиш деб ҳисобланади.

III. Тадбиркорлик фаолиятига асоссиз аралашувларни бартараф этиш

4. Белгилансинки, 2026 йил 1 июлдан бошлаб босқичма-босқич назорат қилувчи органлар томонидан 1-иловада* кўрсатилган ҳолатлар бўйича тадбиркорлик субъектларида ўтказиладиган текширувларни боди-камерадан фойдаланган ҳолда амалга ошириш тартиби жорий этилади.

IV. Солиқ ва божхона маъмуриятчилиги

5. Белгилансинки, 2026 йил 1 январдан бошлаб:

(а) импорт қилинган озиқ-овқат маҳсулотларининг тўққиз ой (гўшт ва хўл мева-сабзавотларнинг уч ой) давомида сотилмаганлиги ва қиймати базавий ҳисоблаш миқдорининг беш юз бараваридан ортиқ бўлган ушбу маҳсулотлар қолдиқда турганлиги ҳолати сайёр солиқ текширувини ўтказиш учун асос ҳисобланади;

* 1-2-иловалар «Қонунчилик маълумотлари миллий базаси»да эълон қилинган.

(б) кўчмас мулк объектлари ва қурилиш материаллари бўйича солиқ базаси ушбу товарларнинг бозор баҳосидан келиб чиқиб аниқланади;

(в) Ўзбекистон Республикаси ҳудудида жисмоний шахсларга электрон шаклда хизматлар кўрсатувчи ва товарлар сотувчи чет эл юридик шахслари солиқ органида рўйхатдан ўтмасдан фаолият юритаётгани аниқланиб, рўйхатдан ўтиш тўғрисида хабарнома юборилгандан кейин 30 кун ичида рўйхатдан ўтмаган тақдирда, ушбу юридик шахсларнинг Ўзбекистондаги фаолияти чекланади;

(г) қурилиш ва савдо соҳаларидаги юридик шахслар томонидан ўзларининг устав капитали ва ундаги ўзгаришлар, шу жумладан, устав капиталига киритилган товарлар тўғрисидаги маълумотларнинг (электрон ҳисобварақ-фактура, онлайн назорат касса техникаси чеки, божхона юк декларацияси, нотариус томонидан тасдиқланган олди-сотди шартномаси ва бошқа ҳужжатлар) ҳисоби юритилади ва мазкур турдаги операциялар амалга оширилгандан сўнг 15 кун муддатда шахсий кабинет орқали солиқ органлари маълумотлар базасида мажбурий акс эттирилади;

(д) қўшилган қиймат солиғи суммасини текширувларсиз тезлаштирилган тарзда қайтариш тартиби таъсисчиси ёки раҳбари солиқлар ёки йиғимларни тўлашдан бўйин товлаш билан боғлиқ жиноятларни содир этган тадбиркорлик субъектларига, шунингдек, бундай тадбиркорлик субъектларининг таъсисчиси ёки раҳбари томонидан охириги 12 ойда янги ёки қайта ташкил этилган тадбиркорлик субъектларига нисбатан татбиқ этилмайди;

(ж) камерал солиқ текширувини ўтказишда солиқ органлари аниқлаган тафовутни асослаш учун солиқ тўловчилар томонидан қўшимча ҳужжатлар тақдим этилганда солиқ органлари томонидан уларнинг кўриб чиқилиши мажбурий ҳисобланади. Бунда камерал солиқ текшируви натижаси бўйича аниқланган ҳуқуқбузарликлар солиқ тўловчи томонидан белгиланган муддатда бартараф этилган ҳамда солиқлар ва йиғимлар, шу жумладан, пенялар тўлиқ тўланганда юридик шахснинг мансабдор шахслари жиноий ёки қонунчиликда назарда тутилган бошқа жавобгарликдан озод қилинади;

(з) сотувчи томонидан лицензияланадиган ёки рухсат этиш ёхуд хабардор қилиш тартибида амалга ошириладиган фаолият турлари бўйича товарлар реализация қилинганда, ушбу сотувчининг лицензияси (рухсат этиш хусусиятига эга ҳужжат ёки хабарнома) мавжудлиги автоматлаштирилган тарзда текширилиб, ҳисобварақ-фактура расмийлаштиришга рухсат берилади.

6. Белгилаб қўйилсинки, сертификатлаш ва божхона расмийлаштируви жараёнларини соддалаштириш мақсадида 2026 йил 1 январдан бошлаб битта ташқи савдо шартномаси доирасида айнан бир хил турдаги товарларга мувофиқлик ва экологик сертификат бир календарь йилдан ошмаган муддатга бир маротаба берилади.

7. Транспорт вазирлиги тадбиркорлик субъектларини жалб қилган ҳолда 2026 йил 1 апрелга қадар юк ташиш ва махсус автотранспорт воситалари хизматлари ҳисобини онлайн юритишни назарда тутувчи электрон платформанинг ишлаб чиқилишини таъминласин. Бунда:

(а) мазкур платформани ишлаб чиқиш билан боғлиқ харажатларни

Транспорт ва логистикани ривожлантириш жамғармаси ҳисобидан амалга оширишга рухсат этилади;

(б) платформада қуйидаги асосий имкониятлар бўлиши назарда тутилади:

(i) жисмоний ва юридик шахсларда мавжуд юк ташиш ва махсус автотранспорт воситалари ҳисобини олиб бориш;

(ii) аҳоли ва тадбиркорлик субъектлари томонидан онлайн буюртмалар бериш ва шартномалар тузиш ҳамда тўловларни амалга ошириш;

(iii) жисмоний ва юридик шахслар томонидан хизмат кўрсатиш турлари ва тўлов миқдорини мустақил белгилаш;

(iv) кўрсатилган хизматлар сифатини баҳолаб бориш.

8. Иқтисодиёт ва молия вазирлиги, Ҳисоб палатаси, Солиқ қўмитаси ҳамда Навоий ва Тошкент вилоятлари ҳокимликларининг 2026 йил 1 мартдан бошлаб солиқ органлари ходимлари ҳамда Навоий ва Чирчиқ шаҳарларида ҳисобга қўйилган жисмоний шахслар томонидан жами йиллик даромадлари тўғрисидаги декларацияни тақдим этиш амалиётини тажриба-синов тариқасида (кейинги ўринларда — тажриба-синов) жорий этиш тўғрисидаги таклифига розилик берилсин.

9. Белгилансинки, тажриба-синов доирасида:

(а) жисмоний шахсларнинг харажатлари вазирлик ва идоралардан олинган маълумотлар ҳамда солиқ органларининг махсус мобил иловаси орқали рўйхатдан ўтказилган товарлар (хизматлар) хариди бўйича фискал белгили чеклар ва электрон ҳисобварақ-фактуралар асосида ҳисобланади;

(б) махсус электрон платформа орқали содалаштирилган тарзда декларация тақдим этиш тартиби белгиланади;

(в) йиллик даромадлар ва харажатларнинг рақамли маълумотлари асосида солиқ базаси аниқлаштирилади. Бунда:

(i) даромадлар ва харажатлар тўғрисидаги маълумотлар етарли бўлмаган тақдирда, жисмоний шахсларга солиқ органларининг махсус мобил иловаси орқали қўшимча маълумотларни киритиш имконияти яратилади;

(ii) аниқлаштирилган солиқ базаси юзасидан қўшимча солиқ ҳисобланмайди ва ҳуқуқий таъсир чоралари қўлланмайди.

10. Солиқ қўмитаси Иқтисодиёт ва молия вазирлиги, Адлия вазирлиги, Ҳисоб палатаси ҳамда Рақамли технологиялар вазирлиги билан биргаликда икки ой муддатда тажриба-синов тизимини жорий этиш бўйича қарор лойиҳасини Вазирлар Маҳкамасига киритсин.

V. Яширин иқтисодиётга қарши курашиш самарадорлигини ошириш

11. Белгилансинки:

(а) қуйидагилар яширин иқтисодиёт улушини қисқартириш ва унга қарши курашишнинг самарали механизмларини жорий этиш, бизнесни соядан чиқариш, нақдсиз ҳисоб-китобларни оммалаштиришга шахсан масъул ҳисобланади:

(i) вазирликлар, қўмиталар, агентликлар ва инспекциялар раҳбарлари-

нинг биринчи ўринбосарлари — ушбу органлар томонидан тартибга солинадиган ёки назорат қилинадиган тармоқ ва соҳаларда;

(ii) Қорақалпоғистон Республикаси Вазирлар Кенгаши Раисининг, вилоят ва Тошкент шаҳар, туман ва шаҳар ҳокимларининг биринчи ўринбосарлари — тегишли ҳудуддаги барча тармоқ ва соҳаларда;

(б) қуйидагилар:

(i) Солиқ қўмитаси, Иқтисодий жиноятларга қарши курашиш департаменти, Иқтисодиёт ва молия вазирлиги ҳамда Марказий банкнинг ҳудудий тузилмалари бошлиқлари яширин иқтисодиёт улушини қисқартириш ва унга қарши курашиш, бизнесни соядан чиқариш, нақдсиз ҳисоб-китобларни оммалаштириш ҳамда уларнинг комплекс ечимлари бўйича амалга оширилган ишлар юзасидан ҳар чоракда Яширин иқтисодиётни қисқартириш бўйича ҳудудий комиссия олдида;

(ii) Яширин иқтисодиётни қисқартириш бўйича ҳудудий комиссия раиси комиссия фаолияти юзасидан ҳар ярим йилда тегишли Халқ депутатлари кенгаши олдида ҳисобот беради;

(в) вазирлик ва идоралар томонидан яширин иқтисодиётни қисқартириш бўйича амалга оширилган ишлар юзасидан Ўзбекистон Республикаси Олий Мажлиси палаталарида ахборот бериб борилади;

(г) Миллий статистика қўмитасига мамлакатдаги яширин иқтисодиёт улушини баҳолаш вазифаси юкланади;

(д) ҳудудлар ва соҳалар кесимида яширин иқтисодиёт улушини қисқартириш борасида кўрилаётган чоралар самарадорлигига қараб ҳокимлар ва раҳбарлар фаолияти баҳолаб борилади.

12. Яширин иқтисодиёт улушини қисқартиришга иқтисодиёт ва молия вазирининг биринчи ўринбосари (И. Норқулов) масъул этиб белгилансин ва унга:

(а) яширин иқтисодиёт улушини қисқартириш ва унга қарши курашишнинг самарали механизмларини жорий этиш, бизнесни соядан чиқариш, нақдсиз ҳисоб-китобларни оммалаштириш йўналишида вазирлик ва идоралар фаолиятини мувофиқлаштириш;

(б) ушбу йўналишда натижадорликка эришишга қаратилган чора-тадбирлар ишлаб чиқирилишини ташкиллаштириш ва уларнинг ижросини назорат қилиш вазифаси юклатилсин.

13. Миллий статистика қўмитаси Иқтисодиёт ва молия вазирлиги ҳамда Бош прокуратура билан биргаликда 2026 йил 1 апрелга қадар халқаро консултантларни жалб қилиб, яширин иқтисодиётни баҳолаш методологиясини ҳамда ҳудудлар ва соҳалар кесимида яширин иқтисодиёт даражасини белгиловчи индикаторларни ишлаб чиқсин, шунингдек ушбу индикаторларни доимий равишда эълон қилиб борсин.

VI. Фармон ижросини ташкил этиш, таъминлаш ва назорат

14. Яширин иқтисодиётни қисқартиришга қаратилган биринчи навбат-

да амалга ошириладиган чора-тадбирлар дастури 2-иловага* мувофиқ тасдиқлансин.

15. Мазкур Фармон ижросини мониторинг қилиб бориш режаси 3-иловага* мувофиқ тасдиқлансин. Бунда:

(а) Иқтисодиёт ва молия вазирлиги Фармон ижросини мониторинг режасига асосан ҳар йили 15 февралга қадар мониторингдан ўтказсин ҳамда мониторинг натижаларини Ҳисоб палатаси ва Адлия вазирлигига киритиб борсин;

(б) Ҳисоб палатаси Адлия вазирлиги билан биргаликда мониторинг режаси асосида Фармон ижросини назорат қилсин ҳамда ҳар йили 25 февралга қадар Ўзбекистон Республикаси Президенти Администрациясига ахборот киритиб борсин;

(в) «Ijro.gov.uz» тизимида Фармон ижросини назоратдан ечишда мониторинг режасида кўрсатилган мақсадларга эришилганлиги инобатга олинсин.

16. Ўзбекистон Республикаси Президентининг айрим ҳужжатларига 4-иловага* мувофиқ ўзгартириш ва қўшимчалар киритилсин.

17. Иқтисодиёт ва молия вазирлиги манфаатдор вазирлик ва идоралар билан биргаликда икки ой муддатда қонунчилик ҳужжатларига ушбу Фармондан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

18. Мазкур Фармоннинг ижросини самарали ташкил қилишга масъул ва шахсий жавобгар этиб Бош вазир ўринбосари Ж.А. Қўчқоров ҳамда Бош прокурор ўринбосари — Иқтисодий жиноятларга қарши курашиш департаменти бошлиғи Ж.Ж. Хатамов белгилансин.

19. Фармон ижросини назорат қилиш, ижро учун масъул ташкилотлар фаолиятини мувофиқлаштириш Ўзбекистон Республикаси Бош вазири А.Н. Арипов зиммасига юклансин.

**Ўзбекистон Республикаси
Президенти**

Ш. МИРЗИЁЕВ

Тошкент ш.,
2025 йил 10 декабрь,
ПФ–246-сон

* 3-4-иловалар «Қонунчилик маълумотлари миллий базаси»да эълон қилинган.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ҚАРОРИ

777 Паралимпия спорт турларини янада ривожлантиришнинг қўшимча чора-тадбирлари тўғрисида*

Паралимпия спорт турларини янада ривожлантириш, замонавий спорт инфратузилмасини яратиш, шунингдек, миллий терма жамоаларимизнинг нуфузли спорт мусобақаларида юқори натижаларга эришишини таъминлаш мақсадида **қарор қиламан:**

I. Мақсадлар ва устувор вазифалар

1. Қуйидагилар паралимпия спорт турларини (параенгил атлетика, парадзюдо, паратаэквондо, парасузиш, парапауэрлифтинг, параўқ отиш) янада ривожлантиришнинг асосий мақсадлари ва устувор вазифалари этиб белгилансин:

(а) ногиронлиги бўлган шахсларнинг паралимпия спорт турларига қизиқишини ошириш, уларнинг спорт билан шуғулланиши учун зарур шарт-шароитларни яратиш;

(б) терма жамоалар учун спорт захирасини яратиш, иқтидорли ёш спортчиларни аниқлаш, танлаш ва саралаб олиш (селекция)нинг рақамлаштирилган тизимини жорий қилиш;

(в) тренерлар, ҳакамлар ва мутахассисларни тайёрлаш, уларнинг малакасини ошириш ва қайта тайёрлаш тизимини такомиллаштириш;

(г) паралимпия спорт турлари бўйича замонавий спорт объектларини барпо этиш, мавжудларининг моддий-техника базасини мустаҳкамлаш, уларни замонавий спорт анжомлари ва жиҳозлари билан таъминлаш.

II. Паралимпия спорт турлари бўйича спортчиларни тайёрлаш

2. Паралимпия спорт турлари бўйича спортчиларни тайёрлашнинг қуйидаги такомиллаштирилган тартиби жорий этилсин:

(а) ногиронлиги бўлган шахсларнинг имконияти ва қизиқишига қараб, уларнинг бошқа соғлом спорт гуруҳларида ҳам шуғулланиши ҳамда ўқув-машғулот йиғинларида иштирок этишига шароит яратилади;

(б) ҳақиқий талабдан келиб чиқиб, ҳар бир ҳудудда айрим давлат спорт мактаблари паралимпия спорт турларига ихтисослаштирилади ва улар учун зарур шарт-шароит ва инфратузилма яратиб берилади;

(в) паралимпиячиларни тайёрлашда уларнинг ногиронлик тоифасини (классификациясини) барвақт аниқлаш амалиёти жорий этилади;

(г) ихтисослаштирилган давлат спорт таълим муассасаларида паралимпиячи ўқувчи-спортчиларни тайёрлаш Халқаро паралимпия қўмитасининг классификация кодекси талаблари асосида йўлга қўйилади;

* Ушбу қарор «Қонунчилик маълумотлари миллий базаси»да 2025 йил 12 декабрда эълон қилинган.

(д) паралимпия спорт турлари бўйича терма жамоаларнинг пухта тайёргарлигини ташкил қилиш учун ҳар бир спорт тури бўйича алоҳида спорт базалари бириктирилади.

3. 2026 йил 1 январдан бошлаб паралимпия спорт турлари бўйича республика терма жамоаларини шакллантиришнинг қўйидаги янги тартиби жорий этилсин:

(а) паралимпия спорт турлари бўйича терма жамоаларни шакллантиришда спортчиларнинг тегишли спорт мусобақаларидаги натижалари билан бирга спорт нормативларини бажариши натижаси ҳам инобатга олинади;

(б) спорт терма жамоалари спорт нормативларига мувофиқ шакллантириладиган паралимпия спорт турлари бўйича Ўзбекистон Республикаси чемпионати ёки кубоги ўтказилиши мажбурий ҳисобланмайди;

(в) «ERP-sport» ягона электрон бошқарув тизимида паралимпия спорт турлари билан шуғулланаётган спортчиларнинг спорт натижалари киритиб борилади ва уларнинг спорт нормативларини бажариши устидан мониторинг юритиш учун зарур техник имкониятлар яратилади;

(г) «ERP-sport» ягона электрон бошқарув тизимига маълумотларнинг ўз вақтида киритилиши ҳамда ҳаққонийлиги учун жисмоний тарбия-спорт ташкилотлари, алоҳида таълимга эҳтиёжлари бўлган болалар учун ихтисослаштирилган таълим муассасалари ва «Мурувват» интернат уйларининг тренерлари билан бирга раҳбарлари ҳам шахсан жавобгар ҳисобланади.

4. Белгилансинки, паралимпия спорт турларининг оммавийлигини ошириш ва соҳага ажратилаётган Давлат бюджети маблағларидан янада самарали фойдаланиш мақсадида паралимпия спорт турлари бўйича республика чемпионати ва кубокларини олимпия спорт турлари бўйича ўтказиладиган мусобақалар доирасида ташкил этиш ва ўтказиш амалиёти йўлга қўйилади.

III. Паралимпия терма жамоалари маркази фаолиятини йўлга қўйиш

5. Спорт вазирлиги, Ижтимоий ҳимоя миллий агентлиги, Миллий паралимпия қўмитаси, Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликларининг Миллий паралимпия қўмитаси ҳузурида юридик шахс мақомига эга бўлган Паралимпия терма жамоалари маркази (кейинги ўринларда — Паралимпия маркази)ни ташкил этиш тўғрисидаги таклифи маъқуллансин.

6. Белгилансинки:

(а) Паралимпия маркази Тошкент шаҳри Яшнобод туманидаги Олимпия шаҳарчасига жойлаштирилади ва паралимпия спорт турлари бўйича терма жамоаларни тайёрлашда Олимпия шаҳарчаси объектларидан текин фойдаланади;

(б) Паралимпия маркази фаолияти паралимпия спорт турлари бўйича иқтидорли спортчиларни саралаш, терма жамоаларни шакллантириш ва уларни пухта тайёрлашга йўналтирилади;

(в) паралимпия спорт турлари бўйича барча терма жамоалар тренерлари

Паралимпия маркази ходимлари ҳисобланади. Бунда тренерлар бошқарув ходимлари таркибига кирмайди;

(г) Паралимпия маркази тренерларининг, шунингдек, бошқарув ходимлари таркибига кирмайдиган бошқа ходимларнинг штат бирликлари қонунчиликка мувофиқ ажратилади;

(д) Паралимпия маркази давлат спорт таълим муассасаларидаги паралимпия спорт турлари бўйича спорт секциялари ва тренерлар фаолиятига умумий услубий раҳбарлик қилади.

7. Белгилаб қўйилсинки:

(а) Паралимпия маркази барча ёш тоифалари бўйича паралимпия терма жамоаларининг ўқув-машғулот йиғинларини ўтказиш учун спорт базаларидан бири ҳисобланади;

(б) Паралимпия маркази директори лавозимига кўра Миллий паралимпия қўмитаси раиси ўринбосари ҳисобланади;

(в) Паралимпия маркази бошқарув ходимларининг умумий чекланган сони 17 нафар этиб белгиланади;

(г) Паралимпия маркази фаолияти, шунингдек, раҳбар ва ходимлар меҳнатига ҳақ тўлаш ҳамда уларни моддий рағбатлантириш Спорт вазирлиги тизимидаги олий спорт маҳорати мактабларининг раҳбар ва мутахассислари учун белгиланган тартибда амалга оширилади;

(д) Паралимпия маркази спортчиларини тайёрлаш учун жалб этиладиган юқори маҳорат ва тажрибага эга бўлган, жумладан, паралимпия спорт турлари бўйича миллий терма жамоалар тренерлари билан меҳнат шартномалари муайян муддатга тузилади ва улар тайёрлаган спортчилар эришадиган натижалардан келиб чиқиб, шартнома муддати узайтирилади ёки бекор қилинади.

8. Қуйидагилар Паралимпия маркази фаолиятини молиялаштириш манбалари этиб белгилансин:

(а) Давлат бюджети маблағлари;

(б) фаолият ихтисослиги бўйича пулли хизмат кўрсатиш ҳамда бўш турган мол-мулкни ижарага беришдан олинган даромадлар;

(в) жисмоний ва юридик шахсларнинг ҳомийлик маблағлари;

(г) халқаро ташкилотларнинг грантлари;

(д) қонунчилик ҳужжатлари билан тақиқланмаган бошқа манбалар.

9. Белгилансинки, барча ёш тоифаларидаги паралимпия терма жамоалари ўқув-машғулот йиғинлари ҳамда нуфузли халқаро мусобақаларга тайёргарлигини узлуксиз ташкил этиш ҳамда спорт объектларидан самарали фойдаланишни таъминлаш мақсадида:

(а) Ўзбекистон Республикасининг 2026 йилда ижтимоий ва ишлаб чиқариш инфратузилмасини ривожлантириш дастури доирасида иқтисод қилинган маблағлар ҳисобидан Олимпия шаҳарчаси худудида паралимпия терма жамоалари учун ётоқхона, ошхона ва маъмурий хоналарга эга бўлган Паралимпия маркази биноси барпо этилади;

(б) параўқ отиш спорт тури бўйича терма жамоаларни тайёрлаш учун Паралимпия марказига Мудофаа вазирлиги Олий спорт натижаларини ри-

вожлантириш марказининг Тошкент шаҳридаги ўқ отиш спорт иншоотидан текин фойдаланиш имконияти яратилади.

IV. Спорт мактабларида таълимни ташкил қилиш ва паралимпия спорт турлари бўйича мутахассислар тайёрлаш

10. Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари Миллий паралимпия қўмитаси билан бирга-ликда 2026 йил 1 мартга қадар паралимпия спорт турларига ихтисослашти-рилаётган спорт мактабларида ихтисослашган спорт турлари бўйича зарур инфратузилмани яратиб берсин.

11. 2026 йил 1 январдан бошлаб шундай тартиб ўрнатилсинки, унга му-вофиқ:

(а) барча давлат спорт мактабларида мавжуд штат бирликлари доирасида паралимпия спорт турлари бўйича гуруҳлар ташкил этилади;

(б) Миллий паралимпия қўмитасига ҳар йили Давлат бюджетидан ва ҳомийлар томонидан ажратиладиган маблағлар доирасида, заруратга кўра, Паралимпия марказига хорижий спорт мутахассислари жалб этилади;

(в) жалб этиладиган хорижий спорт мутахассислари зиммасига улар би-лан тузиладиган шартномаларда терма жамоаларни тайёрлаш билан бирга жойларда иқтидорли параспортчиларни селекция қилиш ҳамда маҳаллий му-тахассисларнинг назарий ва амалий билимларини оширишга кўмаклашиш каби вазифалар юклатилади;

(г) Жисмоний тарбия ва спорт илмий тадқиқотлар институти томонидан параспортчиларнинг жорий жисмоний ҳолати тўғрисидаги маълумотларни мунтазам таҳлил қилиш ва уларнинг имкониятларини баҳолаб бориш тизими йўлга қўйилади;

(д) Ўзбекистон давлат жисмоний тарбия ва спорт университети ҳузурида адаптив спорт турлари бўйича ўқув дастурлари ва материаллари, жумладан, ҳар бир спорт тури бўйича машғулотларни олиб бориш тартиби ва юкла-маларни белгилашга қаратилган илмий-услубий таъминлаш бўйича алоҳида жамоатчилик асосидаги илмий кенгаш фаолияти йўлга қўйилади;

(ж) паралимпия спорт турлари бўйича илмий изланувчилар амалиётини Паралимпия марказида олиб бориш тартиби жорий этилади;

(з) Давлат спорт тиббиёти илмий-амалий маркази тузилмасида мавжуд штат бирликлари доирасида паралимпия спорт турлари бўйича терма жамоа-лар учун тиббиёт ва реабилитация бўлинмаси ташкил этилади.

12. Қуйидагилар:

(а) Паралимпия терма жамоалари марказининг асосий вазифалари 1-ило-вага мувофиқ;

(б) Паралимпия терма жамоалари марказига ўтказиладиган олий спорт маҳорати мактабларининг штат бирликлари 2-иловага* мувофиқ;

(в) Паралимпия спорт турларини янада ривожлантириш ва замонавий спорт инфратузилмасини яратиш бўйича «йўл харитаси» 3-иловага* муво-фиқ;

* 2-3-иловалар «Қонунчилик маълумотлари миллий базаси»да эълон қилинган.

(г) Паралимпия спорт турларига ихтисослаштириладиган спорт мактаблари рўйхати 4-иловага* мувофиқ;

(д) Ўзбекистон Республикаси Президентининг айрим ҳужжатларига киритилаётган ўзгартириш ва қўшимчалар 5-иловага* мувофиқ тасдиқлансин.

V. Қарор ижросини ташкил этиш, таъминлаш ва назорат

13. Иқтисодиёт ва молия вазирлиги Паралимпия маркази фаолиятини сақлаш билан боғлиқ харажатларнинг 2025 йилда Миллий паралимпия қўмитасига ажратилган Давлат бюджети маблағлари ҳисобидан қопланишини, 2026 йилдан бошлаб эса Давлат бюджети параметрларида назарда тутилишини таъминласин.

14. Спорт вазирлиги манфаатдор вазирлик ва идоралар билан биргаликда уч ой муддатда қонунчилик ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

15. Мазкур қарорнинг ижросини самарали ташкил қилишга масъул ва шахсий жавобгар этиб спорт вазири А.И. Икрамов, Миллий паралимпия қўмитаси раиси М.М. Ташходжаев ҳамда Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари белгилансин.

16. Қарор ижросини муҳокама қилиб бориш, ижро учун масъул ташкилотлар фаолиятини мувофиқлаштириш ва назорат қилиш Ўзбекистон Республикаси Бош вазири А.Н. Арипов ҳамда Ўзбекистон Республикаси Президентининг спорт бўйича вакили О.Қ. Абдурахманов зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент ш.,
2025 йил 11 декабрь,
ПҚ–373-сон

* 4-5-иловалар «Қонунчилик маълумотлари миллий базаси»да эълон қилинган.

Ўзбекистон Республикаси
Президентининг 2025 йил 11 декабрдаги
ПҚ-373-сон қарорига
1-ИЛОВА

Паралимпия терма жамоалари марказининг асосий вазифалари

1. Паралимпия спорт турлари бўйича миллий терма жамоалар учун спортчилар тайёрлаш тизимини мувофиқлаштириш ҳамда бу борадаги ишларни тизимлаштириш ва натижадорликни таъминлаш.

2. Паралимпия спорт турлари бўйича Ўзбекистон терма жамоаларини шакллантириш, спортчиларнинг тайёргарлигини, республика ва халқаро мусобақаларда иштирок этишини ташкил қилиш.

3. Паралимпия спорт турлари бўйича Ўзбекистон терма жамоалари ва уларнинг захиралари иштирокида ўқув-машғулот йиғинлари, республика ва минтақавий спорт мусобақаларини ташкил этиш ва мунтазам равишда ўтказиб бориш.

4. Паралимпия спорт турлари бўйича спортчилар, тренерлар, ҳакамлар ва бошқа мутахассисларнинг касбий маҳорати ва малакасини ошириш.

5. Паралимпия спорт турлари бўйича илғор хориж тажрибасини ўрганиш ва мамлакатимизда жорий этиш бўйича тавсиялар ишлаб чиқиш.

6. Паралимпия спорт турлари бўйича Ўзбекистон давлат спорт академияси билан ҳамкорликда ўқув дастурлари ва методологияни янгилаш, спортчи ва мутахассисларнинг тайёргарлик жараёнига илғор инновацион технологияларни жорий этиш.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ҚАРОРИ

778 Тадбиркорлик субъектларига давлат, профессионал, консалтинг, молиявий, инжиниринг, маркетинг, медиа, IT ва операцион хизматларни комплекс кўрсатиш тизимини жорий этиш чора-тадбирлари тўғрисида*

Хусусий секторни жалб қилган ҳолда тадбиркорлик субъектларига давлат, профессионал, консалтинг, молиявий, инжиниринг, маркетинг, медиа, IT ва операцион хизматларни (кейинги ўринларда — давлат ва хусусий хизматлар) битта нуқтадан комплекс тарзда кўрсатиш орқали бизнесни тез ва осон бошлаш ҳамда юритиш учун қўшимча имкониятлар яратиш мақсадида **қарор қиламан:**

I. Мақсадлар

1. Қуйидагилар ушбу қарорни қабул қилишдан кўзланган асосий мақсадлар этиб белгилансин:

(а) мингдан ортиқ давлат ва хусусий хизматларни «ягона дарча» тамойили асосида кўрсатишни йўлга қўйиш орқали тадбиркорлар фаолиятига тўлақонли ҳамроҳлик қилиш тизимини жорий этиш;

(б) тадбиркорлар масалалари ва муаммоларини эшитиш, муҳокама қилиш ва жойида ҳал қилишга мўлжалланган сифат жиҳатдан янги майдонча яратиш.

II. «Бизнес ҳамроҳ» лойиҳасини амалга ошириш

2. 2026 йил 1 мартдан бошлаб тадбиркорлик фаолиятига оид давлат хизматлари ва мазкур қарорга 1-иловага мувофиқ хусусий хизматларни тадбиркорлик субъектларига «ягона дарча» тамойили асосида кўрсатиш бўйича «Бизнес ҳамроҳ» лойиҳаси амалга оширилсин.

3. Белгилансинки, «Бизнес ҳамроҳ» лойиҳаси доирасида:

(а) Савдо-саноат палатаси ҳузурида ташкил этиладиган масъулияти чекланган жамият томонидан бошқариладиган «Бизнес ҳамроҳ» марказлари фаолияти йўлга қўйилади ва улар мазкур қарорга 2-иловага мувофиқ асосий вазифаларни амалга оширади;

(б) дастлабки босқичда «Бизнес ҳамроҳ» марказлари Тошкент ва Нукус шаҳарларида ҳамда вилоятлар марказларида биттадан ташкил этилади;

(в) тадбиркорлик субъектларига давлат ва хусусий хизматларни кўрсатиш зарур функционал имкониятларга эга бўлган давлат хизматлари марказлари биноларида ёки янги қуриладиган (реконструкция қилинадиган) биноларда йўлга қўйилади.

4. Шундай тартиб ўрнатилсинки, унга мувофиқ «Бизнес ҳамроҳ» лойиҳаси доирасида хусусий хизматларни кўрсатишни ташкил қилиш учун:

* Ушбу қарор «Қонунчилик маълумотлари миллий базаси»да 2025 йил 15 декабрда эълон қилинган.

(а) хизмат кўрсатиш жойлари тегишли хизмат тури аниқ кўрсатилиб ва кичик лотларга бўлинган ҳолда тадбиркорлик субъектларига 1 йилгача муддатга ижарага берилади;

(б) «Бизнес ҳамроҳ» марказларига уларга ажратилган бинодан хизмат кўрсатиш жойларини балансда сақловчининг розилиги билан қонунчилик ҳужжатларида белгиланган тартибда иккиламчи ижарага беришга рухсат этилади.

5. 2026 йил 1 мартдан бошлаб республика ижро этувчи ҳокимият органлари раҳбарларининг (кейинги ўринларда — раҳбарлар) тадбиркорлар билан мулоқотини ташкил қилишнинг қуйидаги тартиби жорий этилсин:

(а) раҳбарлар ҳар чоракда тасдиқланадиган режа-графиклар асосида ҳудудларда тадбиркорлар билан «Бизнес ҳамроҳ» марказларида учрашади;

(б) режа-графиклар ҳар чоракда барча учун очиқ ҳолатда «Бизнес ҳамроҳ» электрон платформаси (кейинги ўринларда — платформа) ва тегишли ташкилотларнинг расмий веб-сайтларида эълон қилинади;

(в) платформадаги «Раҳбарлар билан мулоқот» модули орқали бир чорак давомида битта ҳудуддан камида 10 нафар тадбиркорнинг мурожаати йўналтирилган ташкилот раҳбарлари кейинги чорак учун мўлжалланган режа-графикга ушбу ҳудуддаги тадбиркорлар билан учрашув ўтказишни киритади (бундан мурожаатлар кейинги режа-график тасдиқлангунга қадар ижобий ҳал қилинган ҳолатлар мустасно);

(г) учрашувларда кўтарилган ва «Бизнес ҳамроҳ» марказининг «Call маркази»дан келиб тушган мурожаатлар платформа орқали «Тадбиркор виртуал офиси» ахборот порталига киритилади. Бунда:

(i) мурожаатлар ваколатли органларга кўриб чиқиш ва ҳал этиш учун йўналтирилади;

(ii) Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакил мурожаатлар кўриб чиқилиши ва давлат хизматлари ўрнатилган тартибда кўрсатилиши устидан назоратни амалга оширади;

(iii) келиб тушган мурожаатлар таҳлили асосида тизимли масалалар ечими юзасидан қонунчиликни ёки ҳуқуқни қўллаш амалиётини такомиллаштириш бўйича ҳар чоракда таклифлар киритиб борилади;

(д) учрашувлар, кўтарилган масалалар, ҳал этилган мурожаатлар сони каби кўрсаткичлар асосида раҳбарлар фаолияти баҳоланиб, ҳар чоракда платформада уларнинг рейтинги эълон қилиб борилади.

III. «Бизнес ҳамроҳ» марказлари фаолиятини йўлга қўйиш

6. «Бизнес ҳамроҳ» марказлари зарур функционал имкониятларга эга бўлган давлат хизматлари марказлари биноларига тўғридан-тўғри жойлаштирилсин. Бунда:

(а) биринчи йил — текин фойдаланиш ҳуқуқи асосида (коммунал тўловлар бундан мустасно);

(б) иккинчи ва ундан кейинги йиллар давлат мулки объекти учун белгиланган ижара тўловининг минимал миқдоридаги ставкаси бўйича ижара ҳуқуқи асосида жойлаштирилади.

7. Савдо-саноат палатаси:

(а) мавжуд талабга биноан «Бизнес ҳамроҳ» марказларини бошқа туман (шаҳар)ларда ҳам ташкил қилиб борсин;

(б) Рақамли технологиялар вазирлиги билан биргаликда уч ой муддатда қўйидагиларни ишга туширсин:

(i) «Бизнес ҳамроҳ» электрон платформасини;

(ii) хизматлардан фойдаланишда юзага келган масалалар ва муаммолар юзасидан мурожаатларни қабул қилиш, маслаҳат бериш ва уларни ҳал қилишга мўлжалланган «Call маркази»ни;

(в) икки ой муддатда «Бизнес ҳамроҳ» марказлари учун янги бинолар қуриш (мавжудларини реконструкция қилиш) дастурини тасдиқлаш учун Вазирлар Маҳкамасига киритсин.

8. Адлия вазирлиги Савдо-саноат палатаси билан биргаликда 2026 йил 1 мартга қадар «Бизнес ҳамроҳ» марказларида «ягона дарча» тамойили асосида тадбиркорлик субъектларига давлат хизматлари кўрсатишни йўлга қўйсин.

9. Белгилаб қўйилсинки:

(а) Савдо-саноат палатаси ва Адлия вазирлиги «Бизнес ҳамроҳ» марказлари фаолиятини услубий ва ҳуқуқий жиҳатдан таъминлашга масъул ҳисобланади;

(б) «Бизнес ҳамроҳ» марказлари ўз хизматларини тижорий асосда кўрсатади ва хизмат ҳақи миқдорларини мустақил белгилайди.

IV. Қарор ижросини ташкил этиш, таъминлаш ва назорат

10. «Бизнес ҳамроҳ» лойиҳасини амалга ошириш бўйича «йўл харитаси» 3-иловага* мувофиқ тасдиқлансин.

11. Ўзбекистон Республикаси Президентининг 2024 йил 1 майдаги «Тўқимачилик ва тикув-трикотаж саноатини ривожлантиришни янги босқичга олиб чиқиш чора-тадбирлари тўғрисида»ги ПФ–71-сон Фармони 7-бандида назарда тутилган маблағлар ҳисобидан «Бизнес ҳамроҳ» марказлар фаолиятини ташкил қилиш, шу жумладан улар учун зарур биноларни қуриш (реконструкция қилиш) ва жиҳозлашга рухсат этилсин.

12. Савдо-саноат палатаси Адлия вазирлиги билан биргаликда икки ой муддатда қонунчилик ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

13. Қарор ижросини самарали ташкил қилишга масъул ва шахсий жавобгар этиб Савдо-саноат палатаси раиси Д.А. Вахабов ва адлия вазири А.Д. Ташкулов белгилансин.

* 3-илова «Қонунчилик маълумотлари миллий базаси»да эълон қилинган.

14. Мазкур қарорнинг ижросини назорат қилиш Ўзбекистон Республикаси Бош вазири А.Н. Арипов зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент ш.,
2025 йил 13 декабрь,
ПҚ–375-сон

Ўзбекистон Республикаси
Президентининг 2025 йил 13 декабрдаги
ПҚ–375-сон қарорига
1-ИЛОВА

**«Бизнес ҳамроҳ» лойиҳаси доирасида кўрсатиладиган
хусусий хизматлар
РЎЙХАТИ**

1. Солиқ ҳисоботини (декларациясини) тайёрлаш ва солиқ ҳисобини юритиш (солиқ маслаҳати).
2. Бухгалтерия ҳисобини ташкил этиш, юритиш ва ҳисоботни тузиш.
3. Молиявий ҳисоботни тайёрлаш ва тақдим этиш.
4. Аудиторлик хизматлари.
5. Бизнес-режаларни ишлаб чиқиш ва кредит олиш учун банкка тақдим этиладиган бирламчи ҳужжатларни тайёрлаш.
6. Юридик хизматлар (таъсис ҳужжатларини, уларга ўзгартириш ва қўшимчалар киритиш тўғрисидаги ҳужжатларни, хўжалик шартномаларини ишлаб чиқиш).
7. Хорижий бозорлар учун тижорат таклифларини тайёрлаш.
8. Божхона (экспорт ва импорт) юкларини расмийлаштириш (декларантлик).
9. Биржа савдоларида иштирок этиш (брокерлик).
10. Корхона логотипи ва товар белгисини ишлаб чиқиш.
11. Интеллектуал мулк объектларини ҳуқуқий муҳофазага олиш ва уни амалга ошириш масалалари бўйича вакиллик қилиш (патент вакили).
12. Маркетинг тадқиқотлари олиб бориш ва реклама қилиш.
13. IT ва рақамлаштириш (ERP, CRM, электрон ҳужжат айланмаси).
14. Ходимларни саралаш, HR-консалтинг ва кадрлар ҳужжатларини юритиш.
15. Хорижий ва маҳаллий корхоналарга ташрифларни (бизнес-миссиялар) ташкил этиш.
16. Сертификатларни (ISO, Halal ва бошқалар) расмийлаштириш.

Изоҳ: Савдо-саноат палатасига тадбиркорлик субъектлари эҳтиёжларидан келиб чиқиб, ушбу рўйхатга бошқа хизмат турларини киритиш ҳуқуқи берилади.

Ўзбекистон Республикаси
Президентининг 2025 йил 13 декабрдаги
ПҚ–375-сон қарорига
2-ИЛОВА

«Бизнес ҳамроҳ» марказларининг асосий вазифалари

1. Тадбиркорлик субъектини рўйхатдан ўтказишдан бошлаб фаолиятини йўлга қўйиш ва кенгайтириш, маҳсулотини ички ва ташқи бозорларга чиқаришгача бўлган бутун «хаётий цикли»да амалий ёрдам бериш.

2. Марказ орқали тадбиркорларга давлат ва хусусий хизматларни сифатли, қулай, қисқа муддатларда ва шаффоф тарзда кўрсатиш, ушбу жараёнларда замонавий рақамли ечимларни жорий этиш.

3. Давлат органлари ва ташкилотлари раҳбарларининг тадбиркорлар билан мулоқотини ташкил қилиш бўйича майдонча яратиш, кўтарилган масалаларни қайд этишдан ҳал қилишгача бўлган барча жараёнларда ҳамроҳлик қилиш.

4. Марказ хизматларидан фойдаланувчи тадбиркорларга малакали ахборот, маслаҳат ва услубий ёрдам кўрсатиш, уларнинг мурожаатларига тезкор муносабат билдириш.

5. Тадбиркорлар ўртасида марказ орқали кўрсатиладиган давлат ва хусусий хизматлар тўғрисидаги ахборотни кенг тарғиб этиш, оммавий ахборот воситалари, интернет, ижтимоий тармоқлар ва бошқа коммуникация каналлари орқали ахборот-тушунтириш ишларини амалга ошириш.

6. Марказлар фаолиятига тадбиркорлар учун зарур бўлган банк-молия, солиқ, экспорт (импорт), сертификатлаш масалалари бўйича консалтинг каби талаб юқори бўлган хусусий хизматлар кўрсатишни жорий этиш.

7. Марказлар орқали кўрсатилаётган хизматлар сифати ва муддатлари бўйича тадбиркорлар қониқиш даражасини мунтазам мониторинг қилиш, таҳлил натижалари асосида давлат ва хусусий хизматлар соҳасини такомиллаштириш бўйича таклифлар ишлаб чиқиш.

8. Тадбиркорларга маҳсулот (ишлар, хизматлар) ишлаб чиқариш учун керакли хомашёларни харид қилиш бўйича хизмат кўрсатувчи биржа бозорлари билан танишиш ва брокерлар билан алоқа ўрнатишда қулай шароитлар яратиш.

9. Марказларда фаолият юритувчи ходимларни тизимли ўқитиш ва қайта тайёрлаш, хорижий мамлакатларнинг етакчи ихтисослашган муассасаларида стажировка ўташ орқали уларнинг малакасини оширишни ташкил этиш.

УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

779 «Келажак» марказлари фаолиятини тартибга солишга қаратилган айрим норматив-ҳуқуқий ҳужжатларни тасдиқлаш тўғрисида*

Ўзбекистон Республикаси Президентининг «Мактабдан ташқари таълим тизимини янги босқичга олиб чиқиш чора-тадбирлари тўғрисида» 2025 йил 8 сентябрдаги ПҚ–277-сон қарори ижросини таъминлаш, шунингдек, мактабгача ва мактаб таълими соҳасидаги мактабдан ташқари таълим тизимини янада такомиллаштириш, уларни замонавий ёндашувлар асосида ривожлантириш орқали болаларнинг бўш вақтларини мазмунли ва самарали ташкил этиш мақсадида Вазирлар Маҳкамаси **қарор қилади:**

1. Ўзбекистон Республикаси Президентининг 2025 йил 8 сентябрдаги ПҚ–277-сон қарорига мувофиқ:

а) Мактабгача ва мактаб таълими вазирлиги тизимидаги «Баркамол авлод» республика болалар мактаби ҳамда Республика ўқувчи-ёшлар маркази негизида Республика «Келажак» маркази, Қорақалпоғистон Республикаси, вилоятлар ва Тошкент шаҳри, шунингдек, туман (шаҳар) «Баркамол авлод» болалар мактаблари негизида тегишлича Қорақалпоғистон Республикаси, вилоятлар ва Тошкент шаҳри, шунингдек, туман (шаҳар) «Келажак» марказлари;

Мактабгача ва мактаб таълими вазирлиги ҳузурида юридик шахс мақомига эга бўлмаган «Келажак» марказларини қўллаб-қувватлаш жамғармаси ташкил этилгани;

б) 2026 йил 1 январдан бошлаб «Келажак» марказларида ўқиганлик учун ота-оналар бадали тўловининг минимал миқдорлари қайта кўриб чиқилиши белгилангани маълумот учун қабул қилинсин.

2. Қуйидагилар:

«Келажак» марказлари тўғрисидаги низом 1-иловага мувофиқ;

«Келажак» марказларида ўқиганлик учун ота-оналар бадали тўловини ундириш ва ундан фойдаланиш тартиби тўғрисидаги низом 2-иловага мувофиқ;

Ўзбекистон Республикаси Мактабгача ва мактаб таълими вазирлиги ҳузуридаги «Келажак» марказларини қўллаб-қувватлаш жамғармаси тўғрисидаги низом 3-иловага мувофиқ;

«Келажак» марказларининг бошқарув, техник, хизмат кўрсатувчи ва ўқув-ёрдамчи ходимларининг намунавий штатлари ва меҳнатга ҳақ тўлаш шартлари 4-иловага** мувофиқ тасдиқлансин.

* Ушбу қарор «Қонунчилик маълумотлари миллий базаси»да 2025 йил 11 декабрда эълон қилинган.

** 4-илова «Қонунчилик маълумотлари миллий базаси»да эълон қилинган.

3. «Келажак» марказларида ўқиганлик учун ота-оналар бадали тўлови ойига базавий ҳисоблаш миқдорига нисбатан:

а) 2026 йил 1 январдан бошлаб:

Тошкент шаҳрида — 30 фоиз;

вилоятлар марказларида — 25 фоиз;

республиканинг қолган туман (шаҳар)лари ҳамда Қорақалпоғистон Республикасининг Нукус ва Хоразм вилоятининг Урганч шаҳарларида — 15 фоиз;

Қорақалпоғистон Республикаси ва Хоразм вилоятининг қолган туман (шаҳар)ларида — 10 фоиз;

б) 2026 йил 1 сентябрдан бошлаб:

Тошкент шаҳрида — 60 фоиз;

вилоятлар марказларида — 50 фоиз;

республиканинг қолган туман (шаҳар)лари ҳамда Қорақалпоғистон Республикасининг Нукус ва Хоразм вилоятининг Урганч шаҳарларида — 30 фоиз;

Қорақалпоғистон Республикаси ва Хоразм вилоятининг қолган туман (шаҳар)ларида — 20 фоиз этиб белгилансин.

4. Белгилансинки:

«Келажак» марказларининг тармоқ тўгараклари фаолияти ҳар бир умумий ўрта таълим ташкилотларида босқичма-босқич йўлга қўйилади. Бунда тармоқ тўгараклари учун ота-оналар бадали тўловидан тушган маблағларнинг 40 фоизи умумий ўрта таълим ташкилотининг бюджетдан ташқари жамғармасига йўналтирилади;

Жиззах вилояти Жиззах шаҳри Қассоблик МФЙ Х. Носиров кўчаси 12-уй манзилида жойлашган Ш. Рашидов номидаги Жиззах вилояти ахборот-кутубхонасининг Матбуот уйи биноси Жиззах вилояти «Келажак» марказига оператив бошқариш ҳуқуқи асосида бепул берилади;

Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари ҳузуридаги «Ягона буюртмачи хизмати» инжиниринг компанияси «Келажак» марказларида амалга ошириладиган лойиҳалаштириш, қурилиш, реконструкция ва мукамал таъмирлаш ишларида буюртмачи ҳисобланади.

5. Қурилиш ва уй-жой коммунал хўжалиги вазирлиги:

Мақтабгача ва мактаб таълими вазирлиги билан биргаликда уч ой муддатда «Келажак» марказларининг намунавий лойиҳасини ишлаб чиқсин;

«Келажак» марказлари объектлари бўйича ишлаб чиқиладиган лойиҳа-смета ҳужжатлари белгиланган тартибда ва муддатларда экспертизадан ўтказилишини таъминласин.

6. Вазирлар Маҳкамаси ҳузуридаги Қурилиш ва уй-жой коммунал хўжалиги соҳасида назорат қилиш инспекцияси бажариладиган қурилиш-таъмирлаш ишларини шаҳарсозлик тўғрисидаги қонунчилик ҳужжатларига риоя этилган ҳолда амалга оширилиши устидан назорат ўрнатсин.

7. «Келажак» марказларида амалга ошириладиган лойиҳалаштириш, қурилиш-таъмирлаш ишларида бош лойиҳа ва бош пудрат ташкилотларини

танлаш жараёнида шаффофликни таъминлаш, ажратилган маблағларнинг мақсадли ўзлаштирилиши ҳамда объектлар ўз муддатида фойдаланишга топширилиши учун Қурилиш ва уй-жой коммунал хўжалиги вазирлиги, Вазирлар Маҳкамаси ҳузуридаги Қурилиш ва уй-жой коммунал хўжалиги соҳасида назорат қилиш инспекцияси, Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликларининг биринчи раҳбарлари шахсан жавобгар ҳисобланади.

8. Тошкент шаҳри Чилонзор тумани 19-мавзе 43а-уй манзилида жойлашган бинода Республика «Келажак» маркази ҳузурида Болалар сайёҳлик базаси ташкил этилсин.

9. Ўзбекистон Республикаси Ҳукуматининг 5-иловага* мувофиқ айрим қарорларига ўзгартириш ва қўшимчалар киритилсин.

10. Ўзбекистон Республикаси Ҳукуматининг 6-иловага мувофиқ баъзи қарорлари ўз кучини йўқотган деб ҳисоблансин.

11. Мактабгача ва мактаб таълими вазирлиги манфаатдор вазирлик ва идоралар билан биргаликда ўзлари қабул қилган норматив-ҳуқуқий ҳужжатларни икки ой муддатда ушбу қарорга мувофиқлаштиради.

12. Ушбу қарорнинг бажарилишини назорат қилиш Ўзбекистон Республикаси мактабгача ва мактаб таълими вазири Э.Г. Каримова зиммасига юклансин.

**Ўзбекистон Республикасининг
Бош вазири**

А. АРИПОВ

Тошкент ш.,
2025 йил 10 декабрь,
776-сон

Вазирлар Маҳкамасининг
2025 йил 10 декабрдаги 776-сон қарорига
1-ИЛОВА

«Келажак» марказлари тўғрисида НИЗОМ

1-боб. Умумий қоидалар

1. Ушбу Низом «Келажак» марказлари (кейинги ўринларда — Марказ) нинг мақоми, асосий вазифалари ва функциялари, ҳуқуқлари ва мажбуриятлари, шунингдек, фаолиятини ташкил этиш тартибини белгилайди.

2. Марказ 6 — 18 ёшдаги болаларга қўшимча таълим хизматларини кўрсатувчи давлат муассасаси шаклидаги юридик шахс ҳисобланади, ўз уставига, банк ҳисобварағига, Ўзбекистон Республикаси Давлат герби тасвири туширилган ва ўз номи ёзилган муҳрга, штампга ҳамда бланкаларга эга бўлади.

3. Марказ ўз фаолиятида Ўзбекистон Республикасининг Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, Ўзбекистон Республикаси мактабгача ва мактаб таълими вазирининг буйруқларига, шунингдек, ушбу Низомга, ўз уставига ва бошқа қонунчилик ҳужжатларига амал қилади.

4. Марказларнинг намунавий устави Ўзбекистон Республикаси Мактабгача ва мактаб таълими вазирлиги (кейинги ўринларда — Вазирлик) томонидан тасдиқланади. Марказ мазкур намунавий устав асосида ўз уставини ишлаб чиқади. Устав муассис томонидан тасдиқланади.

5. Вазирлик, Қорақалпоғистон Республикаси Мактабгача ва мактаб таълими вазирлиги, вилоятлар ва Тошкент шаҳри мактабгача ва мактаб таълими бошқармалари ҳамда туман (шаҳар) мактабгача ва мактаб таълими бўлимлари тегишлича марказларнинг муассислари ҳисобланади.

6. Марказларнинг умумий фаолияти Вазирлик томонидан мувофиқлаштирилади.

2-боб. Марказнинг асосий вазифалари ва функциялари

7. Қуйидагилар Марказнинг асосий вазифалари ҳисобланади:
мактабга тайёрлов гуруҳларидаги болаларда билим олиш, коммуникатив ва ижодий компетенцияларни шакллантириш;

ўқувчиларни Президент, ижод ва ихтисослаштирилган таълим ташкилотларига тайёрлаш;

иқтидорли ёшларни саралаб олиш тизимини ривожлантириш, уларни қўллаб-қувватлаш учун зарур шарт-шароитлар яратиш, улғайиб келаётган ёш авлоднинг STEAM (Science — табиий фанлар, Technology — технологиялар, Engineering — муҳандислик, Art — санъат, Mathematics — математика)

фанлари ҳамда илм-фанга бўлган интилишларини рағбатлантириш, интеллектуал ва ижодий салоҳиятини рўёбга чиқариш;

ўқувчиларни сунъий интеллект ва робототехника йўналишларига жалб этиш орқали уларнинг яратувчанлик кўникмаларини янада шакллантириш ҳамда робототехника, мобилограф, дастурлаш, илгари суриш ва реклама қилиш (SMM), моделлаштириш каби тўғаракларни ташкил этиш;

ўқувчиларнинг хорижий тилларни ўрганишга бўлган қизиқишини ошириш ва хорижий тилларни ўқитишнинг замонавий услублари асосида тўғараклар фаолиятини йўлга қўйиш;

ўқувчиларда экологик билимларни ошириш, экологияга оид лойиҳаларни амалга ошириш;

ўқувчиларнинг ижодий ва бадий қобилиятларини ривожлантириш, улар ўртасида китобхонлик маданиятини ошириш;

умумий ўрта таълим мактаблари кутубхоналарига ҳамда китобхонлик клублари фаолиятига амалий ва услубий ёрдам кўрсатиш;

ўқувчилар ўртасида соғлом турмуш тарзини тарғиб қилиш, уларнинг спортнинг олимпия ва оммавий турларига қизиқишларини ошириш ҳамда мактаб спорт клублари фаолиятини ривожлантириш, спорт секцияларига амалий ва услубий ёрдам кўрсатишни ташкил этиш;

ўқувчиларда хунар эгаллаш бўйича дастлабки билим ва кўникмаларни шакллантириш;

болаларни ҳар томонлама баркамол шахс қилиб тарбиялаш, уларда етакчилик, жамоада ишлаш, фаол фуқаролик, ижтимоий масъулият ва коммуникатив кўникмаларни шакллантириш мақсадида таълим ташкилотларида болалар фаолияти ижтимоий-эмоционал таълим модели асосида 4 босқичда (мактабгача — бошланғич — таянч ўрта — ўрта таълим) йўлга қўйиш;

ўқувчилар ташаббусларини қўллаб-қувватлаш бўйича мактаб маслаҳатчилари (кейинги ўринларда — мактаб маслаҳатчилари)нинг касбий малакасини ошириш ишларини ташкил этиш, уларга методик ва услубий ёрдам кўрсатиш, инновацион тарбия ва таълим тажрибаларини амалиётга жорий этишда мактабларга кўмак бериш.

Бунда маслаҳатчиларни ишга қабул қилиш тартиби ўрнатилган тартибда Вазирлик томонидан белгиланади.

8. Марказ ўзининг асосий вазифаларини амалга оширишда қўйидаги функцияларни бажаради:

болаларда лидерлик қобилиятлари ҳамда «юмшоқ» кўникмаларини шакллантиришда «ўқувчилар кенгаши» сайловларини ўтказишда амалий ва услубий ёрдам кўрсатади;

болаларни таълим, медиа, маданият, экология, спорт, китобхонлик йўналишларида ташаббусларини қўллаб-қувватлайди, жумладан, улар учун фестивал, форум, вебинар ҳамда оромгоҳлар ташкил этади;

ўқувчиларни тўғараклар, китобхонлик клублари, ҳамда спорт клубларига камраб олиш чораларини кўради;

фестивал, танлов, мусобақа ва тадбирларни сифатли ўтказилиши бўйича сценарийлар ишлаб чиқади ҳамда ташкил этади;

мактаб маслаҳатчилари фаолиятини мониторинг қилади ҳамда уларнинг касбий малакасини оширишда тизимли равишда семинар, тренинг ва конференциялар ташкил этади;

дастур ва ўқув-режаларини ишлаб чиқишда кўмаклашади;

ўқув жараёнларини таҳлил қилиб боради ҳамда уларга амалий-услубий ёрдамлар кўрсатади;

услубчилар, тренерлар ва тўғарак раҳбарлари учун турли ўқув-семинарлар ҳамда вебинар машғулотлари ўтказиши;

фаол ўқувчилар, мактаб маслаҳатчилари ҳамда тўғарак раҳбарлари ишларини оммалаштиради ҳамда танлов ва тадбирларни оммавий ахборот воситалари ва ижтимоий тармоқларда кенг ёритиб боради;

ўқувчилар қизиқишларига кўра тармоқ тўғаракларини ташкил этади ҳамда фаолиятини методик таъминлайди;

«Келажак» миллий бренди остида таълим ташкилотларида тарбиявий-ахлоқий, маънавий-мафкуравий ва ижтимоий-коммуникатив соҳаларда ўқувчиларнинг шахсий ривожланишига қаратилган лойиҳаларини амалга оширади;

ўқувчиларнинг иқтидорларини рўёбга чиқариш учун маданият ва санъат йўналишидаги тўғараклар тармоғини кенгайтиради, бадиий адабиётларга бўлган қизиқишларини аниқлайди, улар ўртасида китобхонлик маданиятини оширишга қаратилган тарғибот-ташвиқот ишларини амалга оширади;

алоҳида таълим эҳтиёжлари бўлган болалар учун марказларда инклюзив тўғараклар фаолиятини йўлга қўяди;

Марказнинг махсус электрон платформасини юритади, унда ўқув жараёнига оид маълумотларни жойлаштиради;

ўқувчиларнинг қўшимча таълимга жалб этилганлиги тўғрисидаги «Ижтимоий портфолио» модулини юритади.

3-боб. Марказнинг ҳуқуқлари ва мажбуриятлари

9. Марказ қуйидаги ҳуқуқларга эга:

Марказ ходимлари, тўғарак аъзолари ва уларнинг ота-оналари (ёки уларнинг ўрнини босувчи шахслар)дан мазкур Низом, ўз устави ва ички тартиб-қоидаларига риоя этилишини назорат қилиш;

ўқув жараёнини такомиллаштириш ва методик таъминлаш бўйича таклифлар киритиш;

молиялаштиришнинг қонунчилик ҳужжатларида тақиқланмаган манбалари ҳисобига бюджетдан ташқари маблағларни шакллантириш;

тўғарак машғулотлари учун белгиланган тўловни ота-оналар (ёки уларнинг ўрнини босувчи шахслар)дан ўз вақтида ундиришни назорат қилиш;

ваколатига қирадиган масалалар ҳамда унга юкланган вазифалар ва функцияларни бажариш билан боғлиқ бўлган қарорлар, буйруқлар, кўрсатмалар қабул қилиш, зарур бўлганда, бошқа давлат ташкилотлари билан биргаликда тегишли қарорлар қабул қилиш;

Марказ ваколатига кирадиган масалаларда белгиланган тартибда судларга аризалар ва даъволар киритиш;

қонун ҳужжатларида белгиланган тартибда бюджетдан ташқари жамғармаларга эга бўлиш;

давлат органлари ва манфаатдор шахслардан ўз ваколати доирасида зарур ахборотларни сўраш ва олиш.

Марказ қонунчилик ҳужжатларига мувофиқ бошқа ҳуқуқларга ҳам эга бўлиши мумкин.

10. Марказ:

ушбу Низомда ва ўз уставида назарда тутилган вазифа ва функцияларни самарали бажариши;

«Келажак» марказлари учун қўшимча таълимга қўйилган Давлат талаблари асосида таълим-тарбия жараёнини ташкил этиши;

таълим-тарбия жараёнини белгиланган тартибда санитария нормалари, қоидалари ва гигиена нормативларига ҳамда хавфсизлик қоидаларига мувофиқ ташкил этиши;

Марказнинг моддий-техник таъминоти ва кадрлар салоҳиятини ривожлантириши;

тўғаракларни ташкил этишда тўғарак аъзоларининг ёши, рухий-физиологик ҳолати, лаёқати ва қизиқишларини инобатга олиши;

ўзи қабул қилган қарорлар ҳамда буйруқларни ўз вақтида, сифатли ва тўлиқ бажариши;

фаолиятини ривожлантириш бўйича тасдиқланган дастурлар, чора-тадбирлар режаси, «йўл хариталари» ва бошқа дастурий ҳужжатлар ижросини самарали ташкил этиши ва бажариши;

ўзига бириктириб берилган мулклар, шу жумладан, кўчмас мулклардан мақсадли фойдаланиши;

ўзига юкланган вазифа ва функциялар доирасида фуқаролар ҳамда тадбиркорлик субъектларининг ҳуқуқлари ва қонуний манфаатларини ҳимоя қилиши шарт.

Марказ зиммасига қонунчилик ҳужжатларига мувофиқ бошқа мажбуриятлар ҳам юкланиши мумкин.

4-боб. Марказ фаолиятини ташкил этиш

11. Марказ кўп тармоқли бўлиб, у фаолият юритадиган ҳудуднинг ўзига хос хусусияти, ўқувчиларнинг қизиқишлари ва эҳтиёжларига кўра, уларнинг ижодий имкониятларини янада ривожлантиришга қаратилган мактабга тайёрлов, илм-фан, хорижий тиллар, китобхонлик, маданият ва санъат, касб-ҳунар, ахборот технологиялари ҳамда спорт йўналишларида тўғараклар ташкил этади.

Марказда тўғараклар пуллик шаклда ташкил этилади ҳамда 6 — 18 ёшли болаларни ҳар томонлама камол топишлари ва бўш вақтларини мазмунли ўтказишлари учун кенг имкониятлар яратилади.

12. Марказда юқори малакали мутахассислар ҳамда нодавлат ўқув мар-

казларини жалб этган ҳолда чуқурлаштирилган тўғараклар ҳам ташкил этилиши мумкин.

Чуқурлаштирилган тўғараклар ота-оналар (ёки уларнинг ўрнини босувчи шахслар) хоҳишларидан келиб чиқиб Президент, ижод ва ихтисослаштирилган мактабларга тайёрлов ҳамда бошқа йўналишларда якка тартибда (индивидуал) ёки гуруҳларга бўлган ҳолда ташкил этилади.

Чуқурлаштирилган тўғаракларда ўқиганлик учун ота-оналар тўлови миқдори Марказ томонидан мустақил белгиланади.

13. Марказ:

қонунчилик ҳужжатларида белгиланган тартибда қўшимча таълим, давлат ва нодавлат болалар ташкилоти ҳамда марказлар билан ҳамкорликни йўлга қўяди;

халқаро ҳамкорлик доирасида мактаб маслаҳатчилари, тизим ходимлари, тўғарак раҳбарлари тажриба алмашиши ҳамда малака ошириши чораларини кўради;

фаол ўқувчилар кенгаши халқаро ҳамкорлиги шартномалар асосида хорижий болалар ташкилотлари ҳамда марказлари болалар оромгоҳи, конференциялар, халқаро анжуманлар, форумлар ва фестивалларни ташкил этади.

14. Умумий ўрта таълим ташкилотларида жойлашган мавжуд марказлар шаҳарсозлик норма ва қоидаларига риоя этилган алоҳида бинода, янги қурилган ва реконструкция қилинган бино ва иншоотларда ёки истисно тариқасида, умумий ўрта таълим ташкилотлари биноларининг алоҳида ўқув блокларида, алоҳида чегара ҳудудини белгилаган ҳолда, кириш жойи билан таъминланган ва мактабдаги умумий ўрта таълим жараёнига халақит бермайдиган тарзда ташкил қилинади ҳамда мустақил равишда фаолият кўрсатади.

15. Умумий ўрта таълим ташкилотларида Марказнинг тармоқ тўғараклари ташкил этилиши мумкин.

Умумий ўрта таълим ташкилотлари биноларининг алоҳида ўқув блокларида ташкил қилинган Марказнинг тармоқ тўғараклари учун барча коммунал тўловлар ушбу мактаб коммунал харажатлари учун ажратилган бюджет маблағлари доирасида қопланади.

Қолган коммунал харажатлар эса Марказ эгаллаб турган бинонинг майдони ва ҳажмидан келиб чиқиб, умумий ўрта таълим ташкилотларига иқтисодиёт ва молия органлари билан келишув бўйича қоплаб берилади.

Марказ учун умумий ўрта таълим ташкилотларида ташкил этиладиган тармоқ тўғараклари, ўқув тажриба-синов майдончалари, боғлар, музейлар, оромгоҳлар, кампуслар, виртуал майдонлар, ихтиро ва кашфиётларни синовдан ўтказиш майдончалари, технопарклар, спорт заллари, кутубхоналар ҳамда ички имкониятлардан келиб чиқиб, ҳудудларда уларнинг филиаллари ҳам ташкил этилиши мумкин.

16. Қорақалпоғистон Республикаси Вазирлар Кенгаши, вилоятлар ва Тошкент шаҳри ҳамда туман (шаҳар) ҳокимликлари марказларнинг ҳар йили моддий-техника базасини мустаҳкамлашга оид чора-тадбирларни амалга оширади.

17. Тўғарак машғулоти ўқув дастурлари ота-оналар ва мутахассис-

ларнинг талабларига кўра бутун ўқув йили учун, шунингдек, қисқа муддатли ташкил этилади.

Тўғарак машғулотлари ўқув йилининг 15 сентябридан бошланиб, 25 майда якунланади. Ёзги таътил кунларида Марказ томонидан тўғарак машғулотлари фаолияти алоҳида дастур асосида (ўқувчиларни саёҳатларга олиб чиқиш, турли тўғараклар, пуллик оромгоҳларни ташкил этиш, фестиваль, мусобақа ва танловлар ташкил этилишини ўз ичига олган ҳолда) давом эттирилади.

Марказда тўғарак раҳбарлари ойлик маоши сақланган ҳолда йилнинг 26 майдан 1 июнига қадар ўқув йили якуни муносабати билан журналларни расмийлаштириш, тўғаракнинг ёз мавсуми ўқув режасини ишлаб чиқиш ва тасдиқлатиш, шунингдек, 2 сентябрдан 15 сентябрга қадар ёз мавсуми ўқув режаси якуни бўйича журналларни расмийлаштириш, янги ўқув йили режасини тузиш ва тасдиқлатиш, болаларни синфларга (гуруҳларга) бўлиш каби ишларини амалга оширади.

Марказнинг тўғарак машғулотлари жадвали тўғарак аъзолари учун қулай тартибда, уларнинг ёши, психофизиологик хусусиятлари ва санитария нормалари, қоидалари ва гигиена нормативлари инobatга олинган ҳолда, педагог ходимларнинг тақдимномасига кўра Марказ томонидан тузилади ва тасдиқланади.

18. Тўғарак раҳбарининг ҳафталик иш юкламаси 16 соатни ташкил этади. Бунда:

хар бир тўғарак машғулотини ташкил этиш учун хар бир гуруҳга ҳафтада 4 академик соат;

хар бир гуруҳ учун 0,25 штат бирлигида тўғарак раҳбари лавозими ажратилади.

19. Ҳар бир гуруҳдаги тўғарак аъзоларининг сони 10 нафардан (мактабга тайёрлов, инклюзив, хорижий тиллар, дастурий таъминот, робототехника, меҳатроника ва инженерлик тўғаракларида 8 нафардан) кам бўлмаслиги лозим.

Агар бир гуруҳдаги тўғарак аъзоларининг сони белгиланган талабдан камайса, тўғарак раҳбарининг ойлик иш ҳақи мазкур ой учун тўлиқ тўлаб берилади.

20. Тўғарак раҳбарларига икки ставкагача (ҳафталик 32 соат) тўғарак машғулотларини олиб боришларига рухсат этилади.

Бунда тўғарак раҳбарларининг икки ставка миқдоригача белгиланган тўғарак машғулотларининг бир ставкадан ортиқ бўлган қисми бўш иш ўринлари сифатида қайд этилмайди.

21. Марказ томонидан ўқувчиларга қўшимча таълим олганлиги тўғрисида гувоҳнома намунаси Республика «Келажак» маркази томонидан ишлаб чиқилади ва тасдиқланади.

22. Марказнинг раҳбар ва ходимлари иш ҳақлари сақланган ҳолда малага оширади.

23. Марказлар контингент сони бўйича иккита гуруҳга ажратилади. Бунда контингент сони 600 нафаргача бўлган марказлар — II гуруҳга, 601 нафар ва ундан ортиқ бўлганда — I гуруҳга тегишли ҳисобланади.

5-боб. Марказда педагогик фаолият билан шуғулланиш

24. Олий таълим ташкилотларининг турли йўналишлари (педагог ва педагогик мутахассисликка эга бўлмаган) бўйича тегишли мутахассисликка эга, касбий таълим ташкилотлари ҳамда академик лицейларнинг тегишли маълумотига ҳамда касбий тайёргарликка, юсак ахлоқий фазилатларга эга шахслар Марказда тўғарак раҳбари сифатида педагогик фаолият билан шуғулланишга ҳақли.

Педагогик маълумотга эга бўлмаган, аммо тегишли вазирлик ва ташкилотларнинг тармоқ мукофотлари ҳамда унвонлар билан тақдирланган шахслар Марказда педагогик фаолият билан шуғулланишга жалб этилиши мумкин.

25. Педагогик фаолият билан шуғулланиш ҳуқуқидан суд қарорига кўра ёки тиббий хулосага асосан маҳрум қилинган шахсларнинг Марказда фаолият юритишларига йўл қўйилмайди.

6-боб. Марказни бошқариш

26. Марказга директор раҳбарлик қилади.

Республика «Келажак» марказининг директори ва директор ўринбосарлари Ўзбекистон Республикаси мактабгача ва мактаб таълими вазири томонидан лавозимга тайинланади ва лавозимдан озод этилади.

Қорақалпоғистон Республикаси, вилоятлар ва Тошкент шаҳри «Келажак» маркази директорлари Республика «Келажак» маркази тавсиясига асосан Ўзбекистон Республикаси мактабгача ва мактаб таълими вазири томонидан лавозимга тайинланади ва лавозимдан озод этилади.

Қорақалпоғистон Республикаси, вилоятлар ва Тошкент шаҳри «Келажак» марказларининг директор ўринбосарлари, туман (шаҳар) «Келажак» маркази директорлари Республика «Келажак» маркази директори томонидан лавозимга тайинланади ва лавозимдан озод этилади.

Туман (шаҳар) «Келажак» маркази директор ўринбосарлари Қорақалпоғистон Республикаси, вилоятлар ва Тошкент шаҳри «Келажак» маркази директори томонидан лавозимга тайинланади ва лавозимдан озод этилади.

Мактаб маслаҳатчилари умумий ўрта таълим ташкилоти директори томонидан Қорақалпоғистон Республикаси, вилоятлар ва Тошкент шаҳри «Келажак» марказларининг ишга қабул қилиш бўйича тавсияномаси асосида лавозимга тайинланади.

Вазирлик тизимидаги ҳудудий «Болалар кутубхоналари»нинг директорлари Республика «Келажак» маркази директори томонидан лавозимга тайинланади ва лавозимдан озод этилади.

Қорақалпоғистон Республикаси, вилоятлар ва Тошкент шаҳар Болалар кутубхоналари фаолияти Республика «Келажак» маркази томонидан мувофиқлаштирилади.

27. Марказнинг фаолиятига доир асосий масалаларни коллегиял тартибда муҳокама қилиш, Марказнинг тўғарак машғулотлари жараёнини ривожлантириш, такомиллаштириш, унинг фаолияти билан боғлиқ барча ташкилий

масалаларни мувофиқлаштириш учун доимий фаолият юритадиган Педагогик кенгаш фаолияти жамоатчилик асосида ташкил этилади.

Педагогик кенгаш таркиби Марказ директори, директор ўринбосарлари ва педагог ходимларидан иборат бўлади. Марказнинг ҳар бир педагог ходими ишга қабул қилинган пайдан бошлаб ушбу Кенгашнинг аъзоси ҳисобланади.

Марказ директори Педагогик кенгаш раиси ҳисобланади ва унинг котиби педагог ходимлар орасидан тўғридан-тўғри очик овоз бериш йўли билан сайланади.

Педагогик кенгаш раиси ўз вазифасини бажара олмайдиган (бетоб бўлган, хизмат сафарига кетган ва бошқа) ҳолларда, унинг вазифалари вақтинча вазифани бажариш юклатиладиган директор ўринбосари томонидан амалга оширилади.

Педагогик кенгаш йиғилиши ҳар чоракда камида бир марта ўтказилади. Заруратга кўра, навбатдан ташқари йиғилишлар ўтказилиши мумкин.

Педагогик кенгаш йиғилиши Марказ фаолиятини такомиллаштириш ва ривожлантириш, унинг фаолияти сифати ва самарадорлигини оширишнинг асосий йўналишларини белгилайди.

28. Ўқув-тарбия жараёнини ривожлантириш ва такомиллаштириш, педагог ходимларнинг касб маҳоратларини ва ижодий ўсишларини ривожлантириш мақсадида Республика «Келажак» маркази ҳузурида Илмий-методик кенгаш тузилади.

Республика «Келажак» маркази директори ўз навбатида Илмий-методик кенгаш раиси ҳам ҳисобланади.

Илмий-методик кенгаш таркибига Ихтисослаштирилган таълим муассасалари агентлиги, А. Авлоний номидаги Педагогик маҳорат миллий институти, Қори Ниёзий номидаги Тарбия педагогикаси миллий институти, Республика таълим марказининг тажрибали ходимлари, илмий даража ва унвонларга эга бўлган мутахассислар ҳамда хорижий экспертлар жалб этилади.

Илмий-методик кенгаш таркиби ва Низоми Республика «Келажак» маркази томонидан тасдиқланади.

Илмий-методик кенгашда ўқув режалар, дастурлар, ўқув қўлланмалар, тажриба-синов ишлари муҳокама қилинади, педагогик ходимларнинг ижодий ташаббусларини қўллаб-қувватлаш ва ривожлантириш, илғор тажрибаларни оммалаштириш ишларини ташкил қилиш юзасидан қарорлар қабул қилинади.

29. Туман (шаҳар)даги марказларда фаолият кўрсатаётган тўғарақлар фаолиятини ривожлантириш, уларга методик ёрдам кўрсатиш, услубчи ва тўғарақ раҳбарларининг тавсия, қўлланма ва ижодий ишларини такомиллаштириш бўйича Услубий кенгаш ташкил этилади. Қорақалпоғистон Республикаси, вилоятлар ва Тошкент шаҳри «Келажак» марказлари директори Услубий кенгаш раиси ҳам ҳисобланади.

Услубий кенгаш аъзолари ҳар чоракда бир марта йиғилади, тавсия, қўлланма ва ижодий ишларни сифатини таҳлил қилади ҳамда амалиётга жорий этиш учун рухсат беради.

30. Худудий марказлар хорижда ўтказиладиган халқаро фестивалъ, тан-

лов, мусобақалар ҳамда бошқа тадбирларда Республика «Келажак» марказининг рухсатига асосан иштирок этади.

7-боб. Марказнинг мол-мулки ва пул маблағлари

31. Муассис ёки ваколатли давлат органи Марказга мол-мулкни қонунчилик ҳужжатларида белгиланган тартибда бириктиради.

Марказ ўзига бириктирилган мол-мулкни ҳамда даромадлар ва харажатлар сметаси бўйича ўзига ажратилган маблағлар ҳисобига сотиб олинган мол-мулкни қонунчилик ҳужжатларига мувофиқ тасарруф этади.

32. Марказлар фаолияти Ўзбекистон Республикаси Давлат бюджети ва бюджетдан ташқари маблағлари ҳамда қонунчилик ҳужжатларида тақиқланмаган бошқа манбалар ҳисобидан молиялаштирилади.

33. Қуйидагилар Марказ фаолиятини молиялаштириш манбалари ҳисобланади:

Ўзбекистон Республикаси Давлат бюджети маблағлари;

Марказ фаолиятини қўллаб-қувватлаш жамғармаси маблағлари;

ота-оналар тўловидан тушадиган маблағлар;

ўқувчилар ва педагог ходимлар томонидан ўқув жараёнида тайёрланган маҳсулотлар ва буюмларнинг сотувидан тушган маблағлар;

асосий машғулотлардан ташқари пайтда бўш бинолар, иншоотлар, асбоб-ускуналарни ижарага беришдан тушган маблағлар;

ҳўжалик фаолиятдан, қонунчилик ҳужжатларида тақиқланмаган шартнома асосида пулли хизмат кўрсатишдан олинган даромадлар;

ўқитувчилар ва педагог ходимлар томонидан ўқув-тарбия жараёнига таъсир этмаган ҳолда турли тўғарақлар, оромгоҳлар, курслар, бадий кечалар, концерт ва театр томошалари ташкил этишдан олинган маблағлар;

жисмоний ва юридик шахсларнинг ҳомийлик хайриялари, маҳаллий ва халқаро ташкилотларнинг грантлари;

қонунчилик ҳужжатларида тақиқланмаган бошқа манбалар.

34. Марказ аҳолига, турли ташкилотларга хизматлар кўрсатишга, қонунчилик билан тақиқланмаган, муассасанинг асосий фаолиятига салбий таъсир кўрсатмайдиган фаолият турлари билан шуғулланишга ҳақли.

Юқори турувчи ташкилотлар томонидан тўғарак аъзоларининг таълимга алоқаси бўлмаган тадбирларга жалб этилишига, концерт-томоша дастурлари ва кўргазмаларни ташкил этишга йўл қўйилмайди, тўлов-шартнома асосида кўрсатиладиган хизматлар бундан мустасно.

35. Марказнинг бюджетдан ташқари жамғармалари, шу жумладан, болалари ўқиганлиги учун ота-оналар бадали тўлови ҳисобига шакланган жамғарма ойлик, чораклик ёки йиллик тушган маблағлари ҳисобидан тўғарак раҳбарлари, тренерлар ва ходимлари рағбатлантирилади.

36. Қонунчилик ҳужжатларида тақиқланмаган фаолиятдан олинган даромад ҳисобига сотиб олинган мол-мулк Марказ мол-мулки таркибига киритилади.

37. Марказнинг моддий-техника базаси ер, бино ва иншоотлар, кутубхоналар, спорт иншоотлари, спорт заллари, коммуникация, техник жиҳозлар ва

ускуналар, транспорт воситалари ҳамда таълим ва тарбия жараёнида фойдаланиладиган бошқа анжомларни ўз ичига олади.

8-боб. Якунловчи қоидалар

38. Марказлар қонунчилик ҳужжатларида белгиланган тартибда қайта ташкил этилади ва тугатилади.

Марказ тугатилган тақдирда, унинг маблағлари ва мол-мулкидан, унинг мажбуриятларини қоплаш бўйича тўловлар чегирилган ҳолда, қонунчилик ҳужжатларига ҳамда Марказ уставига мувофиқ фойдаланилади.

39. Марказларни қайта ташкил этиш ёки тугатиш, қоида тариқасида, ўқув йилининг охирида амалга оширилади, бунда Қорақалпоғистон Республикаси Мактабгача ва мактаб таълими вазирлиги, вилоятлар ва Тошкент шаҳри мактабгача ва мактаб таълими бошқармалари ўқувчиларнинг ота-оналари (қонуний вакиллари) билан келишилган ҳолда, уларни бошқа марказларга ўтказиш учун жавобгарликни ўз зиммаларига оладилар.

40. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавобгар бўладилар.

Вазирлар Маҳкамасининг
2025 йил 10 декабрдаги 776-сон қарорига
2-ИЛОВА

«Келажак» марказларида ўқиганлик учун ота-оналар бадали тўловини ундириш ва ундан фойдаланиш тартиби тўғрисида НИЗОМ

1-боб. Умумий қоидалар

1. Ушбу Низом «Келажак» марказларида (кейинги ўринларда — Марказ) ўқиганлик учун ота-оналар бадали тўловини (кейинги ўринларда — она-оналар тўлови) ундириш ва ундан фойдаланиш тартибини белгилайди.

2. Ота-оналар тўловидан тушган тушумлар Марказ учун хомашё ва материаллар хариди, Марказ ходимларини моддий рағбатлантириш, таъмирлаш ишлари, Марказнинг моддий-техника базасини яхшилаш ҳамда Марказ фаолиятини такомиллаштиришга қаратилган бошқа харажатларга йўналтирилади.

2-боб. Ота-оналар тўловини амалга ошириш

3. Ота-оналар тўлови ойига базавий ҳисоблаш миқдорига нисбатан белгиланади.

4. Ота-оналар тўлови ота-она (уларнинг ўрнини босувчи шахслар) ва Марказ ўртасида тузилган шартномага асосан амалга оширилади. Ушбу

шартномада тўлов белгиланган миқдорда ва узрли сабабларсиз тўланмаган тақдирда, боланинг таълим олишини тўхтатиш ва бекор қилиш шартлари кўрсатилиши лозим.

5. Жорий ой учун тўлов мазкур ойнинг 10-санасидан кечикмасдан тўланади. Бунда сентябрь ойи учун тўлов 30-санага қадар амалга оширилади.

Белгиланган муддатда тўловлар тўланмаслиги болани Марказда таълим олувчилар сафидан чиқарилишига асос бўлади.

6. Тўлов тижорат банклари орқали нақд пул ёки нақд пулсиз шаклда (банк пластик карталари ва пул ўтказиш орқали), шунингдек электрон тўлов йўли билан амалга оширилади.

Бунда тўловлар Марказнинг тегишли ҳудудий вазначилик бўлинмаларидаги шахсий ҳазна ҳисобварақларида ундан кейинчалик фойдаланиш учун ҳисобга олинади.

7. Ота-онанинг олдиндан берган ёзма аризасига асосан, боланинг Марказга қатнаши бутунлай тўхтатилган тақдирда, тўлов тўлиқ бўлмаган ой учун, яъни бола амалда Марказга қатнаган кунлар учун тўланади.

Боланинг Марказга қатнаши вақтинча ёки бутунлай тўхтатилиши тўғрисида ота-онанинг ёзма аризаси бўлмаган тақдирда, тўлов тўлиқ ой учун ҳисобланади ва умумий асосларда ундирилади.

3-боб. Ота-оналар тўлови ҳисоб-китоби

8. Бир кунлик тўлов миқдорини аниқлаш учун ойлик тўлов миқдори Марказнинг бола жорий ойда қатнайдиغان тўғараги иш кунларининг режадаги сонига бўлинади.

Бунда бола Марказдаги биттадан ортиқ тўғаракда ўқийдиган бўлса, тўлов ҳар бир тўғаракда ўқиганлик учун белгиланган миқдорда алоҳида ундирилади.

9. Боланинг ёки оила аъзоларининг бетоблиги туфайли бола Марказга кетма-кет уч кундан ортиқ келмаган даври учун тўланган тўловлар кейинги тўловларни амалга оширишда ҳисобга олинади. Бунда боланинг келмаган кунлари сони бир кунлик тўлов миқдорига кўпайтирилиб, кейинги тўлов суммаси чиққан суммага камайтирилади. Агар боланинг келмаган кунлари учун тўлов ҳали амалга оширилмаган бўлса, тўланиши лозим бўлган тўлов миқдори у келмаган кунлари учун ҳисобланган тўлов суммасига камайтирилади.

Боланинг ёки унинг оила аъзоларининг бетоблиги туфайли боланинг Марказга келмаганлиги тегишли даволаш-профилактика муассасаси ёки участка шифокори томонидан бериладиган маълумотнома билан тасдиқланиши шарт.

10. Боланинг Марказга келмаган бошқа барча ҳолларда, ота-оналар тўлови умумий асосларда ундирилади.

11. Ота-оналар тўловидан қуйидагилар озод этилади:

Ижтимоий реестрга киритилган оилаларнинг фарзандлари (таълим олувчилар умумий сонининг 15 фоизи миқдорида);

алоҳида таълимга эҳтиёжи бўлган болалар учун ихтисослаштирилган

мактаб ва мактаб-интернат ўқувчилари, етим ва ота-она қарамоғидан маҳрум бўлган болалар, умумий ўрта таълим ташкилотларининг инклюзив синфларида таълим оладиган алоҳида таълим эҳтиёжлари бўлган ўқувчилар.

Бунда шартнома асосида малакали мутахассислар ҳамда нодавлат ўқув марказларини жалб этган ҳолда ташкил этилган чуқурлаштирилган тўғаракларда таълим олувчи болалар тўловдан озод этилмайди.

4-боб. Ота-оналар тўловидан тушган маблағлардан фойдаланиш

12. Ота-оналар тўловидан тушган маблағлар қуйидаги мақсадлар учун сарфланади:

а) ота-оналар тўловидан тушган умумий маблағларнинг 10 фоиз миқдори — Ўзбекистон Республикаси Мактабгача ва мактаб таълими вазирлиги ҳузуридаги «Келажак» марказларини қўллаб-қувватлаш жамғармасига;

тармоқ тўғаракларида ўқиганлик учун ота-оналар тўловидан тушган маблағларнинг 40 фоиз миқдори — умумий ўрта таълим ташкилотининг бюджетдан ташқари жамғармаси (мактаб фонди)га ўтказилади;

б) Марказ фаолияти учун зарур бўлган хомашё ва материаллар, моддий бойликлар (мебель, асбоб-ускуна ва жиҳозлар, компьютер техникаси ва бошқалар), иш ва хизматлар, транспорт воситаларини харид қилиш ҳамда бино ва иншоотларни қуриш, таъмирлаш;

в) маданий-оммавий тадбирларни ўтказиш ва уларда қатнашиш билан боғлиқ харажатларни қоплаш;

г) ўқувчилари халқаро миқёсида ўтказиладиган кўрик-танлов ва фестивалларда (онлайн тарзда ўтказиладиганлари бундан мустасно) ғолибликни қўлга киритган тўғарак раҳбарларини базавий ҳисоблаш миқдорининг қуйидаги миқдорларида бир марталик пул мукофотлари билан тақдирлаш:

1-ўрин учун — 20 бараваригача;

2-ўрин учун — 15 бараваригача;

3-ўрин учун — 12 бараваригача;

д) вазирлик ва идоралар томонидан ўтказиладиган республика кўрик-танловлари, мусобақа ва фестивалларда (онлайн тарзда ўтказиладиганлари бундан мустасно) ўқувчилари ғолибликни қўлга киритган тўғарак раҳбарлари базавий ҳисоблаш миқдорининг қуйидаги миқдорларида бир марталик пул мукофотлари билан тақдирлаш:

1-ўрин учун — 10 бараваригача;

2-ўрин учун — 7 бараваригача;

3-ўрин учун — 5 бараваригача;

е) Марказ ходимларига ҳар ойлик устамалар, мукофот пуллари, моддий ёрдам тўловларини тўлаш, уларни хорижий хизмат сафарлари ҳамда малака оширишга юбориш.

Ота-оналар тўловидан тушган маблағлар Марказ фаолиятини такомиллаштиришга қаратилган бошқа тадбирларга ҳам йўналтирилади.

13. Марказ директори тўловдан тушган маблағларни эркин йўналтириш ҳуқуқига эга.

5-боб. Яқунловчи қоидалар

14. Маблағлардан мақсадли фойдаланилишини назорат қилиш Давлат молиявий назорат инспекцияси ва Ўзбекистон Республикаси Мактабгача ва мактаб таълими вазирлигининг Ички аудит хизмати томонидан қонунчилик ҳужжатлари билан белгиланган ваколатларга мувофиқ амалга оширилади.

15. Тўловдан тушган маблағларни тасарруф этиш ёки бошқа мақсадларга йўналтириш (ишлатиш) билан боғлиқ ҳар қандай кўринишдаги аралаштириш тақиқланади.

16. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавобгар бўладилар.

Вазирлар Маҳкамасининг
2025 йил 10 декабрдаги 776-сон қарорига
З-ИЛОВА

**Ўзбекистон Республикаси Мактабгача ва мактаб таълими
вазирлиги ҳузуридаги «Келажак» марказларини қўллаб-
қувватлаш жамғармаси тўғрисида
НИЗОМ**

1-боб. Умумий қоидалар

1. Мазкур Низом Ўзбекистон Республикаси Мактабгача ва мактаб таълими вазирлиги ҳузуридаги «Келажак» марказларини қўллаб-қувватлаш жамғармаси (кейинги ўринларда — Жамғарма) маблағларини шакллантириш ва ундан фойдаланиш ҳамда Жамғарма маблағлари ҳисобидан «Келажак» маркази тизимидаги ходимларни рағбатлантириш ҳамда моддий-техника базасини мустаҳкамлаш тартибини белгилайди.

2. Жамғарма юридик шахс ҳисобланмайди ва унинг маблағлари Ўзбекистон Республикаси Мактабгача ва мактаб таълими вазирлигининг (кейинги ўринларда — Вазирлик) Ўзбекистон Республикаси Иқтисодиёт ва молия вазирлиги ҳузуридаги Ҳазначилик хизмати қўмитаси (кейинги ўринларда — Ҳазначилик хизмати қўмитаси) шахсий разна ҳисобварағида жамланади ва у орқали сарфланади.

3. Ушбу Низомда қуйидаги асосий тушунчалардан фойдаланилади:

раҳбар ходимлар — Республика «Келажак» маркази, Қорақалпоғистон Республикаси, вилоятлар ва Тошкент шаҳар «Келажак» марказларида фаолият юритаётган директорлар ва уларнинг ўринбосарлари, бош ҳисобчилар, таркибий бўлинмалар раҳбарлари;

педагог ходимлар — «Республика «Келажак» маркази, Қорақалпоғистон Республикаси, вилоятлар ва Тошкент шаҳар «Келажак» марказларида фаолият юритаётган тўғарак раҳбарлари, ўқитувчи-тренерлар, методик, ўқув ва услубий ёрдам кўрсатишдаги мутахассислар, методист ва услубчилар.

4. Жамғарма маблағлари ҳисобидан харажатларни молиялаштириш Ўзбекистон Республикаси мактабгача ва мактаб таълими вазирининг буйруғи асосида амалга оширилади.

2-боб. Жамғарма маблағларини шакллантириш

5. Жамғарма маблағлари қуйидаги манбалар ҳисобидан шакллантирилади:

Ўзбекистон Республикаси Давлат бюджетидан ҳар йили 70 млрд сўм миқдорида ажратиладиган маблағлар;

«Келажак» марказларига ота-оналар бадали тўловларидан тушган маблағларнинг 10 фоизи;

Жамғарманинг вақтинча бўш турган маблағларини тижорат банклари депозитларига жойлаштиришдан олинadиган даромадлар;

жисмоний ва юридик шахсларнинг, шу жумладан, Ўзбекистон Республикаси норезидентларининг ҳомийлик хайриялари;

халқаро молия ташкилотлари ҳамда хорижий давлатларнинг грантлари ва техник кўмак маблағлари;

қонунчилик ҳужжатлари билан тақиқланмаган бошқа манбалар.

3-боб. Жамғарма маблағларидан фойдаланиш

6. Жамғарма маблағлари қуйидаги мақсадларда сарфланади:

«Келажак» марказларининг моддий-техника базасини янгилаш, жумладан, уларнинг бино ва иншоотларини қуриш ва таъмирлаш, зарур жиҳоз, анжомлар, компьютерлар, алоқа ва бошқа техника воситалари билан таъминлаш бўйича харажатларни молиялаштириш;

«Келажак» марказлари фаолиятини такомиллаштиришга қаратилган тадбирлар, шу жумладан, Республика «Келажак» маркази, Қорақалпоғистон Республикаси, вилоятлар ва Тошкент шаҳри «Келажак» марказларининг раҳбар ва педагог ходимларини моддий рағбатлантириш.

Бунда, Жамғармага тушган маблағларнинг камида 40 фоизи моддий-техник базани мустаҳкамлашга сарфланади.

Жамғарма маблағларининг ушбу бандда назарда тутилмаган бошқа мақсадларга йўналтирилишига йўл қўйилмайди.

7. Жамғарманинг жорий йилда фойдаланилмаган маблағлари келгуси йилга қолдиқ маблағ сифатида ўтади.

8. Жамғарма маблағлари ҳисобидан мазкур Низомнинг 6-бандида кўрсатилган мақсадлар бўйича амалга оширилган харажатларнинг якунига кўра иқтисод қилинган қисми Жамғармага қайтарилади.

1-§. «Келажак» марказларининг моддий-техника базасини мустаҳкамлаш ишларини молиялаштириш

9. «Келажак» марказларида амалга ошириладиган лойиҳалаштириш, қуриш, реконструкция қилиш ва мукамал таъмирлаш ишларига Қорақалпоғис-

тон Республикаси Вазирлар Кенгаши, вилоятлар ва Тошкент шаҳри ҳокимликлари ҳузуридаги «Ягона буюртмачи хизмати» инжиниринг компаниялари (кейинги ўринларда — инжиниринг компаниялари) буюртмачи ҳисобланади.

10. Республика «Келажак» маркази Вазирлик билан келишган ҳолда ҳудудларда «Келажак» марказларини янги қуриш учун намунавий лойиҳани ёки таъмирлаш ишлари учун талабномаларни инжиниринг компанияларига тақдим этади.

11. Инжиниринг компанияси «Келажак» марказларини қуриш-таъмирлаш билан боғлиқ ишларга маблағ ажратиш юзасидан белгиланган тартибда Вазирликка мурожаат қилади.

Бунда ушбу мурожаатга асосан маблағлар Вазирлик томонидан тегишлилиги бўйича инжиниринг компанияларига ўтказиб берилади.

12. «Келажак» марказларида жиҳозлаш ишларини амалга ошириш бўйича Вазирлик ҳузуридаги «Таъминот ва логистика хизмати» давлат унитар корхонаси буюртмачи ҳисобланади.

13. Республика «Келажак» маркази Вазирлик билан биргаликда «Келажак» марказларини зарур жиҳоз, анжомлар, компьютер, алоқа ва бошқа техника воситалари билан таъминлаш бўйича уларнинг сони ва техник топшириқларини ишлаб чиқади ҳамда «Таъминот ва логистика хизмати» давлат унитар корхонасига тақдим этади.

14. «Таъминот ва логистика хизмати» давлат унитар корхонаси тақдим этилган маълумотлар асосида жиҳоз, анжомлар, компьютер, алоқа ва бошқа техника воситаларнинг нархларини ўрганиб чиқади ҳамда давлат харидларини амалга ошириш учун тегишли ҳисоб-китоблар асосида талаб этиладиган маблағларни ажратиш бўйича Вазирликка мурожаат этади.

Бунда талаб этиладиган маблағлар Вазирлик томонидан «Таъминот ва логистика хизмати» давлат унитар корхонасига ўтказиб берилади.

2-§. «Келажак» марказлари фаолиятини такомиллаштириш, унинг раҳбар ва педагог ходимларини моддий рағбатлантиришни молиялаштириш

15. «Келажак» марказлари фаолиятини такомиллаштиришга қаратилган тадбирлар, шу жумладан, Республика «Келажак» маркази, Қорақалпоғистон Республикаси, вилоятлар ва Тошкент шаҳри «Келажак» марказларининг раҳбар ва педагог ходимларини моддий рағбатлантириш Вазирликда ташкил этилган «Келажак» марказлари фаолиятини такомиллаштириш, раҳбар ва педагог ходимларини моддий рағбатлантириш бўйича ишчи гуруҳ (кейинги ўринларда — Ишчи гуруҳ) қарори асосида амалга оширилади.

Ишчи гуруҳ таркиби, унинг вазифалари ва фаолият юритиш тартиби Ўзбекистон Республикаси мактабгача ва мактаб таълими вазирининг буйруғи билан тасдиқланади.

16. Жамғарма маблағлари ҳисобидан раҳбар ва педагог ходимларга:

директор ва ўринбосарлар учун уларнинг лавозим маошининг 5 бараваригача ва қолган ходимлар учун 8 бараваригача ҳар ойлик устама;

соҳани ривожлантиришга қўшган шахсий ҳиссаси, ўз фаолиятида юқори кўрсаткичларга эришганлиги, ҳар бир ишланмайдиган байрам кунлари муносабати билан меҳнатга ҳақ тўлашнинг энг кам миқдорининг 5 бараваригача миқдорида моддий рағбатлантириш тўланади.

Бунда моддий рағбатлантириш миқдори Жамғарманинг амалдаги молиявий ҳолатидан келиб чиқиб, унинг мавжуд маблағлари доирасида белгиланади.

17. Республика «Келажак» маркази, Қорақалпоғистон Республикаси, вилоятлар ва Тошкент шаҳри «Келажак» марказлари ўз тизимида фаолият юритаётган раҳбар ва педагог ходимларга Жамғарма ҳисобидан ҳар ойлик устама тайинлаш ва моддий рағбатлантириш тўғрисидаги талабномаларни ҳар ой якуни бўйича келгуси ойнинг 5-санасига қадар Ишчи гуруҳга тақдим этади.

18. Ишчи гуруҳ киритилган талабномалар асосида зарур бўлган маблағларни кўриб чиқади ҳамда бу тўғрисида тегишли қарор қабул қилади.

19. Ишчи гуруҳ томонидан қабул қилинган қарор Жамғармадан маблағ ажратиш учун Вазирликка киритилади.

20. Ишчи гуруҳ қарори асосида белгиланган маблағлар Ўзбекистон Республикаси мактабгача ва мактаб таълими вазирининг буйруғи асосида Республика «Келажак» маркази, Қорақалпоғистон Республикаси, вилоятлар ва Тошкент шаҳри «Келажак» марказларига ўтказиб берилади.

4-боб. Яқунловчи қоидалар

21. Жамғарма маблағларидан фойдаланиш юзасидан назорат қонунчилик ҳужжатларига мувофиқ амалга оширилади.

Жамғарманинг молиявий ҳисоботини юритиш, маблағларнинг мақсадли сарфланишини назорат қилиш ва улар учун жавобгарлик Вазирлик зиммасига юкланади.

22. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавобгар бўладилар.

Вазирлар Маҳкамасининг
2025 йил 10 декабрдаги 776-сон қарорига
6-ИЛОВА

**Ўзбекистон Республикаси Ҳукуматининг ўз кучини йўқотган
деб ҳисобланаётган баъзи қарорлари
РЎЙХАТИ**

1. Вазирлар Маҳкамасининг «Мақтабдан ташқари таълим тизимини янада такомиллаштириш чора-тадбирлари тўғрисида» 2011 йил 28 февралдаги 50-сон қарори.

2. Вазирлар Маҳкамасининг «Ўзбекистон Республикаси Халқ таълими вазирлиги ҳузурида Республика ўқувчи-ёшлар марказини ташкил этиш чора-тадбирлари тўғрисида» 2014 йил 5 майдаги 115-сон қарори.

3. Вазирлар Маҳкамасининг «Ўзбекистон «Ёшлик» жисмоний тарбия ва спорт жамияти фаолиятини такомиллаштириш тўғрисида» 2014 йил 1 августдаги 210-сон қарори.

4. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш тўғрисида (Ўзбекистон Республикаси Президентининг «2017 — 2021 йилларда Оролбўйи минтақасини ривожлантириш Давлат дастури тўғрисида» 2017 йил 18 январдаги ПҚ–2731-сон қарори)» 2017 йил 12 майдаги 275-сон қарори.

5. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартиришлар киритиш тўғрисида (Ўзбекистон Республикасининг «Норматив-ҳуқуқий ҳужжатлар тўғрисида» 2021 йил 20 апрелдаги ЎРҚ–682-сон Қонуни)» 2022 йил 4 апрелдаги 153-сон қарорига илованинг 337-банди.

6. Вазирлар Маҳкамасининг «Мақтабдан ташқари таълим тизимини такомиллаштиришнинг қўшимча чора-тадбирлари тўғрисида» 2021 йил 27 майдаги 331-сон қарорига 8-илованинг 3-банди.

7. Вазирлар Маҳкамасининг «Мақтабгача ва мактаб таълими вазири жамғармаси фаолиятини ташкил этиш чора-тадбирлари тўғрисида» 2022 йил 2 августдаги 425-сон қарорига 1-илованинг 19-банди.

8. Вазирлар Маҳкамасининг «Ўзбекистон Республикаси Ҳукуматининг айрим қарорларига спорт соҳасида давлат бошқарувини самарали ташкил этишга қаратилган ўзгартириш ва қўшимчалар киритиш тўғрисида» 2025 йил 29 апрелдаги 275-сон қарорига илованинг 2-банди.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

780 Давлат сирлари соҳасидаги айрим норматив-ҳуқуқий
ҳужжатларни тасдиқлаш тўғрисида*

Ўзбекистон Республикасининг «Давлат сирлари тўғрисида»ги Қонуни ижросини таъминлаш, шунингдек, давлат сирлари соҳасидаги муносабатларни тартибга солиш ҳамда давлат сирларини сақлашнинг ҳуқуқий асосларини янада такомиллаштириш мақсадида Вазирлар Маҳкамаси **қарор қилади:**

1. Қўйидагилар:

Давлат сирлари соҳасида экспертлар ва махсус комиссияларни шакллантириш ҳамда уларнинг фаолиятини ташкил этиш тартиби тўғрисидаги низом 1-иловага мувофиқ;

Давлат сирларининг ошкор этилиши ёки йўқотилиши оқибатида Ўзбекистон Республикаси хавфсизлигига ёхуд давлат сирларидан фойдаланувчи ташкилотлар манфаатларига етказилган ёки етказилиши мумкин бўлган зарар миқдорини аниқлаш тўғрисидаги низом 2-иловага мувофиқ;

Маълумотлар ва уларни ташувчилар махфийлаштирилиши натижасида маълумотларни ташувчиларнинг мулкдорига етказилган зарарнинг миқдорини аниқлаш тартиби тўғрисидаги низом 3-иловага мувофиқ;

Чет эл фуқароларига ва фуқаролиги бўлмаган шахсларга Ўзбекистон Республикаси давлат сирларидан фойдаланишга доир рухсатномани бериш ва бекор қилиш тартиби тўғрисидаги низом 4-иловага мувофиқ;

Давлат сирларини хорижий давлатлар ва халқаро ташкилотларга бериш тартиби тўғрисидаги низом 5-иловага мувофиқ;

Давлат сирларидан фойдаланишга доир рухсатноманинг амал қилиши тугатилгандан кейин Ўзбекистон Республикаси ҳудудидан ташқарига чиқишга доир чеклов белгилаш тартиби тўғрисидаги низом 6-иловага мувофиқ;

Давлат сирларидан фойдаланувчи ташкилотларнинг биргаликдаги ва бошқа фаолиятини амалга ошириш доирасида давлат сирларини ташкил этувчи маълумотларни юбориш тартиби тўғрисидаги низом 7-иловага мувофиқ;

Давлат сирларидан фойдаланувчи ташкилотларнинг мулкчилик шакли ва фаолияти йўналишлари ўзгарганда давлат сирларини ҳимоя қилиш тартиби тўғрисидаги низом 8-иловага мувофиқ тасдиқлансин.

2. Манфаатдор вазирлик ва идоралар ўзлари қабул қилган норматив-ҳуқуқий ҳужжатларни бир ой муддатда ушбу қарорга мувофиқлаштирсин.

* Ушбу қарор «Қонунчилик маълумотлари миллий базаси»да 2025 йил 11 декабрда эълон қилинган.

3. Ушбу қарорнинг бажарилишини назорат қилиш давлат сирларидан фойдаланувчи ташкилотлар раҳбарлари зиммасига юклансин.

**Ўзбекистон Республикасининг
Бош вазири**

А. АРИПОВ

Тошкент ш.,
2025 йил 10 декабрь,
777-сон

Вазирлар Маҳкамасининг
2025 йил 10 декабрдаги 777-сон қарорига
1-ИЛОВА

**Давлат сирлари соҳасида экспертлар ва махсус
комиссияларни шакллантириш ҳамда уларнинг фаолиятини
ташkil этиш тартиби тўғрисида
НИЗОМ**

1-боб. Умумий қоидалар

1. Ушбу Низом давлат сирлари соҳасида экспертлар ва махсус комиссияларни шакллантириш ҳамда уларнинг фаолиятини ташкил этиш тартибini белгилайди.

2. Ушбу Низомда қуйидаги тушунчалардан фойдаланилади:

давлат аҳамиятига эга бўлган сир — ошкор этилиши Ўзбекистон Республикасининг мудофаа қобилиятига, давлат хавфсизлигига, иқтисодий ва сиёсий манфаатларига салбий таъсир кўрсатиши мумкин бўлган маълумотлар;

давлат сирлари — ошкор этилиши Ўзбекистон Республикасининг хавфсизлигига зарар етказиши мумкин бўлган давлат аҳамиятига эга сирни ва (ёки) хизмат сирини ташкил этадиган, давлат томонидан ҳимоя қилинадиган ва махфийлаштирилиши лозим бўлган маълумотлар рўйхатига киритилган маълумотлар;

давлат сирларини ташувчилар — давлат сирларини ташкил этувчи маълумотларни аниқлаш ва идентификациялаш имконини берадиган рамзлар, белгилар, тасвирлар, сигналлар, техник ечимлар ва жараёнлар тарзида акс эттирилган моддий объектлар, шу жумладан, физик майдон;

давлат сирларидан фойдаланувчи ташкилотлар — давлат сирлари билан боғлиқ фаолиятни амалга оширишга доир рухсатга, шунингдек, давлат сирларини сақлаш ва улардан фойдаланиш учун зарур шарт-шароитларга эга бўлган ҳамда давлат сирлари тўғрисидаги қонунчиликка мувофиқ давлат сирларидан фойдаланадиган давлат органлари ва бошқа ташкилотлар;

махсус комиссия — давлат сирларидан фойдаланувчи ташкилотларнинг ўз тасарруфидаги давлат сирларини кўриб чиқиш ва хулоса бериш учун

давлат сирларидан фойдаланишга доир рухсатномага ҳамда зарур билим ва тажрибага эга бўлган ходимларидан ташкил топган гуруҳ;

махфий-режим органи — давлат сирларидан фойдаланувчи ташкилотнинг махфий иш юритилиши устидан назоратни ва махфийлик режимининг таъминланишини амалга оширувчи таркибий бўлинмаси ёки мансабдор шахси;

экспертлар комиссияси — давлат сирларидан фойдаланувчи ташкилотларнинг давлат сирларидан фойдаланишга доир рухсатномага эга бўлган ҳамда давлат сирларини ҳимоя қилиш масалалари бўйича тегишли хулосалар бериш ҳуқуқига ҳамда зарур билим ва тажрибага эга бўлган ходимларидан ташкил топган гуруҳ.

3. Экспертлар ва махсус комиссиялар (кейинги ўринларда — комиссиялар) давлат сирлари билан боғлиқ масалалар бўйича хулоса бериш ҳамда зарур тавсияларни ишлаб чиқиш учун тузиладиган коллегиял маслаҳат органи ҳисобланади.

4. Экспертлар комиссияси мувофиқлаштирувчи орган ҳисобланиб, Вазирлар Маҳкамаси ҳузурида, махсус комиссия эса ташкилотларда ўз ваколатлари доирасидаги масалаларни кўриб чиқиш ва ҳал этиш учун ташкил этилади.

5. Комиссиялар доимий асосда фаолият юритади.

6. Комиссиялар фаолияти ушбу Низом ва бошқа қонунчилик ҳужжатлари асосида ташкил этилади.

2-боб. Комиссияларни шакллантириш ва уларнинг фаолиятини ташкил этиш тартиби

7. Экспертлар комиссияси Ҳукуматнинг қарори асосида Вазирлар Маҳкамаси ҳузурида ташкил этилади.

Экспертлар комиссияси таркибига давлат сирларини ҳимоя қилиш масалалари бўйича хулосалар бериш ҳуқуқига ҳамда зарур билим ва тажрибага эга бўлган тегишли вазирлик ва идораларнинг раҳбарлари (қўшимча ҳақ тўланмаган ҳолда) киритилади.

Вазирлар Маҳкамасининг махфий-режим органи экспертлар комиссиясининг ишчи органи ҳисобланади.

8. Махсус комиссия давлат сирларидан фойдаланувчи ташкилотларнинг раҳбарлари қарори билан ташкил этилади ҳамда унга ташкилотнинг давлат сирларига доир рухсатномага эга малакали мутахассислари жалб этилади. Махсус комиссияга ушбу ташкилотнинг раҳбари ёки унинг ўринбосарларидан бири раислик қилади.

Давлат сирларидан фойдаланувчи ташкилотларнинг махфий-режим органи махсус комиссияларнинг ишчи органи ҳисобланади.

9. Комиссиялар комиссия раиси, унинг ўринбосари, котиби ва бошқа аъзоларидан тоқ сондан иборат таркибда ташкил топади.

Заруратга кўра комиссиялар фаолиятига уларнинг тегишли қарорига мувофиқ бошқа ташкилотларнинг давлат сирларига доир рухсатномага эга малакали мутахассислари жалб этилиши мумкин.

10. Комиссиялар аъзолари бошқа ишга ўтган тақдирда, уларнинг таркибига ушбу лавозимга янги тайинланган ёки зиммасига тегишли функцияларни бажариш юкланган шахслар киритилади.

3-боб. Комиссияларнинг асосий вазифалари, ҳуқуқлари ва мажбуриятлари

11. Қўйидагилар экспертлар комиссиясининг асосий вазифалари ҳисобланади:

махсус комиссияларнинг фаолиятини мувофиқлаштириш;

давлат сирлари ва уларнинг ташувчиларини хорижий давлатлар ва халқаро ташкилотларга бериш (таништириш) бўйича таклифларни кўриб чиқиш ва хулоса бериш;

давлат аҳамиятига эга бўлган сирни махфийлаштириш муддатларини узайтириш бўйича таклифларини кўриб чиқиш ва хулоса бериш;

давлат аҳамиятига эга бўлган сирни ташкил этувчи маълумотларнинг ошкор этилиши ёки йўқотилиши натижасида Ўзбекистон Республикасининг хавфсизлиги ва миллий манфаатларига етказилган ёки етказилиши мумкин бўлган зарарнинг миқдорини аниқлаш;

Ўзбекистон Республикаси Президенти ва Вазирлар Маҳкамасининг ҳужжатларидаги ҳамда давлат аҳамиятига эга маълумотларнинг махфийлик даражасини аниқлаш бўйича экспертизалар ўтказиш.

Экспертлар комиссияси давлат сирлари билан боғлиқ бошқа вазифаларни ҳам бажариш ваколатига эга бўлиши мумкин.

12. Қўйидагилар махсус комиссиянинг асосий вазифалари ҳисобланади: маълумотларнинг махфийлик даражасини аниқлаш бўйича экспертизалар ўтказиш;

ташкилотларда махфийлик режимини таъминлаш ва махфий иш юритиш талабларини такомиллаштириш ҳамда соҳага рақамли технологияларни жорий этиш ва хавфсизликни таъминлаш бўйича таклифлар ишлаб чиқиш;

ички идоравий фаолиятга оид маълумотларни давлат сирлари жумласига киритиш ёки махфийликдан чиқариш масаласини кўриб чиқиш;

давлат сирларини ташкил этувчи фаолиятга оид маълумотларни махфийлаштириш муддатларини узайтиришга (махфийликдан чиқаришга) оид масалаларни кўриб чиқиш;

давлат сирларини ташкил этувчи фаолиятга оид маълумотларнинг ошкор этилиши ёки йўқотилиши натижасида ташкилотнинг манфаатларига етказилган ёки етказилиши мумкин бўлган зарар миқдорини аниқлаш;

маълумотларни давлат сирлари жумласига киритиш ёки махфийликдан чиқариш масаласини кўриб чиқиш;

маълумотлар ва уларни ташувчилар махфийлаштирилиши натижасида маълумотларни ташувчиларнинг мулкдорига етказилган зарарнинг миқдорини аниқлаш;

давлат сирлари ва уларнинг ташувчиларини хорижий давлатлар ва халқаро ташкилотларга бериш (таништириш) бўйича таклифлар ишлаб чиқиш;

архивда сақланаётган давлат сирларини ташкил қилувчи материалларни сақлаш муддатларини белгилаш, ўзгартириш ёки йўқ қилиш масалаларини кўриб чиқиш;

чет эл фуқаролари ва фуқаролиги бўлмаган шахсларга давлат сирларидан фойдаланишга доир рухсатномани расмийлаштириш масаласини кўриб чиқиш;

давлат сирларидан хабардор бўлган шахсларнинг улардан фойдаланишга доир рухсатномаларининг амал қилиши тугатилганидан кейин Ўзбекистон Республикаси ҳудудидан ташқарига чиқишга доир чекловларни белгилаш ва уларга бериладиган истисноларни кўриб чиқиш.

Махсус комиссия давлат сирлари билан боғлиқ бошқа вазифаларни ҳам бажариши мумкин.

13. Махсус комиссия давлат сирлари соҳасидаги айрим масалалар юзасидан экспертлар комиссиясига таклифлар киритиши мумкин.

14. Экспертлар комиссияси ўзига юкланган вазифаларни амалга оширишда қуйидаги ҳуқуқларга эга:

давлат сирлари билан боғлиқ масалалар юзасидан ташкилотлардан зарур ҳужжатларни сўраб олиш, кўрсатмалар бериш;

давлат сирлари билан боғлиқ масалаларни ҳал этиш учун тегишли таклифларни ишлаб чиқиш;

давлат сирлари билан боғлиқ масалаларни ҳал этиш учун ташкилотлардан зарур билим ва кўникмаларга эга малакали мутахассисларни жалб этиш.

15. Махсус комиссия ўзига юкланган вазифаларни амалга оширишда қуйидаги ҳуқуқларга эга:

давлат сирлари билан боғлиқ масалалар юзасидан ташкилотнинг тегишли бўлинмаларидан зарур ҳужжатларни сўраб олиш;

давлат сирлари билан боғлиқ масалаларни ҳал этиш учун тегишли таклифларни ишлаб чиқиш ва ташкилот раҳбарига киритиш;

давлат сирлари билан боғлиқ масалаларни ҳал этиш учун зарур бино ва иншоотлар, автотранспорт, техника ва алоқа воситаларидан фойдаланиш;

фаолиятида бошқа давлат ташкилотлари имкониятларидан фойдаланиш бўйича сўровномалар чиқариш ва уларнинг мутахассислари ҳамда махсус техник воситаларини жалб этиш.

4-боб. Комиссиялар йиғилишларини расмийлаштириш ва қарорини қабул қилиш тартиби

16. Давлат сирлари билан боғлиқ масалаларни кўриб чиқишга эҳтиёж пайдо бўлганда, комиссияларнинг йиғилиши ташкил этилади.

17. Комиссиялар таркибининг учдан икки қисми иштирок этган тақдирда, уларнинг қарори қабул қилинган ҳисобланади.

18. Комиссиялар қарорлари берилган овозларнинг кўпчилиги билан қабул қилинади. Овозлар тенг бўлганда, комиссия раисининг овози ҳал қилувчи ҳисобланади.

19. Комиссияларнинг қарорлари далолатнома, баённома, хулоса ва бош-

қа шаклларда расмийлаштирилади ҳамда комиссия раиси ва аъзолари томонидан имзоланади.

Комиссиялар фаолияти натижалари масъул котиб томонидан расмийлаштирилади ва комиссия раислари томонидан тасдиқланади.

5-боб. Яқунловчи қоидалар

20. Давлат сирларидан фойдаланувчи ташкилотлар ўз фаолиятида мазкур Низом ва давлат сирлари соҳасидаги бошқа қонунчилик ҳужжатлари талабларига қатъий амал қилишлари лозим.

21. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

Вазирлар Маҳкамасининг
2025 йил 10 декабрдаги 777-сон қарорига
2-ИЛОВА

Давлат сирларининг ошкор этилиши ёки йўқотилиши оқибатида Ўзбекистон Республикаси хавфсизлигига ёхуд давлат сирларидан фойдаланувчи ташкилотлар манфаатларига етказилган ёки етказилиши мумкин бўлган зарар миқдорини аниқлаш тартиби тўғрисида НИЗОМ

1-боб. Умумий қоидалар

1. Ушбу Низом давлат сирларининг ошкор этилиши ёки йўқотилиши оқибатида Ўзбекистон Республикаси хавфсизлигига ёхуд давлат сирларидан фойдаланувчи ташкилотлар манфаатларига етказилган ёки етказилиши мумкин бўлган зарар миқдорини аниқлаш тартибини белгилайди.

2. Ушбу Низомда қуйидаги асосий тушунчалардан фойдаланилади:

давлат аҳамиятига эга бўлган сир — ошкор этилиши Ўзбекистон Республикасининг мудофаа қобилиятига, давлат хавфсизлигига, иқтисодий ва сиёсий манфаатларига салбий таъсир кўрсатиши мумкин бўлган маълумотлар;

давлат сирлари — ошкор этилиши Ўзбекистон Республикасининг хавфсизлигига зарар етказиши мумкин бўлган давлат аҳамиятига эга сирни ва (ёки) хизмат сирини ташкил этадиган, давлат томонидан ҳимоя қилинадиган ва махфийлаштирилиши лозим бўлган маълумотлар рўйхатига киритилган маълумотлар;

давлат сирларининг йўқотилиши — давлат аҳамиятига эга бўлган сирни ёки хизмат сирини ташкил этувчи маълумотлар мавжуд бўлган ҳужжатлардан, буюмлардан ёки воситалардан қонунчиликда белгиланган талабларга риоя этмаган ҳолда фойдаланиш натижасида давлат сирларини ташувчиларнинг ўз қонуний эгалари тасарруфидан чиқиб кетиши;

давлат сирларини ошкор этиш — хизмат ёки касбий фаолияти муносабати билан давлат сирлари ўзига ишониб топширилган ёки давлат сирлари ўзига маълум бўлиб қолган шахс томонидан давлат сирларини белгиланган тартибни бузган ҳолда ўзга шахсга бериш, эълон қилиш ёки бошқача тарзда тарқатиш ҳамда бунинг оқибатида ушбу давлат сирлари уларнинг қонуний эгалари бўлмаган шахсларга маълум бўлиб қолиши;

давлат сирларидан фойдаланувчи ташкилотлар — давлат сирлари билан боғлиқ фаолиятни амалга оширишга доир рухсатга, шунингдек, давлат сирларини сақлаш ва улардан фойдаланиш учун зарур шарт-шароитларга эга бўлган ҳамда давлат сирлари тўғрисидаги қонунчиликка мувофиқ давлат сирларидан фойдаланадиган давлат органлари ва бошқа ташкилотлар;

махсус комиссия — давлат сирларидан фойдаланувчи ташкилотларнинг ўз тасарруфидаги давлат сирларини кўриб чиқиш ва хулоса бериш учун давлат сирларидан фойдаланишга доир рухсатномага ҳамда зарур билим ва тажрибага эга бўлган ходимларидан ташкил топган гуруҳ;

экспертлар комиссияси — давлат сирларидан фойдаланувчи ташкилотларнинг давлат сирларидан фойдаланишга доир рухсатномага эга бўлган ҳамда давлат сирларини ҳимоя қилиш масалалари бўйича тегишли хулосалар бериш ҳуқуқига ҳамда зарур билим ва тажрибага эга бўлган ходимларидан ташкил топган гуруҳ.

3. Давлат сирларининг ошкор этилиши ёки йўқотилиши оқибатида Ўзбекистон Республикаси хавфсизлигига ёхуд давлат сирларидан фойдаланувчи ташкилотлар манфаатларига етказилган ёки етказилиши мумкин бўлган зарар миқдори махсус комиссиялар томонидан аниқланади.

4. Давлат аҳамиятига эга бўлган сирни ташкил этувчи маълумотларнинг ошкор этилиши ёки йўқотилиши натижасида Ўзбекистон Республикасининг хавфсизлиги ва миллий манфаатларига етказилган ёки етказилиши мумкин бўлган зарарнинг миқдорини аниқлаш алоҳида ҳолларда экспертлар комиссияси томонидан кўриб чиқилиши мумкин.

2-боб. Етказилган ёки етказилиши мумкин бўлган зарар миқдорини аниқлаш тартиби

5. Махсус комиссия зарар миқдорини аниқлашда давлат сирларини ташкил этувчи маълумотларнинг ошкор этилиши ёки йўқотилиши оқибатлари ва уларни ошкор бўлишига замин яратган омиллар ўрганилади.

Ўрганишлар натижаси қонунчиликда белгиланган тартибда ўтказилган хизмат текшируви материаллари билан тасдиқланади.

6. Давлат сирларининг ошкор этилиши ёки йўқотилиши оқибатида Ўзбекистон Республикаси хавфсизлигига ёхуд давлат сирларидан фойдаланувчи ташкилотлар манфаатларига етказилган ёки етказилиши мумкин бўлган зарар миқдорини аниқлашда Ўзбекистон Республикаси Давлат хавфсизлик хизмати вакиллари иштирок этиши мумкин.

7. Моддий зарар миқдорини аниқлашда қуйидаги кўрсаткичлар ҳисобга олинади:

тўғридан-тўғри етказилган моддий зарар;

етказилган зарар оқибатларини бартараф этиш харажатлари;
ишлаб чиқарилмаган товарларнинг миқдори;
илмий-тадқиқот ва тажриба-конструкторлик ишларининг қиймати;
илмий-тадқиқот ишлари амалга оширилмагани натижасининг салбий таъсири;

ишлаб чиқариш технологиялари таннархи ва уларнинг мамлакат иқтисодиёти тармоқларида қўлланилган иқтисодий самараси;

ишлаб чиқарилиши режалаштирилган маҳсулотларнинг эҳтимолий нархи ва ташқи бозорда сотилиш ҳажми;

Ўзбекистон Республикасининг бажарилмаган давлат вазифаларини қоплаш учун товарлар, маҳсулотлар ва хомашё нархларининг ва (ёки) харидлар ҳажмининг ошиши билан боғлиқ қўшимча харажатлар;

товарлар, маҳсулотлар ва ишлаб чиқариш ускуналарини чет элдан сотиб олишнинг иложи бўлмаган тақдирда, ишлаб чиқаришни ташкил этиш харажатлари;

хорижий давлатлар билан илмий-техник ҳамкорлик тўхтатилганда, илмий-тадқиқот ишлари ва ишланмалар харажатлари;

эҳтимолий зарарни тавсифловчи бошқа кўрсаткичлар;

зарар миқдорини аниқлашга жалб қилинган мутахассисларга сарфланган харажатлар;

давлат мудофаа қобилияти, ҳудудий дахлсизлигига путур етказувчи омиллар.

8. Зарар миқдорини аниқлаш имконияти бўлмаган ҳолларда бошқа ташкилотларнинг зарур билим ва кўникмаларга эга малакали мутахассислари жалб қилинади.

Экспертлар комиссияси ёки махсус комиссия (кейинги ўринларда — комиссиялар) ва бошқа ташкилотларнинг малакали мутахассислари томонидан зарар миқдорини аниқлаш имкони бўлмаган алоҳида ҳолларда, зарар миқдори қуйидаги кўрсаткичлар бўйича аниқланишига йўл қўйилади:

«Алоҳида аҳамиятли» махфийлик даражаси тасдиқланган тақдирда — базавий ҳисоблаш миқдорининг беш юз баравари ва ундан ортиқ бўлган миқдордаги зарар;

«Мутлақо махфий» махфийлик даражаси тасдиқланган тақдирда — базавий ҳисоблаш миқдорининг уч юз бараваридан беш юз бараваригача бўлган миқдордаги зарар;

«Махфий» махфийлик даражаси тасдиқланган тақдирда — базавий ҳисоблаш миқдорининг юз бараваридан уч юз бараваригача бўлган миқдордаги зарар.

3-боб. Етказилган ёки етказилиши мумкин бўлган зарарни расмийлаштириш тартиби

9. Комиссиялар зарар миқдорини аниқлаш бўйича иш натижалари ҳулоса билан расмийлаштирилади ва унда қуйидагилар кўрсатилади:

хулоса қилиш жойи ва вақти;

комиссия таркиби;

зарар миқдорини аниқлаш учун асос;
йўқотилган ёки ошкор қилинган давлат сирларини ташкил этувчи маълумотларнинг мазмуни ва махфийлик даражаси;
давлат сирларини ташкил этувчи маълумотларнинг ошкор қилиниши ёки йўқотилиши содир бўлган ҳолатлар;
зарар миқдорини аниқлашда ҳисобга олинган кўрсаткичлар (шу жумладан, пул кўринишида);
етказилган зарарнинг якуний миқдори (эҳтимолий етказилиши мумкин бўлган зарар миқдори);
етказилган зарарларни аниқлашда фойдаланилган ҳужжатлар рўйхати;
зарар миқдорини аниқлаш билан боғлиқ бўлган бошқа масалалар.
Хулоса комиссия аъзолари томонидан имзоланади ва комиссия раиси томонидан тасдиқланади.

10. Комиссияларнинг етказилган зарар миқдори тўғрисидаги хулосаси ва хизмат текшируви материаллари нусхалари Ўзбекистон Республикаси Давлат хавфсизлик хизматига юборилади.

4-боб. Яқунловчи қоидалар

11. Етказилган зарар оқибаотида жисмоний шахсларга етказилган маънавий зарар қонунчиликда белгиланган тартибда ундирилади.

12. Давлат сирларидан фойдаланувчи ташкилотлар ўз фаолиятида мазкур Низом ва давлат сирлари соҳасидаги бошқа қонунчилик ҳужжатлари талабларига қатъий амал қилишлари лозим.

13. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

Вазирлар Маҳкамасининг
2025 йил 10 декабрдаги 777-сон қарорига
З-ИЛОВА

**Маълумотлар ва уларни ташувчилар махфийлаштирилиши
натижасида маълумотларни ташувчиларнинг мулкдорига
етказилган зарарнинг миқдорини аниқлаш тартиби тўғрисида
НИЗОМ**

1-боб. Умумий қоидалар

1. Ушбу Низом маълумотлар ва уларни ташувчилар махфийлаштирилиши натижасида маълумотларни ташувчиларнинг мулкдорига етказилган зарарнинг миқдорини аниқлаш тартибини белгилайди.

2. Ушбу Низомда қуйидаги асосий тушунчалардан фойдаланилади:

Баҳоловчи ташкилот — қонунчилик ҳужжатларига мувофиқ баҳолаш фаолиятини амалга оширувчи юридик шахс;

давлат сирлари — ошкор этилиши Ўзбекистон Республикасининг хавфсизлигига зарар етказиши мумкин бўлган давлат аҳамиятига эга сирни ва (ёки) хизмат сирини ташкил этадиган, давлат томонидан ҳимоя қилинадиган ва махфийлаштирилиши лозим бўлган маълумотлар рўйхатига киритилган маълумотлар;

давлат сирларининг йўқотилиши — давлат аҳамиятига эга бўлган сирни ёки хизмат сирини ташкил этувчи маълумотлар мавжуд бўлган ҳужжатлардан, буюмлардан ёки воситалардан қонунчиликда белгиланган талабларга риоя этмаган ҳолда фойдаланиш натижасида давлат сирларини ташувчиларнинг ўз қонуний эгалари тасарруфидан чиқиб кетиши;

давлат сирларини ошкор этиш — хизмат ёки касбий фаолияти муносабати билан давлат сирлари ўзига ишониб топширилган ёки давлат сирлари ўзига маълум бўлиб қолган шахс томонидан давлат сирларини белгиланган тартибни бузган ҳолда ўзга шахсга бериш, эълон қилиш ёки бошқача тарзда тарқатиш ҳамда бунинг оқибатида ушбу давлат сирлари уларнинг қонуний эгалари бўлмаган шахсларга маълум бўлиб қолиши;

давлат сирларини ташувчилар — давлат сирларини ташкил этувчи маълумотларни аниқлаш ва идентификациялаш имконини берадиган рамзлар, белгилар, тасвирлар, сигналлар, техник ечимлар ва жараёнлар тарзида акс эттирилган моддий объектлар, шу жумладан, физик майдон;

давлат сирларидан фойдаланувчи ташкилотлар — давлат сирлари билан боғлиқ фаолиятни амалга оширишга доир рухсатга, шунингдек, давлат сирларини сақлаш ва улардан фойдаланиш учун зарур шарт-шароитларга эга бўлган ҳамда давлат сирлари тўғрисидаги қонунчиликка мувофиқ давлат сирларидан фойдаланадиган давлат органлари ва бошқа ташкилотлар;

махсус комиссия — давлат сирларидан фойдаланувчи ташкилотларнинг ўз тасарруфидаги давлат сирларини кўриб чиқиш ва хулоса бериш учун давлат сирларидан фойдаланишга доир рухсатномага ҳамда зарур билим ва тажрибага эга бўлган ходимларидан ташкил топган гуруҳ;

мулкдор — илмий-ижодий иш, техник ихтиро маҳсулотларини ишлаб чиққан (кашф этган) жисмоний шахс ёки ташкилот.

3. Давлат сирларидан фойдаланувчи ташкилотлар фаолияти давомида махфийлаштирилиши лозим бўлган маълумотлар махфий-режим органи мавжуд бўлмаган бошқа ташкилотларда аниқланган тақдирда, ташкилот раҳбари Ўзбекистон Республикаси Давлат хавфсизлик хизмати билан келишилган ҳолда ушбу маълумотларни махфий-режим органи мавжуд бўлган бошқа ташкилотга сақлаш учун ўтказиш тўғрисида қарор қабул қилади. Қабул қилинган қарор юзасидан мулкдор хабардор қилинади.

2-боб. Мулкдорнинг маълумотларини махфийлаштириш тартиби

4. Давлат сирларидан фойдаланувчи ташкилотлар раҳбарлари қонунчиликка мувофиқ ўзига тегишли соҳа бўйича мулкдорнинг маълумотлари ва уларнинг ташувчиларини махфийлаштириш тўғрисида қарор қабул қилади.

Бунда давлат сирларидан фойдаланувчи ташкилот ва мулкдор ўртасида тегишли шартнома тузилади.

5. Шартномада қуйидагилар акс эттирилиши лозим:

шартноманинг мақсади ва предмети;

томонларнинг ҳуқуқ ва мажбуриятлари;

шартноманинг амал қилиш муддати;

шартномани ўзгартириш ва бекор қилиш тартиби;

томонлар муносабатларига нисбатан қўлланадиган ҳуқуқ ва низоларни ҳал қилиш тартиби;

маълумотлар ва уларни ташувчилар махфийлаштирилиши муносабати билан маълумотларни ташувчиларнинг мулкдорига тўланадиган компенсация миқдори;

маълумотларни ташувчилар мулкдорининг ушбу маълумотларни ошкор этмаслик бўйича мажбуриятлари;

тарафларнинг реквизиитлари, шартнома тузилган сана ва жойи.

Мулкдор махфийлаштирилиши лозим бўлган маълумотларни давлат сирларидан фойдаланувчи ташкилотларга беришни рад этган тақдирда, ушбу маълумотлар суднинг қарорига кўра давлат сирларидан фойдаланувчи ташкилотга берилаётган маълумотларнинг қиймати мулкдорга қопланган ҳолда мажбурий равишда махфийлаштирилади.

Бунда мулкдор давлат сирларини ташкил этувчи маълумотларни ошкор этганлиги учун қонунчиликка мувофиқ жавобгарликка тортилиши тўғрисида огоҳлантирилади.

6. Чет эл фуқаролари, хорижий ва халқаро ташкилотларга тегишли бўлган маълумотларга ва уларни ташувчиларга бўлган мулк ҳуқуқи, агар ушбу маълумотлар Ўзбекистон Республикасининг «Давлат сирлари тўғрисида»-ги Қонуни талабларини бузмаган ҳолда олинган (ишлаб чиқилган) бўлса, чекланиши мумкин эмас.

3-боб. Мулкдорга етказилган зарар миқдорини аниқлаш ва қоплаш тартиби

7. Мулкдорга етказилган зарар миқдори давлат сирларидан фойдаланувчи ташкилотнинг махсус комиссияси томонидан аниқланади.

Мулкдорга етказилган зарар миқдори давлат сирларидан фойдаланувчи ташкилотлар томонидан улар фаолиятининг ўзига хос хусусиятларини ҳисобга олган ҳолда аниқланади.

8. Мулкдор ўзига етказилган зарар миқдорини аниқлаш бўйича махсус комиссиянинг йиғилишларида қатнашиш ҳуқуқига эга.

9. Махсус комиссия аъзолари ва унинг йиғилишларга жалб қилинган мутахассислар тегишли шаклдаги давлат сирларидан фойдаланишга доир руҳсатномага эга бўлиши лозим.

10. Моддий зарар миқдорини аниқлашда қуйидаги кўрсаткичлар ҳисобга олинади:

тўғридан-тўғри етказилган моддий зарар;

етказилган зарар оқибатларини бартараф этиш харажатлари;

ишлаб чиқарилмаган товарларнинг миқдори;

илмий-тадқиқот ва тажриба-конструкторлик ишларининг қиймати;

илмий-тадқиқот ишлари амалга оширилмагани натижасининг салбий таъсири;

ишлаб чиқариш технологиялари таннархи ва уларнинг мамлакат иқтисодиёти тармоқларида қўлланилган иқтисодий самараси;

ишлаб чиқарилиши режалаштирилган маҳсулотларнинг эҳтимолий нархи ва ташқи бозорда сотилиш ҳажми;

Ўзбекистон Республикасининг бажарилмаган давлат вазифаларини қоплаш учун товарлар, маҳсулотлар ва хомашё нархларининг ва (ёки) харидлар ҳажмининг ошиши билан боғлиқ қўшимча харажатлар;

товарлар, маҳсулотлар ва ишлаб чиқариш ускуналарини чет элдан сотиб олишнинг иложи бўлмаган тақдирда, ишлаб чиқаришни ташкил этиш харажатлари;

хорижий давлатлар билан илмий-техник ҳамкорлик тўхтатилганда, илмий-тадқиқот ишлари ва ишланмалар харажатлари;

эҳтимолий зарарни тавсифловчи бошқа кўрсаткичлар;

зарар миқдорини аниқлашга жалб қилинган мутахассисларга сарфланган харажатлар.

11. Зарар миқдорини аниқлашда мол-мулкларнинг (хизматларнинг) бозор қиймати инobatга олинади. Бунда мол-мулкларнинг (хизматларнинг) бозор қиймати қуйидаги ҳужжатлар билан тасдиқланиши шарт:

юклаб жўнатиш, етказиб бериш ёки топширишга доир ҳужжатлар;

маҳсулот етказиб берувчиларнинг нархга доир маълумотлари (прайс-варақлар);

оммавий ахборот воситаларидан олинган маълумотлар;

биржа хабарлари;

давлат статистика органларининг маълумотлари.

12. Махсус комиссия томонидан зарар миқдорини аниқлаш имконияти

бўлмаган ҳолларда, бошқа ташкилотларнинг зарур билим ва кўникмаларга эга малакали мутахассислари жалб қилинади.

Махсус комиссия ва бошқа ташкилотларнинг малакали мутахассислари томонидан зарар миқдорини аниқлаш имкони бўлмаган алоҳида ҳолларда, зарар миқдори қуйидаги кўрсаткичлар бўйича аниқланишига йўл қўйилади:

«Алоҳида аҳамиятли» махфийлик даражаси тасдиқланган тақдирда — базавий ҳисоблаш миқдорининг беш юз баравари ва ундан ортиқ бўлган миқдордаги зарар;

«Мутлақо махфий» махфийлик даражаси тасдиқланган тақдирда — базавий ҳисоблаш миқдорининг уч юз бараваридан беш юз бараваригача бўлган миқдордаги зарар;

«Махфий» махфийлик даражаси тасдиқланган тақдирда — базавий ҳисоблаш миқдорининг юз бараваридан уч юз бараваригача бўлган миқдордаги зарар.

4-боб. Зарар миқдорини аниқлаш бўйича махсус комиссия фаолияти

13. Махсус комиссиянинг зарар миқдорини аниқлаш бўйича иш натижалари хулоса билан расмийлаштирилади ва унда қуйидагилар кўрсатилади:

хулоса қилиш жойи ва вақти;

комиссия таркиби;

зарар миқдорини аниқлаш учун асос;

йўқотилган ёки ошкор қилинган давлат сирларини ташкил этувчи маълумотларнинг мазмуни ва махфийлик даражаси;

давлат сирларини ташкил этувчи маълумотларнинг ошкор қилиниши ёки йўқотилиши содир бўлган ҳолатлар;

зарар миқдорини аниқлашда ҳисобга олинган кўрсаткичлар (шу жумладан, пул кўринишида);

етказилган зарарнинг якуний миқдори (эҳтимолий етказилиши мумкин бўлган зарар миқдори);

етказилган зарарларни аниқлашда фойдаланилган ҳужжатлар рўйхати;

зарар миқдорини аниқлаш билан боғлиқ бўлган бошқа масалалар.

Хулоса махсус комиссиянинг аъзолари томонидан имзоланади ва комиссия раиси томонидан тасдиқланади.

14. Махсус комиссия хулосаси зарур нусхаларда тайёрланади. Бунда унинг бир нусхаси давлат сирларини ташкил этувчи маълумотларни бошқа шахсга ўтказиш ташаббуси билан чиққан ташкилотда сақланади, қолган нусхалари эса келишув бўйича ташкилотларга юборилади.

15. Махсус комиссия фаолияти натижалари тўғрисидаги якуний хулоса тасдиқлангандан кейин комиссияни ташкил этган ташкилот уч иш куни давомида белгиланган тартибда мулкдор манзилига шартнома юборади.

16. Мулкдор шартномани олган кундан бошлаб уч иш куни ичида имзолайди ёки рад этиш асосларини кўрсатган ҳолда имзолаш рад этилгани тўғрисида жавоб юборади.

17. Мулкдор шартномани имзолаган тақдирда, комиссияни тузган ташкилот томонидан белгиланган зарар миқдорини қоплаш бўйича чоралар кўради.

18. Маълумотлар ва уларни ташувчилар махфийлаштирилиши натижасида мулкдорга етказилган зарар Ўзбекистон Республикаси Давлат бюджети маблағлари ёки ушбу маълумотлар ва уларни ташувчилар ўз тасарруфига ўтаётган ташкилотларнинг бюджетдан ташқари маблағлари ҳисобидан қопланади.

19. Мулкдор шартнома тузишни рад этган тақдирда, махсус комиссия маълумотларни мажбурий тарзда бошқа жисмоний шахсга ёки ташкилотга ўтказиш чораларини кўриш учун материалларни судга юбориш тўғрисида қарор қабул қилади.

5-боб. Мулкдорнинг ҳуқуқлари

20. Мулкдор қуйидаги ҳуқуқларга эга:

маълумотларни махфийлаштириш натижасида унга етказилган зарар миқдорини аниқлаш масаласи кўриб чиқиляётганда махсус комиссия мажлисларида иштирок этиш;

махсус комиссияга зарар миқдори бўйича ўз ҳисоб-китобларини ёки тегишли шаклда давлат сирларидан фойдаланишга доир рухсатномага эга бўлган баҳоловчи ташкилотлар ходимларини жалб этган ҳолда тайёрланган ҳисоб-китобларни тақдим этиш;

махсус комиссия ҳулосаси билан танишиш.

21. Мулкдор маълумотлар ва уларни ташувчилар махфийлаштирилиши муносабати билан унинг мулк ҳуқуқини чеклаш ҳамда аниқланган зарар миқдори бўйича қарорлар юзасидан судга шикоят қилиши мумкин.

6-боб. Яқунловчи қоидалар

22. Мулкдор маълумотларнинг махфийлаштирилиши муносабати билан уларни сир сақлашга мажбур.

23. Давлат сирларидан фойдаланувчи ташкилотлар ўз фаолиятида мазкур Низом ва давлат сирлари соҳасидаги бошқа қонунчилик ҳужжатлари талабларига қатъий амал қилишлари лозим.

24. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

Вазирлар Маҳкамасининг
2025 йил 10 декабрдаги 777-сон қарорига
4-ИЛОВА

**Чет эл фуқароларига ва фуқаролиги бўлмаган шахсларга
Ўзбекистон Республикаси давлат сирларидан фойдаланишга
доир рухсатномани бериш ва бекор қилиш тартиби тўғрисида
НИЗОМ**

1-боб. Умумий қоидалар

1. Ушбу Низом чет эл фуқаролари ва фуқаролиги бўлмаган шахсларга Ўзбекистон Республикаси давлат сирларидан фойдаланишга доир рухсатномани расмийлаштириш ва бекор қилиш ҳамда ушбу шахсларга давлат сирларидан фойдаланиш ҳуқуқини бериш тартибини белгилайди.

2. Ушбу Низомда қуйидаги асосий тушунчалардан фойдаланилади:

давлат сирлари — ошкор этилиши Ўзбекистон Республикасининг хавфсизлигига зарар етказиши мумкин бўлган давлат аҳамиятига эга сирни ва (ёки) хизмат сирини ташкил этадиган, давлат томонидан ҳимоя қилинадиган ва махфийлаштирилиши лозим бўлган маълумотлар рўйхатига киритилган маълумотлар;

давлат сирларидан фойдаланиш ҳуқуқи — давлат сирларидан фойдаланувчи ташкилотларнинг раҳбари томонидан чет эл фуқаролари ва фуқаролиги бўлмаган шахсларга хизмат ваколатларига мувофиқ бериладиган муайян махфий маълумотлар билан танишиш ва (ёки) давлат сирларидан фойдаланган ҳолда фаолиятни амалга ошириш имконияти;

давлат сирларидан фойдаланишга доир рухсатнома — давлат сирлари соҳасидаги махсус ваколатли давлат органи томонидан шахсга давлат сирларидан фойдаланиш ҳуқуқи берилганлигини тасдиқлайдиган, белгиланган тартибда расмийлаштирилган ҳужжат;

давлат сирларидан фойдаланувчи ташкилотлар — давлат сирлари билан боғлиқ фаолиятни амалга оширишга доир рухсатга, шунингдек, давлат сирларини сақлаш ва улардан фойдаланиш учун зарур шарт-шароитларга эга бўлган ҳамда давлат сирлари тўғрисидаги қонунчиликка мувофиқ давлат сирларидан фойдаланадиган давлат органлари ва бошқа ташкилотлар;

махсус комиссия — давлат сирларидан фойдаланувчи ташкилотларнинг ўз тасарруфидаги давлат сирларини кўриб чиқиш ва хулоса бериш учун давлат сирларидан фойдаланишга доир рухсатномага ҳамда зарур билим ва тажрибага эга бўлган ходимларидан ташкил топган гуруҳ.

3. Чет эл фуқаролари ва фуқаролиги бўлмаган шахсларга давлат сирларидан фойдаланиш ҳуқуқи улар давлат органлари ва бошқа ташкилотларнинг давлат сирларидан фойдаланиш ҳуқуқи талаб этиладиган лавозимларга тайинланаётганда ва давлат сирлари билан боғлиқ ишларни бажаришга жалб этилган ҳолларда берилади.

2-боб. Чет эл фуқаролари ва фуқаролиги бўлмаган шахсларнинг давлат сирларидан фойдаланиш тартиби

4. Чет эл фуқаролари ва фуқаролиги бўлмаган шахсларга давлат сирларидан фойдаланиш ҳуқуқи хорижий давлат ёки халқаро ташкилотларнинг давлат сирларини ҳимоя қилиш бўйича мажбуриятларини назарда тутувчи халқаро шартнома асосида берилади.

Бунда чет эл фуқаролари ва фуқаролиги бўлмаган шахслар ҳамда давлат сирларидан фойдаланувчи ташкилот ўртасида тегишли шартнома имзоланиши лозим.

5. Чет эл фуқаролари ва фуқаролиги бўлмаган шахсларга давлат сирларидан фойдаланиш ҳуқуқини бериш масаласи давлат органлари ва бошқа ташкилотлар ташаббуси асосида Ўзбекистон Республикаси Давлат хавфсизлик хизмати (кейинги ўринларда — махсус ваколатли давлат органи) билан келишган ҳолда ҳал этилади.

6. Чет эл фуқаролари ва фуқаролиги бўлмаган шахсларга фақат «Махфий» грифли маълумотлардан фойдаланиш ҳуқуқи берилади.

Чет эл фуқаролари ва фуқаролиги бўлмаган шахсларга «Мутлақо махфий» ва (ёки) «Алоҳида аҳамиятли» грифли маълумотлар билан ишлашга рухсат берилмайди.

Бунда ушбу чет эл фуқаролари ва фуқаролиги бўлмаган шахсларга «Мутлақо махфий» ва (ёки) «Алоҳида аҳамиятли» грифли маълумотлар билан танишиш зарурати туғилган тақдирда, давлат сирларидан фойдаланувчи ташкилотнинг махсус комиссиясининг қарори асосида ушбу маълумотларнинг тегишли махфий қисми таништирилиши мумкин.

7. Чет эл фуқаролари ва фуқаролиги бўлмаган шахсларга фақат улар танишиши мумкин бўлган махфий маълумотлар билан ишлаш ҳуқуқи берилади.

3-боб. Чет эл фуқаролари ва фуқаролиги бўлмаган шахсларга давлат сирларидан фойдаланишга доир рухсатномани расмийлаштириш тартиби

8. Чет эл фуқаролари ва фуқаролиги бўлмаган шахсларга давлат сирларидан фойдаланишга доир рухсатномани расмийлаштиришда улар томонидан давлат сирларидан фойдаланувчи ташкилотларга қуйидагилар тақдим этилади:

шахсга доир маълумотлар (фамилияси, исми, отасининг исми, туғилган санаси ва жойи, миллати, фуқаролиги, сўнгги хорижий давлатдаги яшаган манзили ва бошқалар);

маълумоти ва мутахассислиги, меҳнат фаолияти ҳақидаги маълумот (ишлаган жойлари ва лавозимлари);

Ўзбекистон Республикасида рўйхатдан ўтган ва яшаш жойи (вақтинча ёки доимий);

чет элга чиқиш ҳужжати нусхаси;

давлат сирлари билан ишлаши учун тўсқинлик қилувчи ҳолатлар (соғлиги ва бошқалар) мавжуд эмаслиги тўғрисидаги маълумотлар;

Ўзбекистон Республикасида ва бошқа давлатларда жиноий жавобгарликка тортилганлиги ҳақидаги маълумотлар (қачон ва нима учун) мавжуд бўлса; шахснинг ўзига ишониб топширилган давлат сирларини ташкил этувчи маълумотларни ошкор этмаслик тўғрисида Ўзбекистон Республикаси олдида ёзма мажбурияти;

шахснинг Ўзбекистон Республикасининг «Давлат сирлари тўғрисида»ги Қонунига мувофиқ айрим ҳуқуқлари чекланишига ёзма розилик хати;

шахс томонидан давлат сирларидан фойдаланишга доир рухсатнома берилишидан олдин махсус ваколатли давлат органининг ушбу шахсга нисбатан текширув тадбирларини ўтказишига ёзма розилик хати;

давлат сирлари тўғрисидаги қонунчилик билан, шу жумладан, уни бузганлик учун жавобгарликка оид қисми билан танишганлигини тасдиқловчи тилхат.

9. Чет эл фуқаролари ва фуқаролиги бўлмаган шахсларга давлат сирларидан фойдаланишга доир рухсатномани расмийлаштириш масаласи давлат сирларидан фойдаланувчи ташкилотнинг махсус комиссияси томонидан кўриб чиқилади.

10. Давлат сирларидан фойдаланувчи ташкилотлар махсус ваколатли давлат органига қуйидаги ҳужжатларни тақдим этади:

ушбу Низомнинг 8-бандида кўрсатилган маълумотлар ҳамда давлат сирларидан фойдаланувчи ташкилотлар махсус комиссиясининг хулосаси;

чет эл фуқаролари ва фуқаролиги бўлмаган шахсларга давлат сирларидан фойдаланишга доир рухсатномани расмийлаштириш бўйича махсус ваколатли давлат органига мурожаати.

11. Махсус ваколатли давлат органи томонидан мурожаатларни кўриб чиқиш вақтида чет эл фуқаролари ва фуқаролиги бўлмаган шахсларга давлат сирларидан фойдаланишга доир рухсатномани расмийлаштириш учун уларга нисбатан текширув тадбирлари ўтказилади ҳамда рухсатномани бериш (бермаслик) мақсадга мувофиқлиги тўғрисида қарор қабул қилинади.

12. Махсус ваколатли давлат органи мурожаатларни кўриб чиқишда қуйидаги ҳуқуқларга эга:

мурожаатларни кўриб чиқиш учун керак бўлган қўшимча маълумотларни давлат органлари ва бошқа ташкилотлардан сўраб олиш;

тақдим этилган маълумотларга ҳамда хулоса қабул қилиш учун керак бўлган бошқа масалаларга аниқлик киритиш мақсадида чет эл фуқаролари ва фуқаролиги бўлмаган шахслар билан суҳбат ўтказиш;

чет эл фуқаролари ва фуқаролиги бўлмаган шахслар томонидан Ўзбекистон Республикаси қонунчилиги талабларини бузиш ҳолатлари аниқланганда, давлат сирларидан фойдаланишга доир рухсатнома беришни рад этиш (бекор қилиш).

13. Чет эл фуқаролари ва фуқаролиги бўлмаган шахслар томонидан тақдим этилган материаллар тўлиқ эмаслиги, нотўғри маълумот тақдим этилиши ёки тақдим этилмаслиги мурожаатни кўриб чиқмаслик учун асос бўлади.

4-боб. Чет эл фуқаролари ва фуқаролиги бўлмаган шахсларга давлат сирларидан фойдаланиш ҳуқуқини бериш тартиби

14. Махсус ваколатли давлат органи томонидан берилган рухсатнома асосида давлат сирларидан фойдаланувчи ташкилот раҳбарининг чет эл фуқаролари ва фуқаролиги бўлмаган шахсларга давлат сирларидан фойдаланиш ҳуқуқини бериш бўйича тегишли буйруғи (қарори, фармойиши) қабул қилинади.

Буйруқда (қарорда, фармойишда) давлат сирларидан фойдаланишга доир рухсатнома шакли, чет эл фуқаролари ва фуқаролиги бўлмаган шахсларнинг ўз хизмат мажбуриятларини бажариши ва функционал мажбурияти давомида танишиши мумкин бўлган махфий маълумотлар рўйхати кўрсатилади.

15. Чет эл фуқаролари ва фуқаролиги бўлмаган шахсларга давлат сирларидан фойдаланишга доир рухсатномани расмийлаштиришдан аввал давлат сирларидан фойдаланиш ҳуқуқини бериш тақиқланади.

16. Алоҳида ҳолларда чет эл фуқаролари ва фуқаролиги бўлмаган шахсларга давлат сирларидан фойдаланишга доир рухсатнома ва давлат сирларидан фойдаланиш ҳуқуқи Ўзбекистон Республикаси Президенти рухсати билан берилиши мумкин.

5-боб. Яқунловчи қоидалар

17. Давлат сирларидан фойдаланувчи ташкилот раҳбари чет эл фуқаролари ва фуқаролиги бўлмаган шахсларнинг давлат сирларидан тўғри фойдаланиши учун шахсан жавобгар ҳисобланади.

18. Ўзбекистон Республикаси давлат сирларидан фойдаланиш ҳуқуқи берилган чет эл фуқаролари ва фуқаролиги бўлмаган шахслар давлат сирларини ошкор қилганда ёки йўқотганда ёхуд Ўзбекистон Республикаси манфаатларига зид ҳаракатлар содир этганда, қонунчилик ҳужжатларида белгиланган тартибда жавоб берадилар.

Вазирлар Маҳкамасининг
2025 йил 10 декабрдаги 777-сон қарорига
5-ИЛОВА

Давлат сирларини хорижий давлатлар ва халқаро ташкилотларга бериш тартиби тўғрисида НИЗОМ

1-боб. Умумий қоидалар

1. Ушбу Низом Ўзбекистон Республикасининг «Давлат сирлари тўғрисида»ги Қонунига мувофиқ давлат сирларини хорижий давлатлар ва халқаро ташкилотларга бериш тартибини белгилайди.

2. Ушбу Низомда қуйидаги асосий тушунчалардан фойдаланилади:

давлат сирлари — ошкор этилиши Ўзбекистон Республикасининг хавфсизлигига зарар етказиши мумкин бўлган давлат аҳамиятига эга сирни ва (ёки) хизмат сирини ташкил этадиган, давлат томонидан ҳимоя қилинадиган ва махфийлаштирилиши лозим бўлган маълумотлар рўйхатига киритилган маълумотлар;

давлат сирларини ташувчилар — давлат сирларини ташкил этувчи маълумотларни аниқлаш ва идентификациялаш имконини берадиган рамзлар, белгилар, тасвирлар, сигналлар, техник ечимлар ва жараёнлар тарзида акс эттирилган моддий объектлар, шу жумладан физик майдон;

давлат сирлари ва уларни ташувчиларни бериш — давлат сирларини хорижий давлатга ёки халқаро ташкилотга халқаро шартномаларга мувофиқ дипломатик каналлар, махсус курьерлик хизмати ва бошқа ҳимояланган алоқа каналлари орқали юбориш (жўнатиш);

давлат сирларидан фойдаланувчи ташкилотлар — давлат сирлари билан боғлиқ фаолиятни амалга оширишга доир рухсатга, шунингдек, давлат сирларини сақлаш ва улардан фойдаланиш учун зарур шарт-шароитларга эга бўлган ҳамда давлат сирлари тўғрисидаги қонунчиликка мувофиқ давлат сирларидан фойдаланадиган давлат органлари ва бошқа ташкилотлар;

махсус комиссия — давлат сирларидан фойдаланувчи ташкилотларнинг ўз тасарруфидаги давлат сирларини кўриб чиқиш ва хулоса бериш учун давлат сирларидан фойдаланишга доир рухсатномага ҳамда зарур билим ва тажрибага эга бўлган ходимлардан ташкил топган гуруҳ;

экспертлар комиссияси — давлат сирларидан фойдаланувчи ташкилотларнинг давлат сирларидан фойдаланишга доир рухсатномага эга бўлган ҳамда давлат сирларини ҳимоя қилиш масалалари бўйича тегишли хулосалар бериш ҳуқуқига ҳамда зарур билим ва тажрибага эга бўлган ходимларидан ташкил топган гуруҳ.

3. Давлат сирлари ва уларни ташувчилар хорижий давлат ва халқаро ташкилотларга ушбу Низомга иловадаги* схемага мувофиқ тартибда берилади.

* Илова «Қонунчилик маълумотлари миллий базаси»да эълон қилинган.

2-боб. Давлат сирлари ва уларни ташувчиларни хорижий давлатлар ва халқаро ташкилотларга бериш шартлари

4. Хорижий давлатлар ва халқаро ташкилотларга давлат сирлари ва уларни ташувчилар уларнинг давлат сирларини ҳимоя қилиш бўйича қафолатларини ва мажбуриятларини назарда тутувчи халқаро шартнома (кейинги ўринларда — халқаро шартнома) асосида берилади.

Ушбу халқаро шартномаларда қуйидаги шартлар инобатга олинади:

томонларнинг давлат сирлари ва уларни ташувчиларни қабул қилиш (бериш), сақлаш ва улардан фойдаланувчи ваколатли органлари, уларнинг давлат сирларидан фойдаланган ҳолда ишларни амалга ошириш ҳуқуқига эгаллиги;

томонларга берилган давлат сирлари ва уларни ташувчиларнинг махфийлик грифининг ўзаро мутаносиблиги, тақдим этилган давлат сирларининг махфийлик грифини ўзгартириш ёки олиб ташлаш тартиби;

қабул қилувчи томоннинг ваколатли органлари томонидан, шунингдек, таржима қилинганда, кўчирилганда ёки кўпайтирилганда махфийлик грифлари билан таққосланадиган давлат сирларини белгилашга қўйиладиган талаблар;

давлат сирлари ва уларни ташувчиларни бериш тартиби, манзилга жўнатиш (юбориш) усуллари, заруратга кўра кузатиб бориш шакли;

тақдим этилган давлат сирларини ташкил этувчи материаллардан нусха олиш ёки уларни кўпайтириш, йўқ қилиш ва қайтариш тартиби;

тақдим этилган давлат сирлари ва уларни ташувчиларни қабул қилувчи томоннинг қонунчилик ҳужжатларига мувофиқ ҳимоя қилиш мажбуриятлари;

тузилган шартнома ўз кучини йўқотган (бекор бўлган) ҳолларда, тақдим этилган ёки ўзаро ҳамкорлик жараёнида ҳосил бўлган махфий маълумотлар рухсатсиз тарқатилишининг олдини олиш бўйича мажбуриятлар;

берилган давлат сирлари ва уларни ташувчиларни топширувчининг ёзма розилигисиз учинчи шахсга (томонга) тақдим этмаслик мажбуриятлари;

зиддиятли вазиятларни ҳал қилиш ва берилган давлат сирларини рухсатсиз тарқатиш натижасида юзага келиши мумкин бўлган зарарни қоплаш тартиби;

йўлга қўйилган алоқаларни жаҳон ҳамжамиятида эълон қилиш тартиби.

Халқаро шартномада томонларнинг манфаатлари ва талаблари ҳам ифода этилиши мумкин.

5. Халқаро шартномада ушбу Низомнинг 4-бандидаги талаблар ва мажбуриятлар кўрсатилмаган ҳолларда, давлат сирларидан фойдаланувчи ташкилот томонидан ушбу соҳага доир халқаро шартномани тузиш зарурати мавжудлиги тўғрисида Ўзбекистон Республикаси Давлат хавфсизлик хизматига (кейинги ўринларда — махсус ваколатли давлат органи) таклиф киритилади.

Давлат сирларини ҳимоя қилиш бўйича мажбуриятларни назарда тутувчи халқаро шартнома лойиҳаси белгиланган тартибда келишиш ва имзолашниш учун хориж томонига юборилади.

Давлат сирлари ёки уларни ташувчи воситалар хорижий давлатлар ва

халқаро ташкилотларга мазкур Низомнинг 4-бандида кўрсатилган талаблар ва мажбуриятларга мос халқаро шартномалар тузилгандан сўнг берилади.

6. Давлат сирлари ва уларни ташувчиларни бериш мақсадга мувофиқлиги махсус ваколатли давлат органи томонидан кўриб чиқилади.

7. Ўзбекистон Республикасининг халқаро шартномаларида бошқача қоидалар назарда тутилмаган бўлса, давлат сирлари ва уларни ташувчиларни хорижий давлатлар ва халқаро ташкилотларга бериш бўйича Вазирлар Маҳкамасининг фармойиши қабул қилинади.

3-боб. Давлат сирлари ва уларни ташувчиларни беришни махсус комиссия ва махсус ваколатли давлат органи билан келишиш тартиби

8. Давлат сирларидан фойдаланувчи ташкилотлар давлат сирлари ва уларни ташувчиларни бериш бўйича таклифни ушбу ташкилотда ташкил этилган махсус комиссияга тақдим этади.

Махсус комиссия давлат сирлари ва уларни ташувчиларни бериш бўйича таклифини беш иш кун ичида кўриб чиқади ҳамда тегишли хулоса қабул қилади.

Давлат сирлари ва уларни ташувчиларни бериш тўғрисидаги таклиф махсус ваколатли давлат органига ташкилотнинг махсус комиссияси хулосаси асосида киритилади.

9. Давлат сирларидан фойдаланувчи ташкилотлар давлат сирлари ва уларни ташувчиларни бериш бўйича таклифни келишиш мақсадида махсус ваколатли давлат органига қуйидаги маълумотларни тақдим этади:

давлат сирлари ва уларни ташувчилар қайси хорижий давлат ёки халқаро ташкилотга берилаётгани;

давлат сирлари ва уларни ташувчиларни бериш мақсади;

берилиши режалаштирилган давлат сирлари ва уларни ташувчилар рўйхати, уларнинг махфийлик грифи, ким томонидан ва қандай асосда махфийлаштирилгани;

давлат сирлари ва уларни ташувчиларни бериш муддати;

давлат сирлари ва уларни ташувчиларни бериш орқали эришиладиган иқтисодий самара ва (ёки) улар ошкор бўлган ҳолларда келиб чиқиши мумкин бўлган зарарни баҳолаш;

ташкилот махсус комиссиясининг давлат сирлари ва уларни ташувчиларни хорижий давлат ёки халқаро ташкилотга бериш мумкинлиги тўғрисидаги хулосаси;

тақдим этилган давлат сирлари ва уларни ташувчиларни ҳимоя қилиш чоралари;

қабул қилувчи томон ўз мажбуриятларини бажармаган тақдирда, етказилган зарарни қоплаш тартиби.

10. Махсус ваколатли давлат органи давлат сирлари ва уларни ташувчиларни бериш мақсадга мувофиқлиги ёки уни рад этиш (рад этиш сабаблари ошкор этилмайди) тўғрисида қарор қабул қилади.

11. Махсус ваколатли давлат органи Ўзбекистон Республикаси манфаат-

ларини ҳисобга олган ҳолда, давлат сирлари ва уларни ташувчиларни бериш мақсадга мувофиқлиги ёки мувофиқ эмаслиги тўғрисидаги қарорни ушбу Низомнинг 9-бандида назарда тутилган маълумотлар олинган кундан бошлаб ўттиз иш куни ичида мурожаат қилган ташкилотга юборади.

Қўшимча ўрганиш талаб этилганда, ушбу муддат ўн беш иш кунигача узайтирилиши мумкин. Бундай ҳолларда махсус ваколатли давлат органи мурожаат қилган давлат сирларидан фойдаланувчи ташкилотни хабардор қилади.

4-боб. Экспертлар комиссияси томонидан давлат сирлари ва уларни ташувчиларни бериш тўғрисидаги таклифни кўриб чиқиш тартиби

12. Давлат сирларидан фойдаланувчи ташкилотлар экспертлар комиссиясига кўриб чиқиш учун қуйидагиларни тақдим этадилар:

махсус ваколатли давлат органининг давлат сирлари ва уларни ташувчиларни бериш мақсадга мувофиқлиги тўғрисидаги хулосаси;

хорижий давлатлар ва халқаро ташкилотларга берилиши назарда тутилган давлат сирлари ва уларнинг ташувчилари тўғрисида маълумот;

давлат сирлари ва уларни ташувчилар берилаётган хорижий давлат ёки халқаро ташкилот билан давлат сирларини ҳимоя қилиш бўйича томонларнинг мажбуриятлари белгиланган халқаро шартнома нусхаси;

давлат сирлари ва уларни ташувчиларни хорижий давлатлар ва халқаро ташкилотларга беришни назарда тутувчи манфаатдор вазирлик ва идоралар билан келишилган Вазирлар Маҳкамасининг фармойиши лойиҳаси.

13. Экспертлар комиссияси давлат сирлари ва уларни ташувчиларни бериш бўйича таклифларни кўриб чиқади ва хулоса қабул қилади.

14. Экспертлар комиссиясининг хулосаси асосида давлат сирлари ва уларни ташувчиларни бериш тўғрисидаги Вазирлар Маҳкамасининг фармойиши белгиланган тартибда қабул қилинади.

15. Давлат сирлари ва уларни ташувчиларни бериш тўғрисидаги Вазирлар Маҳкамасининг фармойиши махсус ваколатли давлат органи ҳамда манфаатдор давлат сирларидан фойдаланувчи ташкилотларга юборилади.

5-боб. Давлат сирлари ва уларни ташувчиларни хорижий давлатлар ва халқаро ташкилотларга бериш тартиби

16. Давлат сирлари ва уларни ташувчилар хорижий давлат ва халқаро ташкилотларга Вазирлар Маҳкамасининг фармойиши асосида берилади.

Бунда давлат сирлари ва уларни ташувчилар халқаро шартномаларга мувофиқ дипломатик каналлар, махсус курьерлик хизмати ва бошқа ҳимояланган алоқа каналлари орқали юборилади (жўнатилади).

Давлат сирлари ва уларни ташувчиларни юборган ташкилот қабул қилувчи томоннинг тегишли ваколатли органлари давлат сирлари ва уларни ташувчиларни олганлиги тўғрисидаги тасдиғини олади.

17. Ўзбекистон Республикасининг халқаро шартномаларида бошқа тар-

тиб назарда тутилмаган бўлса, давлат сирларидан фойдаланувчи ташкилотлар давлат сирлари ва уларни ташувчиларни етказиш усуллари, йўналишлари, кузатиб бориш шакллари ҳамда махфий ҳужжатларни юбориш тартибини белгилайди.

18. Берилаётган давлат сирлари ва уларни ташувчиларни ҳимоя қилиш бўйича қўшимча чора-тадбирлар давлат сирлари ва уларни ташувчиларни қабул қилиш (бериш), сақлаш ва улардан фойдаланиш ваколатига эга ташкилотлар томонидан тузиладиган халқаро шартномаларда назарда тутилиши мумкин.

19. Алоҳида ҳолларда хорижий давлатлар ва халқаро ташкилотларга давлат сирлари ва уларни ташувчилар Ўзбекистон Республикаси Президенти рухсати билан берилиши мумкин.

6-боб. Якунловчи қоидалар

20. Давлат сирларидан фойдаланувчи ташкилотлар ўз фаолиятида мазкур Низом ва давлат сирлари соҳасидаги бошқа қонунчилик ҳужжатлари талабларига қатъий амал қилишлари лозим.

21. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

Вазирлар Маҳкамасининг
2025 йил 10 декабрдаги 777-сон қарорига
6-ИЛОВА

Давлат сирларидан фойдаланишга доир рухсатноманинг амал қилиши тугатилгандан кейин Ўзбекистон Республикаси ҳудудидан ташқарига чиқишга доир чеклов белгилаш ва белгиланган чекловга истиснолар бериш тартиби тўғрисида НИЗОМ

1-боб. Умумий қоидалар

1. Ушбу Низом давлат сирларидан фойдаланишга доир рухсатноманинг амал қилиши тугатилгандан кейин Ўзбекистон Республикаси ҳудудидан ташқарига чиқишга доир чекловларни белгилаш ва уларга бериладиган истиснолар тартибини белгилайди.

2. Ушбу Низомда қуйидаги асосий тушунчалардан фойдаланилади:

давлат сирлари — ошкор этилиши Ўзбекистон Республикасининг хавфсизлигига зарар етказиши мумкин бўлган давлат аҳамиятига эга сирни ва (ёки) хизмат сирини ташкил этадиган, давлат томонидан ҳимоя қилинадиган ва махфийлаштирилиши лозим бўлган маълумотлар рўйхатига киритилган маълумотлар;

давлат сирларидан фойдаланишга доир рухсатнома — давлат сирлари соҳасидаги махсус ваколатли давлат органи томонидан шахсга дав-

лат сирларидан фойдаланиш ҳуқуқи берилганлигини тасдиқлайдиган, белги-ланган тартибда расмийлаштирилган ҳужжат;

давлат сирларидан фойдаланувчи ташкилотлар — давлат сирлари билан боғлиқ фаолиятни амалга оширишга доир рухсатга, шунингдек, давлат сирларини сақлаш ва улардан фойдаланиш учун зарур шарт-шароитларга эга бўлган ҳамда давлат сирлари тўғрисидаги қонунчиликка мувофиқ давлат сирларидан фойдаланадиган давлат органлари ва бошқа ташкилотлар;

махсус комиссия — давлат сирларидан фойдаланувчи ташкилотларнинг ўз тасарруфидаги давлат сирларини кўриб чиқиш ва хулоса бериш учун давлат сирларидан фойдаланишга доир рухсатномага ҳамда зарур билим ва тажрибага эга бўлган ходимларидан ташкил топган гуруҳ;

махфийлик даражаси — давлат сирларини ташкил этувчи маълумотларнинг муҳимлигини ифодаловчи ҳамда уларни ҳимоя қилиш чоралари ва воситаларини белгиловчи тоифа.

2-боб. Давлат сирларидан хабардор бўлган шахсларнинг Ўзбекистон Республикаси ҳудудидан ташқарига чиқишига доир чеклов белгилаш тартиби

3. Давлат сирларидан фойдаланишга доир рухсатноманинг амал қилиши тугатилгандан кейин Ўзбекистон Республикаси ҳудудидан ташқарига чиқишга доир чекловнинг амал қилиш муддати ҳар бир ҳолда шахсга маълум бўлган махфий маълумотларнинг махфийлик даражасига қараб қўйидаги тарзда белгиланади:

«Алоҳида аҳамиятли» грифли махфий маълумотлар учун — кўпи билан уч йил;

«Мутлақо махфий» грифли махфий маълумотлар учун — кўпи билан икки йил;

«Махфий» грифли махфий маълумотлар учун — кўпи билан бир йил.

4. Давлат сирларидан хабардор бўлган шахсларнинг давлат сирларидан фойдаланишга доир рухсатноманинг амал қилиши тугатилиши ёки бекор қилиниши муносабати билан ушбу шахсларга нисбатан Ўзбекистон Республикаси ҳудудидан ташқарига чиқишга доир чекловлар муддати давлат сирларидан фойдаланувчи ташкилотларнинг махсус комиссия томонидан белгиланади.

5. Махсус комиссия давлат сирларидан хабардор бўлган шахснинг давлат сирларидан фойдаланувчи ташкилотдаги фаолияти давомида унга маълум бўлган махфий маълумотларнинг махфийлик даражасига қараб, қонунчиликда белгиланганидан кўп бўлмаган муддатга Ўзбекистон Республикаси ҳудудидан ташқарига чиқишга доир чекловлар муддати юзасидан хулоса беради.

Хулосада қўйидагилар кўрсатилади:

чеклов белгиланаётган шахснинг фамилияси, исми, отасининг исми;

мазкур ташкилотдаги меҳнат фаолияти давомида эгаллаган лавозимлари; давлат сирларига доир рухсатнома шакли;

қайси даражадаги махфийлаштирилган маълумотлар билан танишганлиги;

махсус комиссия томонидан Ўзбекистон Республикаси ҳудудидан ташқа-

рига чиқиш ҳуқуқига доир чеклов муддати (муддатнинг бошланиш ва тугаш санаси);

махфийлаштирилган маълумотларнинг эҳтимолий ошкор бўлиши оқибатлари ва етказилиши мумкин бўлган зарар миқдори.

Хулосани махсус комиссиянинг барча аъзолари имзолайди ва ташкилот раҳбари тасдиқлайди.

6. Давлат сирларидан хабардор бўлган шахс хулоса билан таништирилади унинг Ўзбекистон Республикаси ҳудудидан чиқиш ҳуқуқи чеклангани, чеклов муддатлари ва чекловга амал қилиши лозимлиги тўғрисида огоҳлантирилади ва бу тўғрисида тилхат олинади.

Давлат сирларидан хабардор бўлган шахсга нисбатан Ўзбекистон Республикаси ҳудудидан чиқиш ҳуқуқи чеклангани ҳақидаги хулоса нусхаси давлат сирларидан фойдаланувчи ташкилотлар томонидан Ўзбекистон Республикаси Давлат хавфсизлик хизматига (кейинги ўринларда — махсус ваколатли давлат органи) уч иш кунда тақдим этилади.

7. Хулоса асосида махсус ваколатли давлат органи давлат сирларидан хабардор бўлган шахсларнинг Ўзбекистон Республикаси ҳудудидан чиқиш ҳуқуқини вақтинча чеклаш бўйича масъул давлат органларига ва бошқа ташкилотларга уч иш кунда кўрсатмалар киритади (чеклов муддатини кўрсатган ҳолда).

Ўзбекистон Республикаси ҳудудидан чиқиш ҳуқуқи вақтинча чекланган давлат сирларидан хабардор бўлган шахсларга белгиланган чеклов муддатлари тугагандан сўнг реал вақт режимда автоматик тарзда чекловлар бекор қилинади.

3-боб. Ўзбекистон Республикаси ҳудудидан ташқарига чиқишга доир чекловларга бериладиган истиснолар

8. Ўзбекистон Республикаси ҳудудидан ташқарига чиқишга доир чекловларга қуйидаги истиснолар берилиши мумкин:

хорижий хизмат сафарига чиқиш;

хорижий давлатларда таълим олиш ёки малака ошириш;

ўзи ёки яқин қариндошининг даволанишга муҳтожлиги ёки яқин қариндошини тиббий муолажа олиш учун бошқа яқин қариндошлари ҳамроҳлик қилиш имкони бўлмаган ҳолларда ҳамроҳ сифатида бориш зарурати ва бошқа кечиктириб бўлмайдиган ҳолатлар;

хорижий давлатда доимий ёки вақтинча яшовчи яқин қариндошининг вафоти ёки оғир касаллиги ва бошқа кечиктириб бўлмайдиган ҳолатлар.

9. Чеклов белгиланган шахслар Ўзбекистон Республикаси ҳудудидан чиқиш бўйича мурожаатларини чеклов муддатини белгилаган давлат сирларидан фойдаланувчи ташкилотга тақдим этади.

Махсус комиссия ҳар бир мурожаат бўйича алоҳида қарор қабул қилади.

10. Мурожаатда қуйидагилар кўрсатилиши лозим:

муурожаат қилувчининг фамилияси, исми, отасининг исми;

чиқиш режалаштирилаётган давлат номи;

хорижга чиқиш сабаби, вақти ва бўлиш муддати;

мурожаат қилувчи билан боғланиш маълумотлари (телефон рақами) ва бошқалар.

11. Махсус комиссия Ўзбекистон Республикаси ҳудудидан ташқарига чиқишга доир тақдим этилган ҳужжатларни уч кун ичида ўрганиб чиқиб, Ўзбекистон Республикаси ҳудудидан ташқарига вақтинча чиқишга рухсат бериш ёки рад этиш тўғрисида хулоса қабул қилади.

Хулосада қуйидагилар кўрсатилади:

мурожаат қилувчининг фамилияси, исми, отасининг исми;

давлат сирларига доир рухсатнома шакли;

махсус комиссия томонидан Ўзбекистон Республикаси ҳудудидан ташқарига чиқиш ҳуқуқига доир чеклов муддати (муддатнинг бошланиш ва тугаш санаси);

Ўзбекистон Республикаси ҳудудидан ташқарига вақтинча чиқишига рухсат берилган муддат.

Хулосани махсус комиссиянинг барча аъзолари имзолайди ва ташкилот раҳбари тасдиқлайди.

12. Мурожаат қилувчи хулоса билан таништирилади унинг Ўзбекистон Республикаси ҳудудидан чиқиш ҳуқуқи чекланганлиги, чеклов муддатлари ва чекловга амал қилиши лозимлиги тўғрисида огоҳлантирилади ва бу тўғрисида тилхат олинади.

13. Махсус комиссия уч иш кунда чеклов белгиланган шахсларнинг мурожаати бўйича қабул қилинган хулоса нусхасини махсус ваколатли давлат органига тақдим этади.

4-боб. Яқунловчи қоидалар

14. Давлат сирларидан хабардор бўлган шахсларга нисбатан Ўзбекистон Республикаси ҳудудидан ташқарига чиқиш ҳуқуқига доир чекловлар белгилашига давлат сирларидан фойдаланувчи ташкилотлар раҳбарлари шахсан жавобгардирлар.

15. Ўзбекистон Республикасининг «Давлат сирлари тўғрисида»ги Қонуни кучга киргунга қадар давлат сирларидан хабардор бўлган шахсларнинг Ўзбекистон Республикаси ҳудудидан ташқарига чиқишга доир чеклов муддати тугамаган бўлса, мазкур муддат ушбу шахсларнинг мурожаатига асосан махсус комиссия томонидан белгиланган тартибда қайта кўриб чиқилади.

16. Давлат сирларидан фойдаланувчи ташкилотлар ўз фаолиятида мазкур Низом ва давлат сирлари соҳасидаги бошқа қонунчилик ҳужжатлари талабларига қатъий амал қилишлари лозим.

17. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

Вазирлар Маҳкамасининг
2025 йил 10 декабрдаги 777-сон қарорига
7-ИЛОВА

**Давлат сирларидан фойдаланувчи ташкилотларнинг
биргаликдаги ва бошқа фаолиятини амалга ошириш доирасида
давлат сирларини ташкил этувчи маълумотларни юбориш
тартиби тўғрисида
НИЗОМ**

1-боб. Умумий қоидалар

1. Ушбу Низом давлат сирларидан фойдаланувчи ташкилотларнинг биргаликдаги ва бошқа фаолияти амалга оширилиши доирасида давлат сирларини ташкил этувчи маълумотларни юбориш тартибини белгилайди.

2. Ушбу Низомда қуйидаги асосий тушунчалардан фойдаланилади:

биргаликда юритиладиган фаолият — давлат сирларидан фойдаланувчи ташкилотларнинг шартнома асосида хизмат кўрсатувчи, ишларни бажарувчи ҳамда товарларни етказиб берувчи ташкилотлар (юридик шахслар) билан шартномавий муносабатга киришиши;

буюртмачи — давлат сирларидан фойдаланган ҳолда хизмат кўрсатиш, ишларни бажариш ҳамда товарларни етказиб бериш бўйича буюртма берувчи ташкилотлар (юридик шахслар);

буюртма ижрочиси — давлат сирларини ташкил этувчи маълумотларни ошкор этмаслик тўғрисида битим (шартнома) асосида мажбурият олган хизмат кўрсатувчи, ишларни бажарувчи ҳамда товарларни етказиб берувчи ташкилотлар (юридик шахслар);

давлат сирларидан фойдаланишга доир рухсатнома — давлат сирлари соҳасидаги махсус ваколатли давлат органи томонидан шахсга давлат сирларидан фойдаланиш ҳуқуқи берилганлигини тасдиқлайдиган, белгиланган тартибда расмийлаштирилган ҳужжат;

давлат сирларидан фойдаланувчи ташкилотлар — давлат сирлари билан боғлиқ фаолиятни амалга оширишга доир рухсатга, шунингдек, давлат сирларини сақлаш ва улардан фойдаланиш учун зарур шарт-шароитларга эга бўлган ҳамда давлат сирлари тўғрисидаги қонунчиликка мувофиқ давлат сирларидан фойдаланадиган давлат органлари ва бошқа ташкилотлар.

**2-боб. Давлат сирларидан фойдаланувчи ташкилотларнинг
биргаликдаги фаолияти асослари**

3. Буюртмачи шартнома асосида буюртма ижрочиси билан шартномавий муносабатга киришиш учун қуйидаги шартларни бажариши лозим:

буюртма ижрочиси тўғрисида тўлиқ маълумотларни ташкилот номи, почта манзили, давлат рўйхатидан ўтган рақами, раҳбарининг фамилияси, исми, отасининг исми, иш жойи, лавозими, яшаш манзили, шахсини тасдиқловчи ҳужжат нусхаси давлат сирларидан фойдаланувчи ташкилотга (юқори турув-

чи ташкилотга) тақдим этиб, ундан давлат сирларини фақат зарур бўлган ҳажмда буюртма ижрочисига бериш тўғрисида ёзма рухсат олиш;

буюртма ижрочиси билан давлат сирларини ташкил этувчи маълумотларни ошкор этмаслик тўғрисида битим (шартнома) тузиш;

давлат сирларини ташкил этувчи маълумотлар буюртма ижрочисига шартнома доирасида тақдим этилишини ёзма равишда Ўзбекистон Республикаси Давлат хавфсизлик хизмати (кейинги ўринларда — махсус ваколатли давлат органи) билан келишиш.

4. Давлат сирларини ташкил этувчи маълумотларни буюртма ижрочисига бериш тўғрисида рухсат олиш учун буюртмачи давлат сирларидан фойдаланувчи ташкилотга (юқори турувчи ташкилотга) ёзма сўровнома юборди.

5. Давлат сирларидан фойдаланувчи ташкилотга (юқори турувчи ташкилотга) юбориладиган сўровномага қуйидагилар илова қилинади:

буюртма ижрочиси тўғрисида тўлиқ маълумотлар (ташкилот номи, почта манзили, давлат рўйхатидан ўтган рақами, раҳбарининг фамилияси, исми, отасининг исми, иш жойи, лавозими, яшаш манзили, шахсини тасдиқловчи ҳужжат нусхаси);

шартнома асосида тақдим этилиши режалаштирилаётган давлат сирларини ташкил этувчи маълумотлар (ахборот ташувчилар номлари, махфийлик даражаси, ҳисобга олиш рақами, нусхалар рақами, варақлар сони);

давлат сирларини ташкил этувчи маълумотларни буюртма ижрочисига тақдим этиш заруратини асослантирувчи хулоса;

махсус ваколатли давлат органи томонидан берилган давлат сирлари билан боғлиқ фаолиятни амалга ошириш учун рухсатнинг мавжудлиги ва (ёки) буюртма ижрочиси мансабдор шахсининг давлат сирларидан фойдаланишга доир рухсатномаси мавжудлиги тўғрисидаги маълумотлар (рақами ва санаси);

буюртма ижрочиси билан давлат сирларини ташкил этувчи маълумотларни ошкор этмаслик тўғрисида тузиладиган битим (шартнома) нусхаси;

буюртмачи ва буюртма ижрочиси ўртасида тузиладиган шартнома лойиҳаси.

6. Давлат сирларидан фойдаланувчи ташкилот (юқори турувчи ташкилот) буюртмачининг сўровномаси келиб тушган кундан бошлаб ўн иш кунда кўриб чиқиб, раҳбар имзоси билан буюртма ижрочисига давлат сирларини ташкил этувчи маълумотларни бериш ёки бермаслик тўғрисидаги асослантирилган ёзма жавобни тақдим этади.

3-боб. Биргаликдаги ва бошқа фаолиятни амалга ошириш тартиби

7. Буюртмачи ва буюртма ижрочиси ўртасида тузиладиган шартномада Ўзбекистон Республикасининг қонунчилигига мувофиқ қуйидаги масалалар тартибга солиниши зарур:

ишларни бажариш жараёнида ва улар яқунлангандан сўнг давлат сирларини ташкил этувчи маълумотларнинг сақланишини таъминлаш бўйича бу-

юртмачининг назорат функцияси ҳамда буюртма ижрочисининг мажбурияти ва жавобгарлиги;

махсус ваколатли давлат органи томонидан берилган давлат сирларининг ташкил этувчи маълумотлар билан боғлиқ фаолиятни амалга ошириш учун рухсатнинг мавжудлиги ва (ёки) буюртма ижрочиси мансабдор шахсининг давлат сирларидан фойдаланишга доир рухсатномаси мавжудлиги тўғрисидаги маълумотлар (рақами ва санаси).

Шартномага тақдим этилиши режалаштирилаётган давлат сирларини ташкил этувчи маълумотлар рўйхати (хужжат ва унинг ташувчилари номланиши, махфийлик даражаси, нусхалар рақами, варақлар сони) илова қилинади.

8. Буюртмачига тегишли бўлган ва давлат сирлари жумласига киритилган химояланган ахборот тизимларига хизмат кўрсатиш шартнома предмети ташкил этган тақдирда, хизмат кўрсатиладиган ахборот тизимларида давлат сирларига тааллуқли айланма маълумотларнинг қисқача тавсифи кўрсатилган маълумотнома тузилади.

Шартнома тузиш ва унинг бажарилишини назорат қилиш буюртмачи ва буюртма ижрочиси раҳбарлари томонидан амалга оширилади.

9. Давлат сирларидан фойдаланувчи ташкилот (юқори турувчи ташкилот) ва махсус ваколатли давлат органидан ёзма рухсатнома олмасдан шартнома тузиш ва давлат сирларини ташкил этувчи маълумотларни тақдим этиш тақиқланади.

4-боб. Биргаликдаги ва бошқа фаолиятни амалга ошириш давомида буюртмачи ва буюртма ижрочисига қўйиладиган талаблар

10. Биргаликда юритиладиган фаолиятни амалга оширишда давлат сирларининг муҳофаза қилиниши устидан назоратни ташкил этиш тарафлар томонидан тузилган шартнома талабларига мувофиқ ушбу ишлар буюртмачисига юкланади.

11. Буюртма ижрочиси биргаликда юритиладиган фаолиятни амалга ошириш даврида давлат сирларини химоя қилиш бўйича ўз зиммасига олган мажбуриятларни бузган тақдирда, буюртмачи ушбу қоидабузарликлар барта раф этилгунга қадар буюртма бажарилишини тўхтатиши ҳамда айбдор шахсларни қонунчиликда белгиланган тартибда жавобгарликка тортиш бўйича муурожаат қилиши шарт.

Бунда буюртмачи буюртма ижрочисидан етказилган моддий зарарни қонунчилик хужжатларига мувофиқ ундиради.

12. Буюртмачининг функциялари ва мулкчилик шакли ўзгарганда (қайта ташкил этилганда ёки тугатилганда), унинг ҳуқуқий вориси давлат сирларидан фойдаланган ҳолда ишларни амалга ошириш ваколатига эга бўлса, буюртмачининг ҳуқуқий вориси ва буюртма ижрочиси ўртасида қўшимча шартнома тузилади.

Мазкур қўшимча шартнома тузилиши давлат сирларидан фойдаланувчи

ташкилот (юқори турувчи ташкилот) ва махсус ваколатли давлат органи билан келишилиши лозим.

13. Буюртма ижрочисининг функциялари ва мулкчилик шакли ўзгарганда, буюртмачи буюртма ижрочиси билан ҳамкорликда давлат сирлари ва уларни ташувчилар ҳимоя қилинишини таъминлаш чораларини кўрадилар.

Бунда биргаликдаги махфий ишларни амалга ошириш шартномаси доирасида буюртма ижрочисига берилган давлат сирларини ташкил этувчи маълумотлар буюртмачига қайтарилади.

14. Махсус ваколатли давлат органи томонидан берилган давлат сирлари билан боғлиқ фаолиятни амалга ошириш учун рухсат ва (ёки) мансабдор шахсга давлат сирларидан фойдаланишга доир рухсатномани расмийлаштирилмасдан буюртма ижрочисига давлат сирларини ташкил этувчи маълумотларни бериш тақиқланади.

5-боб. Яқунловчи қоидалар

15. Буюртмачи ва буюртма ижрочиси ўз фаолиятида мазкур Низом ва давлат сирлари соҳасидаги бошқа қонунчилик ҳужжатлари талабларига қатъий амал қилишлари лозим.

16. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

Вазирлар Маҳкамасининг
2025 йил 10 декабрдаги 777-сон қарорига
8-ИЛОВА

**Давлат сирларидан фойдаланувчи ташкилотларнинг
мулкчилик шакли ва фаолияти йўналишлари ўзгарганда
давлат сирларини ҳимоя қилиш тартиби тўғрисида
НИЗОМ**

1-боб. Умумий қоидалар

1. Ушбу Низом давлат сирларидан фойдаланувчи ташкилотларнинг мулкчилик шакли ва фаолияти йўналишлари ўзгарганда давлат сирларини ҳимоя қилиш тартибини белгилайди.

2. Ушбу Низомда қуйидаги асосий тушунчалардан фойдаланилади:

давлат сирлари — ошкор этилиши Ўзбекистон Республикасининг хавфсизлигига зарар етказиши мумкин бўлган давлат аҳамиятига эга сирни ва (ёки) хизмат сирини ташкил этадиган, давлат томонидан ҳимоя қилинадиган ва махфийлаштирилиши лозим бўлган маълумотлар рўйхатига киритилган маълумотлар;

давлат сирларини ташувчилар — давлат сирларини ташкил этувчи маълумотларни аниқлаш ва идентификациялаш имконини берадиган рамзлар, белгилар, тасвирлар, сигналлар, техник ечимлар ва жараёнлар тарзида акс эттирилган моддий объектлар, шу жумладан, физик майдон;

давлат сирларидан фойдаланишга доир рухсатнома — давлат сирлари соҳасидаги махсус ваколатли давлат органи томонидан шахсга давлат сирларидан фойдаланиш ҳуқуқи берилганлигини тасдиқлайдиган, белгиланган тартибда расмийлаштирилган ҳужжат;

давлат сирларидан фойдаланувчи ташкилотлар — давлат сирлари билан боғлиқ фаолиятни амалга оширишга доир рухсатга, шунингдек, давлат сирларини сақлаш ва улардан фойдаланиш учун зарур шарт-шароитларга эга бўлган ҳамда давлат сирлари тўғрисидаги қонунчиликка мувофиқ давлат сирларидан фойдаланадиган давлат органлари ва бошқа ташкилотлар;

махсус комиссия — давлат сирларидан фойдаланувчи ташкилотларнинг ўз тасарруфидаги давлат сирларини кўриб чиқиш ва хулоса бериш учун давлат сирларидан фойдаланишга доир рухсатномага ҳамда зарур билим ва тажрибага эга бўлган ходимларидан ташкил топган гуруҳ;

махфий-режим органи — давлат сирларидан фойдаланувчи ташкилотнинг махфий иш юритилиши устидан назоратни ва махфийлик режимининг таъминланишини амалга оширувчи таркибий бўлинмаси ёки мансабдор шахси.

**2-боб. Давлат сирлари ва уларни ташувчиларнинг
мавжудлигини текшириш тартиби**

3. Давлат сирларидан фойдаланувчи ташкилотлар мулкчилик шакли ва фаолият йўналишлари ўзгарганда (давлат сирларидан фойдаланиш билан

боғлиқ ишлар тўхтатиб турилганда ёки тугатилганда), юқори турувчи ташкилот раҳбарининг буйруғи (топшириғи) билан махфийлик режими ва махфий ишларнинг ҳолатини ўрганиш бўйича тегишли шаклдаги давлат сирларидан фойдаланишга доир рухсатномага эга бўлган, уч кишидан кам бўлмаган таркибда комиссия аъзолари тайинланади.

Комиссия таркибига ташкилотнинг давлат сирини ташкил этувчи ҳужжатларнинг илмий-тарихий ва амалий аҳамиятини баҳолай оладиган ходимлар киритилади.

Комиссия давлат сирини ташкил этувчи ҳужжатларнинг мавжудлигини текшириш, махфий ҳужжатларни тартибга келтириш, йўқ қилиш, иш юритилишини яқунлаш ва махфийликдан чиқариш режасини тайёрлайди.

Режани комиссия раиси имзолайди ва ташкилот раҳбари тасдиқлайди.

Давлат сирини ташкил этувчи ҳужжатларни текшириш натижалари далолатнома билан расмийлаштирилади.

4. Давлат сирини ташкил этувчи ҳужжатларнинг мавжудлигини текшириш ва махфий ёзишмаларни тугатиш далолатномасида қуйидагилар кўрсатилади:

комиссия таркиби;

текширишни ўтказиш учун асослар (комиссияни тайинлаш тўғрисидаги буйруқ) ва текширишни ўтказиш муддати;

давлат сирлари ва уларни ташувчиларни топшираётган ва қабул қилаётган ташкилот номи;

махфий иш юритиш ва махфийлик режимини таъминлаш ҳолатининг қисқача тавсифи, шу жумладан, давлат сирини ташкил этувчи ҳужжатлар билан ишлаш тартиби;

текшириш даврида ҳисобга олинган давлат сирлари ва уларни ташувчиларнинг рўйхатдан ўтган ҳисоби;

текширув давомида тақдим этилмаган давлат сирлари ва уларни ташувчилар сони ва рўйхатга олиш рақамлари, уларнинг йўқлиги сабаблари, уларни текширувга қадар олган ходимлар тўғрисида маълумот;

текширув натижалари бўйича хулосалар, таклифлар ва аниқланган қоидабузарликларни бартараф этиш чоралари.

5. Давлат сирлари ва уларни ташувчиларнинг мавжудлигини текшириш тўғрисидаги далолатномани комиссия аъзолари имзолайди ва ташкилот раҳбари тасдиқлайди.

6. Давлат сирлари ва уларни ташувчилар йўқолганлиги (етишмаслиги) аниқланса, дарҳол ташкилот раҳбарига хабар берилади ва Ўзбекистон Республикаси Давлат хавфсизлик хизматига (кейинги ўринларда — махсус ваколатли давлат органи) ёзма равишда хабардор қилинади.

Ташкилот раҳбари текширув давомида аниқланган камчиликларни бартараф этиш учун ўз ваколати доирасида чора-тадбирларни ишлаб чиқиши шарт.

3-боб. Давлат сирлари ва уларни ташувчиларни топшириш ҳамда қабул қилиш тартиби

7. Давлат сирларидан фойдаланувчи ташкилотлар мулкчилик шакли ёки

фаолияти йўналишлари ўзгарганда (давлат сирларидан фойдаланиш билан боғлиқ ишлар тўхтатиб турилганда ёки тугатилганда), давлат сирлари ва уларни ташувчиларни белгиланган тартибда химоя қилиш ва топшириш бўйича чоралар кўриши лозим.

8. Давлат сирларидан фойдаланувчи ташкилотлар томонидан мулкчилик шакли ва фаолияти йўналишлари ўзгарган (давлат сирларидан фойдаланиш билан боғлиқ ишлар тўхтатиб турилганда ёки тугатилганда) тақдирда, ташкилот раҳбари давлат сирлари ва уларни ташувчилардан кейинчалик фойдаланиш тўғрисида қарор қабул қилади ҳамда уларнинг сақланишига (химоясига) шахсан жавобгар бўлади.

9. Давлат сирларидан фойдаланувчи ташкилотлар қайта ташкил этилаётганда, ташкилотларнинг махфийлаштирилган ҳужжатлари тегишли давлат архивлари билан келишилган ҳолда, уларнинг ушбу ваколатни бажариш ҳуқуқига эга бўлган ҳуқуқий ворисларига топширилади.

10. Давлат сирлари ва уларни ташувчиларнинг белгиланган тартибда топширилгани ҳақидаги рўйхатлар давлат сирларини ташкил этувчи маълумотларни қабул қилиш ва топшириш далолатномасига илова қилинади.

11. Тарихий ва илмий аҳамиятга эга бўлмаган, шунингдек, амалий заруратни йўқотган ҳамда сақлаш муддати тугаган давлат сирлари ва уларни ташувчилар белгиланган тартибда йўқ қилиниши мумкин.

12. Давлат сирлари ва уларни ташувчилар қонунчилик ҳужжатларига мувофиқ топширилади, қабул қилинади ва йўқ қилинади.

13. Давлат сирлари ва уларни ташувчиларни саралаб олиш, доимий сақлаш учун топширишга тайёрлаш ва топшириш, шунингдек, уларни тартибга келтириш ва ташиш билан боғлиқ барча ишлар ушбу ҳужжатларни топширувчи ташкилотнинг ҳисобидан амалга оширилади.

14. Давлат сирларидан фойдаланувчи ташкилотлар ўз тасарруфидаги давлат сирлари ва уларни ташувчилар йўқ қилингани (сақлаш учун архивга ёки ҳуқуқий ворисига ёхуд тегишли ахборотни тасарруф этувчи ташкилотга топширилгани) тўғрисида махсус ваколатли давлат органи беш иш кунда хабар бериши лозим.

4-боб. Ташкилотни тугатиш пайтида давлат сирлари ва уларни ташувчиларни сақлашга бериш (йўқ қилиш) тартиби

15. Ташкилот раҳбари ташкилотнинг тугатилиши тўғрисида қарор қабул қилгандан сўнг махфий-режим органи ходими ўзидан юқори турувчи органга (мавжуд бўлса) ва махсус ваколатли давлат органига ёзма хабарнома кирилади.

16. Тугатилаётган ташкилот махфий-режим органи юқори турувчи ташкилотнинг махфий-режим органи билан келишилган ҳолда, ушбу ташкилотда мавжуд давлат сирлари ва уларни ташувчиларни текшириш тадбирларини ўтказилади.

Текширув тадбирлари қонунчиликда ва ушбу Низомда белгиланган талабларга мувофиқ ўтказилади.

Давлат сирлари ва уларни ташувчиларнинг мавжудлигини текшириш

хужжатлари йиғмажилдларга махфийлик грифларини ҳисобга олган ҳолда тикилади ва давлат архивига топширилади.

Текшириш натижалари бўйича тузилган далолатномага давлат сирлари ва уларни ташувчиларнинг топширилгани ҳақидаги давлат архиви томонидан берилган маълумотнома илова қилинади.

17. Ташкилот тугатилаётганда унинг функциялари тўлиқ ёки қисман бошқа ташкилотга ўтказилганда, давлат сирлари ва уларни ташувчилар ташкилот раҳбари томонидан тасдиқланган далолатномага мувофиқ қабул қилувчи ташкилотга ўтказилади.

18. Тугатилаётган ташкилотнинг функциялари бир нечта ташкилотларга топширилаётган бўлса, давлат сирлари ва уларни ташувчилар белгиланган тартибда йўналиши бўйича ўтказилади.

5-боб. Ташкилотларнинг мулкчилик шакли ўзгарганда, давлат сирлари ва уларни ташувчиларни сақлашга топшириш (йўқ қилиш) тартиби

19. Мулкчилик шакли ўзгарган ташкилот раҳбари етти иш кунида давлат сирлари ва уларни ташувчилардан фойдаланиш билан боғлиқ ишларни амалга ошириш учун махсус ваколатли давлат органини хабардор қилиши лозим.

20. Тўловга қобилиятсиз деб топилган ташкилот фаолияти тўхтатилаётганда ёки тугатилаётганда, давлат сирлари ва уларни ташувчиларнинг мавжудлигини тўлиқ текшириш ва қонунчиликда белгиланган тартибда махфий-режим органини тугатиш чораларини кўради.

21. Ташкилот давлат тасарруфидан чиқарилган ва хусусийлаштирилган тақдирда, уларнинг архив хужжатлари давлат мулки эғалигида қолади ва белгиланган тартибда давлат архивларига топширилади.

22. Мулкчилик шакли ўзгарган ташкилот раҳбари (ҳуқуқий вориси) давлат сирлари ва уларни ташувчилар тегишлилиги бўйича юқори турувчи ташкилотлар ва давлат архивига топширилиши учун жавобгар ҳисобланади.

6-боб. Яқунловчи қоидалар

23. Давлат сирларидан фойдаланувчи ташкилотлар ўз фаолиятида мазкур Низом ва давлат сирлари соҳасидаги бошқа қонунчилик хужжатлари талабларига қатъий амал қилишлари лозим.

24. Ушбу Низом қоидалари бузилишида айбдор бўлган шахслар қонунчилик хужжатларида белгиланган тартибда жавоб берадилар.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

781 Экоҳудудларда туристик сўқмоқларни ташкил қилиш ва улардан фойдаланиш тартиби тўғрисидаги низомни тасдиқлаш ҳақида*

Ўзбекистон Республикаси Президентининг «Ўзбекистон Республикасида экологик туризмни жадал ривожлантириш чора-тадбирлари тўғрисида» 2024 йил 12 январдаги ПК–21-сон қарори ижросини таъминлаш ҳамда мамлакатимизнинг мавжуд ресурсларидан оқилона фойдаланиш орқали эко-туризмни янада ривожлантириш мақсадида Вазирлар Маҳкамаси **қарор қилади:**

1. Қуйидагиларни назарда тутувчи Экоҳудудларда туристик сўқмоқларни ташкил қилиш ва улардан фойдаланиш тартиби тўғрисидаги низом иловага мувофиқ тасдиқлансин:

туристик сўқмоқларни ташкил қилиш ва уларнинг реестрини юритиш тартиби;

туристик сўқмоқларни сақлаш ва улардан фойдаланиш тартиби;

туристик сўқмоқларнинг йўналишларини ишлаб чиқиш ва уларни Интернет жаҳон ахборот тармоғида жойлаштириш тартиби.

2. Ўзбекистон Республикаси Туризм қўмитаси уч ой муддатда:

туристик сўқмоқлар ташкил қилинадиган ҳудудлар рўйхатини шакллантирсин ҳамда улар бўйлаб барпо этиладиган селфи зоналари, кемпинг, дам олиш ва хизмат кўрсатиш объектлари жойлашувини белгиласин;

Ўзбекистон Миллий телерадиокомпанияси ҳамда Ўзбекистон Миллий ахборот агентлиги, оммавий ахборот воситалари билан биргаликда ушбу қарорнинг мазмун-моҳияти оммавий ахборот воситалари, шу жумладан, Интернет жаҳон ахборот тармоғи ва ижтимоий тармоқлар орқали кенг жамоатчиликка тушунтирилишини таъминласин.

3. Ушбу қарорнинг бажарилишини назорат қилиш Ўзбекистон Республикаси Туризм қўмитаси раиси зиммасига юклансин.

Ўзбекистон Республикасининг

Бош вазири

А. АРИПОВ

Тошкент ш.,
2025 йил 10 декабрь,
778-сон

* Ушбу қарор «Қонунчилик маълумотлари миллий базаси»да 2025 йил 10 декабрда эълон қилинган.

Вазирлар Маҳкамасининг
2025 йил 10 декабрдаги 778-сон қарорига
ИЛОВА

Экохудудларда туристик сўқмоқларни ташкил қилиш ва улардан фойдаланиш тартиби тўғрисида НИЗОМ

1-боб. Умумий қоидалар

1. Ушбу Низом давлат қўриқхоналарининг буфер зоналари, миллий табиат боғлари, питомниклар (қўриқхонага айлантирилган зоналар бундан мустасно), ўрмон ва ўрмон-ов хўжаликлари, тоғли ва чўл ҳудудлар ҳамда сув объектларининг сувни муҳофаза қилиш зоналарида (кейинги ўринларда — экохудудлар) туристик сўқмоқларни ташкил қилиш ва улардан фойдаланиш тартибини белгилайди.

2. Ушбу Низомда қуйидаги тушунчалар қўлланилади:

балансда сақловчи — экохудудлардан мулк ва ижара ҳуқуқи асосида фойдаланувчи жисмоний ёки юридик шахс;

ваколатли орган — Ўзбекистон Республикаси Туризм қўмитаси;

ташриф буюрувчи — туристик сўқмоқда дам олиш, сайр қилиш, соғломлаштириш ҳамда табиат билан танишиш мақсадида ҳаракатланувчи сайёҳ;

туристик сўқмоқ — экохудудларда пиёда, шунингдек, от, велосипед, чанғи ва бошқа воситаларда (автомототранспорт воситаларидан ташқари) дам олиш, сайр қилиш, соғломлаштириш ҳамда табиат билан танишиш учун ҳаракатланишга мўлжалланган, эни 1 метр ва узунлиги 1 километрдан кам бўлмаган йўлак;

туристик сўқмоқ паспорти — туристик сўқмоқни ташкил этиш ва бошқаришга оид маълумотлар қайд этилган ҳамда ваколатли орган томонидан расмийлаштириладиган ҳужжат;

туристик сўқмоқни бошқариш — ташриф буюрувчиларнинг хавфсиз, эркин ҳаракатланиши учун шарт-шароитлар яратиш, туристик сўқмоқ ва унга туташ ҳудуддаги объектларни сақлаш, хизмат кўрсатиш ва атроф-муҳитни асраш билан боғлиқ фаолият;

Туристик сўқмоқларнинг ягона реестри — ваколатли орган томонидан юритиладиган туристик сўқмоқлар тўғрисидаги очиқ ахборот ресурси.

3. Туристик сўқмоқнинг йўналиши ёнғин ва техника хавфсизлиги ҳамда санитария қоидалари, нормалари ва гигиена нормативларини инобатга олган ҳолда белгиланади.

4. Туристик сўқмоқни ташкил қилиш ва сақлаш билан боғлиқ харажатлар балансда сақловчининг маблағлари ҳисобидан молиялаштирилади.

5. Туристик сўқмоқларда ҳаракатланганлик учун ташриф буюрувчилардан тўлов ундирилмайди, балансда сақловчи томонидан экохудудларга кириш учун жорий қилинган алоҳида тўловлар бундан мустасно.

6. Туристик сўқмоқ ушбу Низомга 1-иловага* мувофиқ схема асосида ташкил қилинади.

2-боб. Туристик сўқмоқларни ташкил қилиш ва Туристик сўқмоқларнинг ягона реестрини юритиш тартиби

7. Балансда сақловчи туристик сўқмоқни ташкил қилиш учун тегишлилиги бўйича ваколатли органнинг ҳудудий бўлинмасига (кейинги ўринларда — ҳудудий бўлинма) ёзма ёки электрон шаклда ариза билан мурожаат қилади.

Аризага ушбу Низомга 2-иловага* мувофиқ шаклда туристик сўқмоқ тўғрисида маълумотнома, харитаси, фото ва видео тасвирлар электрон шаклда илова қилинади.

Бунда экоҳудуднинг балансда сақловчига тегишли эканлигини тасдиқловчи ҳужжатлар (мулк ёки ижара асосида фойдаланиш) ҳудудий бўлинма томонидан «Рақамли ҳукумат» тизими идоралараро интеграциялашув платформи орқали мустақил равишда Ўзбекистон Республикаси Солиқ қўмитаси ва Урбанизация ва уй-жой бозорини барқарор ривожлантириш миллий қўмитаси ҳузуридаги Кадастр агентлигидан олинади.

Балансда сақловчидан ушбу бандда кўрсатилмаган бошқа ҳужжатлар ва маълумотларни талаб қилишга йўл қўйилмайди.

8. Ҳудудий бўлинма ариза келиб тушган кундан бошлаб ўн иш куни ичида уни кўриб чиқади. Бунда ушбу муддат туристик сўқмоқнинг географик жойлашуви ва об-ҳавонинг ноқулайлигидан келиб чиқиб, ваколатли органнинг рухсати билан ўн иш кунигача узайтирилиши мумкин.

Агар ушбу Низомнинг 7-банди иккинчи хатбошисидида кўрсатилган ҳужжатлар ва маълумотлар аризага тўлиқ илова қилинмаган тақдирда, ҳудудий бўлинма томонидан ариза келиб тушган кундан бошлаб икки иш куни ичида уни кўриб чиқишни рад этиш тўғрисида балансда сақловчига ёзма ёки электрон шаклда хабарнома юборилади.

9. Ҳудудий бўлинма туристик сўқмоқнинг ҳақиқатда экоҳудудда жойлашганлигини ҳамда ушбу Низомнинг 3-бандида белгиланган талабларга жавоб беришини жойига чиққан ҳолда ўрганиб чиқиб, натижаси бўйича икки нусхада далолатнома тузади ҳамда унинг бир нусхасини балансда сақловчига тақдим этади. Бунда далолатномага фото ва видео тасвирлар илова қилинади.

Далолатнома шакли ҳамда фото ва видео тасвирларга қўйиладиган талаблар ваколатли орган томонидан тасдиқланади.

Ҳудудий бўлинма аризани кўриб чиқишда вазирлик ва идораларнинг ҳудудий бўлинмалари вакилларини ҳам жалб қилиши мумкин.

10. Далолатномада туристик сўқмоқ ҳақиқатда экоҳудудда жойлашгани ҳамда ушбу Низомнинг 3-бандида белгиланган талабларга жавоб бериши қайд этилган тақдирда, ҳудудий бўлинма бир иш куни ичида уни Туристик сўқмоқларнинг ягона реестрига киритиш учун балансда сақловчи томонидан

* 1-2-иловалар «Қонунчилик маълумотлари миллий базаси»да эълон қилинган.

ушбу Низомнинг 7-бандига мувофиқ тақдим этилган ариза, унга иловалар, далолатнома ҳамда унга оид материалларни кўриб чиқиш учун ваколатли органга юборади.

11. Худудий бўлинма қуйидаги ҳолларда туристик сўқмоқни ташкил этишни рад этади:

экохудудда жойлашмаган бўлса;

ушбу Низомнинг 3-бандида белгиланган талабларга жавоб бермаганда;

ариза ва унга илова қилинган ҳужжатлардаги маълумотлар нотўғри ёки ёлғон бўлганда;

балансда сақловчи далолатномани имзолашдан бош тортганда.

Туристтик сўқмоқни ташкил этишни бошқа асосларга кўра рад этишга йўл қўйилмайди.

12. Худудий бўлинма томонидан туристик сўқмоқни ташкил этиш рад этилган тақдирда, балансда сақловчи камчиликларни бартараф этиб, ушбу бобда белгиланган тартибда қайта мурожаат қилиши мумкин.

13. Ваколатли орган худудий бўлинма томонидан юборилган ҳужжатларни икки иш куни ичида кўриб чиқиб, туристик сўқмоқни ушбу Низомга 3-иловага* мувофиқ шаклдаги Туристтик сўқмоқларнинг ягона реестрига киритади.

Туристтик сўқмоқларнинг ягона реестрига киритилган туристик сўқмоқлар ташкил этилган ҳисобланади.

14. Ваколатли орган шу куннинг ўзида туристик сўқмоқ Туристтик сўқмоқларнинг ягона реестрига киритилгани тўғрисида балансда сақловчига ёзма ёки электрон шаклда хабарнома юборади.

15. Балансда сақловчи туристик сўқмоқ харитаси ва йўналишлари ўзгарган тақдирда, бир иш куни ичида ушбу Низомнинг 7-банди иккинчи хатбошисида кўрсатилган ҳужжатлар ва маълумотларни илова қилган ҳолда, худудий бўлинмага ёзма ёки электрон шаклда хабарнома юборади.

Худудий бўлинма ушбу Низомнинг 9-10-бандларида белгиланган тартибда маълумотларнинг тўғрилигини ўрганиб чиқади ва ўрганиш натижалари тўғрисида ваколатли органни ёзма ёки электрон шаклда хабардор қилади.

Ваколатли орган бир иш куни ичида ушбу маълумотлар асосида Туристтик сўқмоқларнинг ягона реестрига тегишли ўзгартиришлар киритади.

16. Туристтик сўқмоқларнинг ягона реестри «Табиатга саёҳат» электрон платформаси ҳамда ваколатли органнинг расмий веб-сайтида жойлаштирилади.

17. Ваколатли орган туристик сўқмоқ Туристтик сўқмоқларнинг ягона реестрига киритилган кундан бошлаб ўн беш кун ичида унинг йўналишларини табиий шароити ва географик жойлашувидан келиб чиққан ҳолда, барча дастурий таъминот ҳамда мобил қурилмаларга мос форматда ишлаб чиқади, уларни Интернет жаҳон ахборот тармоғида жойлаштирилади.

3-боб. Туристтик сўқмоқларни сақлаш ва улардан фойдаланиш тартиби

18. Балансда сақловчи туристик сўқмоқ Туристтик сўқмоқларнинг ягона

* 3-илова «Қонунчилик маълумотлари миллий базаси»да эълон қилинган.

на реестрига киритилган кундан бошлаб бир ой муддат ичида унинг кириш нуқтасида паспорти ва харитасини, шунингдек, туристик сўқмоқ бўйлаб ушбу соҳага оид давлат стандартида белгиланган тартибда йўл кўрсаткичлари ва навигация тахталарига (йўналишни аниқлаш постерлари) чизилган ҳамда тарқатма-ахборот материалларида жойлаштирилган ахборот белгиларини ўрнатади.

19. Туристтик сўқмоқ бўйлаб енгил конструкцияли иншоотлар ва хизмат кўрсатиш объектлари жойлаштирилиши мумкин.

Туристтик сўқмоқ чиқинди қутилари ва санитария-гигиена шохобчалари, заруратга кўра кўприк, тўсиқли ёки тўсиқсиз траплар, зинапоялар, таянч деворлар билан жиҳозланади.

20. Балансда сақловчи туристик сўқмоққа туташ ҳудудлардаги ўзига тегишли ер участкаларини инфратузилма ва хизмат кўрсатиш объектларини жойлаштириш учун белгиланган тартибда ижарага бериши мумкин.

21. Балансда сақловчи ташриф буюрувчиларга гид-экскурсовод, йўриқчи ва отда сайр қилиш каби қўшимча пулли хизматларни таклиф қилиши мумкин.

22. Ташриф буюрувчи туристик сўқмоқда унинг харитасида белгиланган тартибда ва йўналишда ҳаракатланиши, шунингдек, ёнғин ва техника хавфсизлиги ҳамда санитария қоидалари, нормалари ва гигиена нормативларига қатъий риоя қилиши лозим.

23. Ташриф буюрувчи туристик сўқмоқда ҳаракатланиши давомида табиат ва ҳайвонот дунёсини кузатиши, уларни фото ва видео тасвирга олиши, туристик сўқмоқ тўғрисидаги маълумотларни Интернет жаҳон ахборот тармоғида жойлаштириши мумкин.

24. Ташриф буюрувчи томонидан ҳаракатланиш давомида атроф-муҳит ҳамда туристик сўқмоқ ва унинг атрофида жойлашган инфратузилмаларга зарар етказилган тақдирда, балансда сақловчи қонунчилик ҳужжатларида белгиланган тартибда зарарни ундириш чораларини кўради.

4-боб. Яқунловчи қоида

25. Ушбу Низом талабларининг бузилишида айбдор бўлган шахслар қонунчилик ҳужжатларида белгиланган тартибда жавоб беради.

БЕШИНЧИ БЎЛИМ**О‘ЗБЕКISTON RESPUBLIKASI ADLIYA VAZIRINING
BUYRUG‘I****782 Notariuslikka talabgorlar uchun Adliya vazirligi huzuridagi
Yuridik kadrlarni qayta tayyorlash va malakasini oshirish
institutida majburiy o‘quv kurslarini tashkil etish tartibi to‘g‘risidagi
nizomni tasdiqlash haqida***

*O‘zbekiston Respublikasi Adliya vazirligi tomonidan 2025-yil
9-dekabrda ro‘yxatdan o‘tkazildi, ro‘yxat raqami 3721*

O‘zbekiston Respublikasining “Notariat to‘g‘risida”gi Qonuni, O‘zbekiston Respublikasi Prezidentining 2018-yil 13-apreldagi PQ–3666-son “O‘zbekiston Respublikasi Adliya vazirligi faoliyatini yanada takomillashtirishga doir tashkiliy chora-tadbirlar to‘g‘risida”gi va 2025-yil 9-sentabrdagi PQ–280-son “Notariat institutini yanada rivojlantirish hamda sohaga zamonaviy axborot-kommunikatsiya texnologiyalarini keng joriy etishga oid qo‘shimcha chora-tadbirlar to‘g‘risida”gi qarorlari hamda O‘zbekiston Respublikasi Vazirlar Mahkamasining 2025-yil 19-martdagi 171-son “O‘zbekiston Respublikasi Adliya vazirligi huzuridagi Yuridik kadrlarni qayta tayyorlash va malakasini oshirish instituti faoliyatini tashkil etish chora-tadbirlari to‘g‘risida”gi qaroriga muvofiq **buyuraman:**

1. Notariuslikka talabgorlar uchun Adliya vazirligi huzuridagi Yuridik kadrlarni qayta tayyorlash va malakasini oshirish institutida majburiy o‘quv kurslarini tashkil etish tartibi to‘g‘risidagi nizom ilovaga muvofiq tasdiqlansin.
2. Mazkur buyruq O‘zbekiston Respublikasi Notarial palatasi bilan kelishilgan.
3. Mazkur buyruq 2026-yil 1-apreldan boshlab kuchga kiradi.

Vazir**A. TASHKULOV**

Toshkent sh.,
2025-yil 6-dekabr,
27-mh-son

Kelishildi:

Notarial palata raisi**D. ASHUROV**

2025-yil 17-noyabr

* Ushbu buyruq «Qonunchilik ma‘lumotlari milliy bazasi»da 2025-yil 9-dekabrda e‘lon qilingan.

O'zbekiston Respublikasi
adliya vazirining 2025-yil 6-dekabrda
27-mh-son buyrug'iga
ILOVA

Notariuslikka talabgorlar uchun Adliya vazirligi huzuridagi Yuridik kadrlarni qayta tayyorlash va malakasini oshirish institutida majburiy o'quv kurslarini tashkil etish tartibi to'g'risidagi NIZOM

Mazkur Nizom notariuslikka talabgorlar (bundan buyon matnda talabgorlar deb yuritiladi) uchun Adliya vazirligi huzuridagi Yuridik kadrlarni qayta tayyorlash va malakasini oshirish institutida (bundan buyon matnda Institut deb yuritiladi) maxsus tayyorlash o'quv kurslarini tashkil etish tartibini belgilaydi.

1-bob. Umumiy qoidalar

1. Mazkur Nizomda quyidagi asosiy tushunchalar qo'llaniladi:

maxsus tayyorlash o'quv kursi (bundan buyon matnda o'quv kursi deb yuritiladi) — notarius maqomiga ega bo'lish uchun talabgorlarning notariat sohasi bo'yicha ishlash va ish yuritishga yo'naltirilgan zarur bilim, ko'nikma va malakalarini shakllantirishga qaratilgan o'quv shakli;

pedagog-maslahatchi — ta'lim jarayonida o'quv kursi bo'yicha tinglovchilar faoliyatini muvofiqlashtiruvchi va yo'naltiruvchi, metodik yordam ko'rsatuvchi, o'qish va bilishni nazorat qiluvchi shaxs;

talabgor — O'zbekiston Respublikasining “Notariat to'g'risida”gi Qonuni (bundan buyon matnda Qonun deb yuritiladi) talablariga muvofiq o'quv kurslarida ta'lim olish uchun murojaat qilgan jismoniy shaxs;

tinglovchi — o'qish uchun to'lovni amalga oshirgan va o'quv kurslariga qabul qilingan jismoniy shaxs;

o'quv dasturi — o'quv kurslarining ta'lim mazmunini, uning tinglovchilar tomonidan o'zlashtirilishining maqsadga muvofiq usullarini tashkil etishni nazarda tutadigan, axborot manbai bo'lgan, mutaxassisliklarning malaka talablari, o'quv kursining asosiy mazmuni va metodik tuzilishini aniqlab beruvchi asosiy hujjat.

2. Talabgorlar o'quv kurslarida Institut bilan o'zaro tuzilgan shartnomaga muvofiq to'lov asosida o'qitiladi. O'quv kurslari yakuni bo'yicha sinov imtihonini (bundan buyon matnda sinov imtihoni deb yuritiladi) muvaffaqiyatli topshirgan taqdirda ularga o'quv kursini tugatganligi haqida sertifikat (bundan buyon matnda sertifikat deb yuritiladi) beriladi.

3. Talabgorlar uchun o'quv kurslarining davomiyligi 72 soatni tashkil etadi.

4. Talabgorlar uchun o'quv kurslari bevosita Institutda yoki masofaviy ta'lim shaklida tashkil etilishi mumkin.

2-bob. O'quv kurslarini tashkil etish

5. O'quv kurslari to'g'risidagi ma'lumotlar Institutning rasmiy veb-saytiga joylashtiriladi.

6. O'quv kurslarida o'qish istagini bildirgan talabgorlar mazkur Nizomning 1-ilovasiga* muvofiq elektron yoki yozma shakldagi ariza bilan Institutga murojaat qiladi.

7. Talabgorlar kalendar yil davomida uzluksiz murojaat qilishi mumkin.

Bunda, notarius stajyorlarining o'quv kurslarida o'qishi stajirovka tugagandan so'ng amalga oshiriladi.

8. Talabgorning arizasi Institut tomonidan qabul qilinib, Qonunning 2-moddasi talablariga muvofiqligi aniqlangan taqdirda, talabgorga o'quv kursida ishtirok etish uchun shartnoma tuzishi mumkinligi haqida uch ish kunida telefon raqami, elektron pochta yoki yashash manziliga xabarnoma yuboriladi.

Bunda, talabgor Qonunning 2-moddasi talablariga muvofiq emasligi aniqlangan taqdirda, Institut tomonidan ariza rad etilganligi yuzasidan asoslantirilgan holda telefon raqami, elektron pochta yoki yashash manziliga xabarnoma yuboriladi.

9. Institut o'quv kurslarini tashkil etishda tinglovchilarni Institutning ichki tartib va o'quv jarayonini tashkillashtirish qoidalari bilan tanishtiradi, shuningdek tinglovchining o'zlashtirish ko'rsatkichi va reytingi hisobini yuritadi.

10. Shartnomada ko'rsatilgan o'qitish qiymati talabgor tomonidan shartnomada belgilangan muddatda to'liq to'langandan so'ng, u Institut direktorining buyrug'i bilan o'quv kurslariga qabul qilinadi.

11. Institut talabgorlar tomonidan yuborilgan arizalarga asosan o'quv guruhlarini shakllantiradi.

12. O'quv kurslarida o'quv jarayoni, qoida tariqasida, 25 nafardan ortiq bo'lmagan tinglovchilardan iborat akademik guruhlarda tashkil qilinadi.

13. O'quv kurslarining o'quv dasturlari Institut tomonidan ishlab chiqilib, O'zbekiston Respublikasi Notarial palatasi bilan kelishgan holda Institut tomonidan tasdiqlanadi.

Bunda, o'quv dasturi davlat va jamiyat boshqaruvi hamda korrupsiyaga qarshi kurashish, fuqarolik huquqi, notariat va vorislik huquqi modullari, shuningdek notarial harakatlarning loyihalarini tayyorlash mashg'ulotlarini qamrab olishi lozim.

14. O'quv kurslarida o'quv mashg'ulotlari ma'ruza, seminar va amaliy mashg'ulotlar shaklida o'tkaziladi.

15. O'quv kurslarini bevosita Institutda o'qish istagini bildirgan talabgorlar uchun o'quv jarayonlari Institut auditoriyalarida, masofaviy ta'lim shaklida o'qish istagini bildirgan talabgorlar uchun maxsus elektron platformalardan foydalangan holda o'tkaziladi.

16. Barcha turdagi o'quv mashg'ulotlarining davomiyligi 80 daqiqani, o'quv mashg'ulotlari o'rtasidagi tanaffus kamida 10 daqiqani tashkil etadi.

17. Tinglovchilar o'quv kurslarni tashkil etish va o'tkazish rejasiga, o'qish davomiyligiga amal qilishi, shuningdek, ta'lim jarayonida shaxsan o'zi ishtirok etishi talab etiladi.

18. Masofaviy ta'lim shaklidagi o'quv kurslari bo'yicha o'qitish jarayonida bo'lgan tinglovchilarning faoliyati, ta'lim jarayonini muvofiqlashtirish va yo'naltirish Institut direktorining buyrug'i bilan birlashtiriladigan pedagog-maslahatchi tomonidan amalga oshiriladi.

* I-ilova «Qonunchilik ma'lumotlari milliy bazasi»da e'lon qilingan.

Masofaviy ta'lim shaklidagi tinglovchilar bilan doimiy aloqani yo'lga qo'yish, tinglovchilarga zarur metodik yordam berish pedagog-maslahatchining asosiy vazifalariga kiradi.

Pedagog-maslahatchi bilan aloqa elektron pochta, telefon va boshqa elektron aloqa vositalari yordamida amalga oshiriladi. Pedagog-maslahatchi bilan aloqa sessiyalar (bevosita yuzma-yuz muloqot) tarzida ham amalga oshirilishi mumkin.

3-bob. O'quv kurslari yakuni bo'yicha sinov imtihonlarini tashkil etish

19. O'quv kurslari yakuni bo'yicha sinov imtihonlarini tashkil etish va o'tkazish uchun Institut direktorining buyrug'i bilan besh kishidan iborat komissiya shakllantiriladi.

Bunda, komissiya a'zosi tinglovchi sifatida sinov imtihonida ishtirok etgan taqdirda, mazkur komissiya tarkibidan chiqariladi.

20. Komissiya a'zolarining kamida uch nafari qatnashsa, vakolatli (kvorumga ega) hisoblanadi.

21. Komissiya tarkibidan komissiya raisi va mas'ul kotib tayinlanadi.

22. Komissiya hujjatlari komissiyaning mas'ul kotibi tomonidan yuritiladi.

23. Sinov imtihonlari tinglovchilarning bilim va ko'nikmalarini baholash maqsadida bevosita Institutda yoki masofaviy shaklda suhbat tarzida o'tkaziladi.

Bunda, suhbat savollari axborot texnologiyalaridan foydalangan holda maxsus elektron dastur orqali tasodifiy ravishda tanlanadi.

24. Tinglovchilarga savollarga javob berishga tayyorgarlik ko'rishlari uchun 15 daqiqagacha vaqt ajratiladi.

Tayyorgarlik ko'rish uchun berilgan vaqt tugagandan so'ng tinglovchi komissiyaga javob beradi. Komissiya a'zolari ayrim javoblarni aniqlashtirish maqsadida qo'shimcha savollar berishi mumkin.

25. Tinglovchilarga savollarga tayyorgarlik ko'rish vaqtida aloqa va telekommunikatsiya vositalari (telefon, kompyuter, planshet va boshqalar), kitob hamda shpargalkalardan foydalanishi hamda boshqa shaxslar bilan suhbatlashish taqiqlanadi.

26. Tinglovchilarning bilimi va o'zlashtirish darajasi komissiyaning har bir a'zosi tomonidan boshqa a'zolaridan mustaqil holda mazkur Nizomning 2-ilovasiga* muvofiq shaklda baholash byulletenida 100 ballik tizimda baholanadi.

Bunda, komissiyaning har bir a'zosi talabgorlarni quyidagi mezonlarga asosan baholaydi:

berilgan savollarga to'liq va aniq javob berishi, faoliyat sohasi bilan bog'liq tizimli bilimlarga ega bo'lishi, ulardan o'z kasb faoliyatida mustaqil foydalanishni bilishi, ijtimoiy muammolar va jarayonlarni mustaqil tahlil qila olishi — 86 — 100 ball;

berilgan savollarga aniq, biroq to'liq javob berolmasligi, faoliyat sohasi bilan bog'liq bilimlarga ega bo'lishi, ulardan o'z kasb faoliyatida foydalanishni bilishi, ijtimoiy muammolar va jarayonlarni tahlil qila olishi — 71 — 85 ball;

* 2-ilova «Qonunchilik ma'lumotlari milliy bazasi»da e'lon qilingan.

berilgan savollarga to'liq javob berolmasligi, faoliyat sohasi bilan bog'liq bilimlarga yetarli darajada ega bo'lishi, ulardan o'z kasb faoliyatida foydalanishni bilishi — 56 — 70 ball;

berilgan savollarga noaniq javob berishi, faoliyat sohasi bilan bog'liq bilimlarga ega bo'lishi, ulardan o'z kasb faoliyatida foydalanishni bilmasligi — 41 — 55 ball;

berilgan savollarga noaniq javob berishi, faoliyat sohasi bilan bog'liq bilimlarga yetarli darajada ega emasligi — 1 — 40 ball;

berilgan savollarga umuman javob bera olmasligi — 0 ball.

Tinglovchiga komissiya a'zolari tomonidan qo'yilgan ballar umumlashtirilib, olinishi mumkin bo'lgan maksimal ballning 56 foizidan kam bo'lmagan ball qo'yilganda tinglovchi o'quv kursini o'zlashtirgan hisoblanadi.

27. Baholash byulletenlaridagi ballar komissiya kotibi tomonidan hisoblab chiqiladi. Hisoblash natijalari mazkur Nizomning 3-ilovasiga* muvofiq shakldagi yig'ma baholash byulleteniga kiritiladi va komissiya a'zolariga taqdim etiladi.

28. Tinglovchilar tomonidan to'plangan ballar sinov imtihoni o'tkazilgan kunning o'zida tinglovchilarga komissiya raisi tomonidan o'qib eshittiriladi.

29. Komissiya yakuni bo'yicha sinov imtihoni bayonnomasi tuziladi va komissiya raisi tomonidan tasdiqlanadi.

Bunda, sinov imtihoni bayonnomasi bir ish kuni ichida tasdiqlanib, uning ko'chirma nusxasi tinglovchilarga yuboriladi.

30. Sinov imtihonini muvaffaqiyatli topshirgan kundan boshlab besh ish kuni ichida tinglovchiga sertifikat beriladi.

31. Tinglovchi sinov imtihonini muvaffaqiyatli topshirmagan deb topilgan taqdirda sinov imtihonini qayta topshirish uchun navbatdagi imtihonlarda ishtirok etishi mumkin.

Bunda, sinov imtihonini qayta topshirish uchun to'lov undirilmaydi.

32. Sinov imtihonini muvaffaqiyatli topshirmagan va qayta topshirish natijasida ham sinov imtihonidan o'tolmagan tinglovchiga sertifikat berilmaydi.

33. Sinov imtihoni jarayoni audio va videoyozuvda qayd qilinadi hamda Institut tomonidan bir yil mobaynida saqlanadi.

4-bob. Sinov imtihoni natijalari yuzasidan apellyatsiya berish va uni ko'rib chiqish

34. Tinglovchi sinov imtihoni natijasidan norozi bo'lgan taqdirda, u sinov imtihoni bayonnomasi nusxasini olgan kundan boshlab besh ish kuni ichida Apellyatsiya komissiyasiga yozma yoki elektron shaklda apellyatsiya shikoyati berish huquqiga ega.

35. Apellyatsiya komissiyasi Institut direktorining buyrug'i asosida besh nafardan iborat tarkibda tuziladi.

Apellyatsiya komissiyasi tarkibidan komissiya raisi va mas'ul kotib tayinlanadi.

Apellyatsiya komissiyasiga boshqa tashkilotlardan ham mutaxassislar jalb etilishi mumkin.

* 3-ilova «Qonunchilik ma'lumotlari milliy bazasi»da e'lon qilingan.

36. Apellyatsiya komissiyasi unda a'zolarning kamida uch nafari qatnashsa, vakolatli (kvorumga ega) hisoblanadi.

37. Bir shaxs bir vaqtning o'zida sinov imtihoni komissiyasi va apellyatsiya komissiyasi a'zosi bo'lishi mumkin emas.

38. Apellyatsiya komissiyasi apellyatsiya shikoyatini, u kelib tushgan kundan boshlab uch ish kuni ichida ko'rib chiqadi.

39. Apellyatsiya komissiyasi apellyatsiya shikoyati bilan murojaat qilgan tinglovchini shikoyatni ko'rib chiqish vaqti va joyi haqida ogohlantiradi.

40. Apellyatsiya shikoyati bilan murojaat qilgan tinglovchi mazkur shikoyatni ko'rib chiqishda ishtirok etish huquqiga ega.

41. Apellyatsiya shikoyatini ko'rib chiqishda apellyatsiya komissiyasi sinov imtihoni bilan bog'liq materiallarni har tomonlama o'rganadi. Apellyatsiya komissiyasi tomonidan apellyatsiya shikoyatini ko'rib chiqish davomida tinglovchiga uni qayta baholashga qaratilgan savollar berilishiga yo'l qo'yilmaydi.

42. Apellyatsiya shikoyatini ko'rishda tinglovchining sinov imtihoni natijasida olgan ballarini pasaytirishga yo'l qo'yilmaydi.

43. Shikoyatni ko'rib chiqish natijalari bo'yicha apellyatsiya komissiyasi tomonidan quyidagi qarorlardan biri qabul qilinadi:

sinov imtihoni natijalarini o'zgarishsiz qoldirish;

sinov imtihoni natijalariga o'zgartirish kiritish.

44. Apellyatsiya komissiyasining ko'rib chiqilishi natijasi komissiyada ishtirok etgan barcha a'zolar tomonidan tasdiqlanadigan bayonnoma bilan rasmiylashtiriladi.

45. Tinglovchi apellyatsiya komissiyasi yig'ilishida bevosita ishtirok etgan taqdirda komissiya qarori shikoyat ko'rib chiqilgan kunning o'zida e'lon qilinadi.

Tinglovchi apellyatsiya komissiyasi yig'ilishida ishtirok etmagan taqdirda komissiya qaroridan ko'chirma bayonnoma rasmiylashtirilgan kundan boshlab bir ish kuni ichida tinglovchiga yuboriladi.

46. Apellyatsiya komissiyasi tomonidan sinov imtihoni natijalariga o'zgartirish kiritilganda hamda tinglovchi sinov imtihonlarini muvaffaqiyatli topshirgan deb topilganda unga sertifikat beriladi.

47. Apellyatsiya komissiyasi qarori ustidan tinglovchi yuqori turuvchi organga yoki sudga shikoyat qilishi mumkin.

5-bob. Yakuniy qoidalar

48. Tinglovchilar quyidagi holatlarda o'quv kursidan chetlashtiriladi:

o'quv intizomini va ichki tartib-qoidalarni buzganda;

o'quv kursidagi dars mashg'ulotlarini uzrli (kasalligi, davlat yoki jamoat vazifalarini bajarganligi, yaqin qarindoshining vafoti) sabablarsiz 18 soat va undan ortiq qoldirganda;

salomatligi tufayli (tibbiy komissiya ma'lumotnomasi asosida);

sud tomonidan ozodlikdan mahrum etilganda;

vafot etganda.

49. Mazkur Nizom talablari buzilishida aybdor bo'lgan shaxslar qonunchilik hujjatlariga muvofiq javob beradi.

O'ZBEKISTON RESPUBLIKASI
OLIV TA'LIM, FAN VA INNOVATSIYALAR VAZIRINING
BUYRUG'I

783 “O'zbekiston Respublikasi Davlat boshqaruvi akademiyasi magistraturasiga qabul qilishda test sinovlarini tashkil etish va o'tkazish tartibi to'g'risidagi nizomni tasdiqlash haqida”gi buyruqni o'z kuchini yo'qotgan deb topish to'g'risida*

*O'zbekiston Respublikasi Adliya vazirligi tomonidan 2025-yil
10-dekabrda ro'yxatdan o'tkazildi, ro'yxat raqami 2384-1*

O'zbekiston Respublikasi Vazirlar Mahkamasining 2025-yil 27-avgustdagi 541-son “O'zbekiston Respublikasi Prezidenti huzuridagi Davlat siyosati va boshqaruvi akademiyasining magistraturasiga qabul qilish tartibini belgilash to'g'risida”gi qaroriga muvofiq **buyuraman:**

1. O'zbekiston Respublikasi Vazirlar Mahkamasi huzuridagi Davlat test markazi direktorining 2012-yil 30-iyuldagi 01-172-son “O'zbekiston Respublikasi Davlat boshqaruvi akademiyasi magistraturasiga qabul qilishda test sinovlarini tashkil etish va o'tkazish tartibi to'g'risidagi nizomni tasdiqlash haqida”gi buyrug'i (ro'yxat raqami 2384, 2012-yil 1-avgust) (O'zbekiston Respublikasi qonun hujjatlari to'plami, 2012-y., 32-son, 378-modda) o'z kuchini yo'qotgan deb topilsin.

2. Mazkur buyruq O'zbekiston Respublikasi Maktabgacha va maktab ta'limi vazirligi, Sog'liqni saqlash vazirligi hamda O'zbekiston Respublikasi Prezidenti huzuridagi Davlat siyosati va boshqaruvi akademiyasi bilan kelishilgan.

3. Mazkur buyruq rasmiy e'lon qilingan kundan e'tiboran kuchga kiradi.

Vazir

K. SHARIPOV

Toshkent sh.,
2025-yil 2-dekabr,
454-son

Kelishildi:

**Maktabgacha va maktab
ta'limi vaziri**

E. KARIMOVA

2025-yil 22-noyabr

Sog'liqni saqlash vaziri

A. XUDAYAROV

2025-yil 25-noyabr

**Davlat siyosati va boshqaruvi
akademiyasi rektori**

J. SALIXOV

2025-yil 26-noyabr

* Ushbu buyruq «Qonunchilik ma'lumotlari milliy bazasi»da 2025-yil 11-dekabrda e'lon qilingan.

ЎЗБЕКИСТОН РЕСПУБЛИКАСИ
РАҚОБАТНИ РИВОЖЛАНТИРИШ ВА ИСТЕЪМОЛЧИЛАР
ҲУҚУҚЛАРИНИ ҲИМОЯ ҚИЛИШ ҚЎМИТАСИНИНГ
ҚАРОРИ

784 «Сирли мижоз» ва назорат хариди тадбирларини ўтказиш учун нодавлат нотижорат ташкилотларининг ходимларини ўқитиш ва уларга махсус сертификат бериш тартиби тўғрисидаги низомни тасдиқлаш ҳақида*

*Ўзбекистон Республикаси Адлия вазирлиги томонидан 2025 йил
10 декабрда рўйхатдан ўтказилди, рўйхат рақами 3722*

Ўзбекистон Республикаси Президентининг 2025 йил 6 октябрдаги ПҚ–296-сон «Истеъмолчилар ҳуқуқларини самарали ҳимоя қилишни ташкил этиш чора-тадбирлари тўғрисида»ги қарорига мувофиқ Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитаси **қарор қилади:**

1. «Сирли мижоз» ва назорат хариди тадбирларини ўтказиш учун нодавлат нотижорат ташкилотларининг ходимларини ўқитиш ва уларга махсус сертификат бериш тартиби тўғрисидаги низом иловага мувофиқ тасдиқлансин.

2. Мазкур қарор Ўзбекистон Республикаси Олий таълим, фан ва инновациялар вазирлиги билан келишилган.

3. Ушбу қарор расмий эълон қилинган кундан эътиборан кучга киради.

Раис

Ҳ. ТУРАХУЖАЕВ

Тошкент ш.,
2025 йил 24 ноябрь,
05/32-05/01-сон

Келишилди:

**Олий таълим, фан ва
инновациялар вазири**

К. ШАРИПОВ

2025 йил 10 ноябрь

* Ушбу қарор «Қонунчилик маълумотлари миллий базаси»да 2025 йил 11 декабрда эълон қилинган.

Ўзбекистон Республикаси
Рақобатни ривожлантириш ва истеъмолчилар
ҳуқуқларини ҳимоя қилиш қўмитасининг
2025 йил 24 ноябрдаги 05/32-05/01-сон
қарорига
ИЛОВА

**«Сирли мижоз» ва назорат хариди тадбирларини ўтказиш учун
нодавлат нотижорат ташкилотларининг ходимларини ўқитиш ва
уларга махсус сертификат бериш тартиби тўғрисидаги
НИЗОМ**

Мазкур Низом истеъмолчиларнинг ҳуқуқларини ҳимоя қилиш соҳасидаги мурожаатларини кўриб чиқиш, «сирли мижоз» ва назорат хариди тадбирларини ўтказиш учун нодавлат нотижорат ташкилотларининг ходимларини Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитаси ҳузуридаги Рақобат сиёсати ва истеъмолчилар ҳуқуқлари тадқиқотлари марказида (бундан буён матнда Марказ деб юритилади) ташкил этиладиган ўқув курсида ўқитиш ва уларга махсус сертификат бериш тартибини белгилайди.

1-боб. Умумий қоидалар

1. Мазкур Низомда қуйидаги асосий тушунчалар қўлланилади:

ўқув курси — истеъмолчиларнинг мурожаатларини кўриб чиқиш, «сирли мижоз» ва назорат хариди тадбирларини ўтказиш учун нодавлат нотижорат ташкилотлари ходимларида зарур билим, кўникма ва малакаларни шакллантиришга қаратилган ўқув шакли;

талабгор — ўқув курсларида ўз ходимларини ўқитиш хоҳишини билдирган нодавлат нотижорат ташкилотлари;

тингловчи — истеъмолчиларнинг мурожаатларини кўриб чиқиш, «сирли мижоз» ва назорат хариди тадбирларини ўтказиш юзасидан зарур билим, кўникма ва малакаларни шакллантириш учун Марказ томонидан ташкил этилган ўқув курсига қабул қилинган нодавлат нотижорат ташкилотининг ходими;

ўқув дастури — Марказ томонидан ташкил этилган ўқув курсининг асосий мазмуни ва методик тузилишини аниқлаб берувчи ҳужжат.

2. Тингловчилар ўқув курсларида Марказ билан ўзаро тузилган шартномага мувофиқ ўқитилади. Ўқув курслари якуни бўйича тест синовини муваффақиятли топширган тақдирда тингловчиларга ўқув курсини тамомлаганлиги ҳақида махсус сертификат (бундан буён матнда сертификат деб юритилади) берилади.

3. Тингловчилар учун ўқув курсларининг давомийлиги 18 соатни ташкил этади. Бунда, талабгорнинг буюртмасига асосан ўқув курслари 30 соатгача узайтирилиши мумкин.

4. Тингловчилар учун ўқув курслари Марказда ёки масофавий таълим шаклида ташкил этилади.

2-боб. Ўқув курсларини ташкил этиш

5. Ўқув курслари тўғрисидаги маълумотлар Марказнинг расмий веб-сайтига жойлаштирилади.

6. Талабгор ўз ходимларини ўқитиш юзасидан Марказга электрон ёки ёзма шаклда мурожаат қилади. Бунда, Марказга календарь йил давомида узлуксиз мурожаат қилиниши мумкин.

7. Марказ томонидан талабгорнинг мурожаати кўриб чиқилиб, ўқув курсини ташкил этиш учун шартнома тузиш мумкинлиги ҳақида уч иш кунда мурожаатда кўрсатилган электрон почта ёки юридик манзилга тегишли хабарнома юборилади.

Агар нодавлат нотижорат ташкилотларининг уставида истеъмолчиларнинг ҳуқуқлари ва қонуний манфаатларини ҳимоя қилиш асосий мақсад ва вазифа сифатида назарда тутилмаганлиги аниқланса, Марказ томонидан мурожаат рад этилади ва бу ҳақда талабгорга асослантилган ҳолда талабгорга электрон почта ёки юридик манзилга тегишли хабарнома юборилади.

8. Тингловчилар ўқув курсларига Марказ директорининг буйруғи билан қабул қилинади.

9. Марказ талабгор томонидан ўқув курсида ўқиш учун тавсия этилган ходимлар сонидан келиб чиқиб ўқув гуруҳларини шакллантиради.

Ўқув гуруҳлари, қоида тариқасида, 5 нафардан кам бўлмаган ва 30 нафардан кўп бўлмаган тингловчилардан иборат гуруҳларда ташкил қилинади.

10. Ўқув курсларининг ўқув дастурлари Марказ томонидан ишлаб чиқилиб, Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитаси томонидан тасдиқланади.

11. Ўқув дастурида қўйидаги масалалар қамраб олинади:

истеъмолчиларнинг ҳуқуқларини ҳимоя қилиш соҳасидаги мурожаатларни кўриб чиқиш тартиби;

«сирли мижоз», назорат хариди тадбирларини ўтказиш асослари ва тартиби ҳамда ушбу тадбирлар натижаларини расмийлаштириш;

савдо, хизмат кўрсатиш ва реклама соҳаларида амалдаги қонунчилик талабларига риоя этиш;

истеъмолчилар ҳуқуқларини ҳимоя қилиш асослари ва тартиби;

ахборот махфийлигига риоя этиш.

12. Ўқув курсларида ўқув машғулотлари маъруза, семинар ва амалий машғулотлар шаклида ўтказилади.

Ўқув машғулотларини ўтказиш учун Марказ, Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитаси, шунингдек бошқа давлат органлари ва ташкилотлари мутахассислари, илмий-тадқиқот муассасалари ходимлари (экспертлари), олий таълим ташкилотлари профессор ва ўқитувчилари, хорижий мутахассислар шартнома асосида жалб этилиши мумкин.

13. Ўқув курсларини бевосита Марказда ўқиш истагини билдирган тингловчилар учун ўқув машғулотлари Марказ ўқув аудиториясида ёки у томонидан танланган бошқа ўқув аудиторияларида, масофавий таълим шаклида

ўқийдиган тингловчилар учун махсус электрон платформалардан фойдаланган ҳолда ўтказилади.

14. Барча турдаги ўқув машғулотларининг давомийлиги 80 дақиқани, ўқув машғулотлари ўртасидаги танаффус камида 10 дақиқани ташкил этади.

15. Тингловчилар ўқув курсларни ташкил этиш ва ўтказиш режасига, ўқиш давомийлигига амал қилиши, шунингдек ўқув жараёнида шахсан ўзи иштирок этиши талаб этилади.

3-боб. Ўқув курслари якуни бўйича тест синовларини ташкил этиш

16. Ўқув курсларининг якуни бўйича тингловчиларнинг билими ва ўзлаштиришини баҳолаш мақсадида Марказ томонидан тест синовлари ўтказилади.

17. Тест синовлари қоғоз шаклида ёки тегишли дастурий таъминот асосида компьютерлар орқали ўтказилади.

18. Тест синовларини ўтказиш учун Марказ директорининг буйруғига асосан 5 нафардан иборат имтиҳон комиссияси тузилади (бундан буён матнда комиссия деб юритилади) ва унинг таркибига Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитаси ва Марказ ходимлари ҳамда бошқа давлат органлари ва ташкилотлари мутахассислари, илмий муассасаларнинг профессор ва ўқитувчилари киритилади.

Комиссия ишида аъзоларидан 3 нафари иштирок этганда, ушбу комиссия ваколатли (кворумга эга) ҳисобланади.

19. Комиссия таркибидан комиссия раиси ва масъул котиб тайинланади.

20. Комиссия ҳужжатлари комиссиянинг масъул котиби томонидан юритилади.

21. Тест синовлари қоғоз шаклида ўтказилганда, тингловчилар махсус видеокузатув билан жиҳозланган аудиторияда бир-бирларига ҳалақит қилмайдиган тарзда, алоҳида столларга жойлаштирилиб, тест варақалари тарқатилади.

22. Тест синовлари тегишли дастурий таъминот асосида компьютерлар орқали ўтказилганда, тингловчилар махсус жиҳозланган компьютер хоналарида Марказнинг масъул ходими ва комиссия аъзоларининг кузатувида, тегишли дастурий таъминот орқали электрон тарзда рўйхатдан ўтган ҳолда тест синовларини топширишади.

Агар тингловчи тест синовларини масофавий тарзда (онлайн) тегишли дастурий таъминотдан фойдаланган ҳолда компьютер орқали топширса, ушбу тингловчи «ZOOM» платформаси орқали Марказ масъул ходимининг ва комиссия аъзоларининг видеокузатуви остида бўлади.

23. Тест синовлари пайтида ҳар бир тингловчига 25 та саволдан иборат тест саволлари қоғоз шаклида ёки тегишли дастурий таъминот орқали электрон шаклда тақдим этилади ва тўғри жавобларни белгилаш учун жами 60 дақиқа вақт белгиланади.

24. Тест синовлари ўтказилаётган вақтда алоқа ва телекоммуника-

ция воситалари (телефон, компьютер, планшет ва бошқалар), китоб ҳамда шпаргалкалардан фойдаланиши ҳамда бошқа шахслар билан суҳбатлашиш тақиқланади.

Ушбу талабларга риоя қилмаган тингловчи комиссия аъзолари томонидан тузилган далолатнома асосида тест синовидан четлаштирилади. Далолатнома тингловчи иштирокида расмийлаштирилади. Агар тингловчи далолатномага имзо қўйишдан бош тортса, бу ҳолат ҳақида далолатномага тегишли ёзув киритилади.

Тест синовларини масофавий (онлайн) тарзда, тегишли дастурий таъминот орқали компьютерда топшириш жараёнида мазкур банднинг биринчи хатбошисида белгиланган ҳаракатлар содир этилганлиги видеокузатув орқали аниқланган тақдирда, тингловчи тест синовидан четлаштирилади. Бунда, комиссия аъзолари томонидан далолатнома расмийлаштирилади ва видеотасвирлар унга илова қилинади.

Четлаштириш тўғрисидаги далолатномалар тест натижаларини ҳисобга олмаслик учун асос ҳисобланади.

25. Тингловчининг билими ва ўзлаштириши тўғри жавоблар сонига кўра қўйидагича баҳоланади:

21 та ва ундан ортиқ тўғри жавоб — «аъло»;

16 тадан 21 тагача тўғри жавоб — «яхши»;

12 тадан 16 тагача тўғри жавоб — «қониқарли»;

12 тагача тўғри жавоб — «қониқарсиз».

26. Тест синовлари тегишли дастурий таъминот асосида компьютерлар орқали ўтказилганда, тест натижаси барча саволлар юзасидан жавоблар белгилаб бўлингач ёки жавобларни белгилаш учун ажратилган 60 дақиқа вақт тугагач, шу заҳоти автоматик тарзда тегишли дастурий таъминот томонидан эълон қилинади.

27. Тест синовлари қоғоз шаклида ўтказилганда тест натижаси барча саволлар юзасидан жавоблар белгилаб бўлингач ёки жавобларни белгилаш учун ажратилган 60 дақиқа вақт тугагач, комиссия аъзолари томонидан кўпи билан 30 минут вақт ичида эълон қилинади.

28. Тест синовлари натижалари юзасидан комиссия томонидан умумий баённома расмийлаштирилади ва Марказда доимий сақланади.

29. Тест синовлари натижаларига кўра, «аъло», «яхши» ва «қониқарли» баҳоларни олган тингловчилар тест синовидан муваффақиятли ўтган ҳисобланади ва уларга тест натижалари эълон қилинган куннинг ўзидан кечиктирмай сертификат тақдим этилади.

30. Тест синовлари натижаларига кўра, «қониқарсиз» баҳо олган тингловчилар қайта тест синовларини топшириш учун навбатдаги тест синовларида иштирок этиши мумкин.

Бунда, тест синовини қайта топшириш учун тўлов ундирилмайди.

31. Тингловчи қайта тест синови натижасида ҳам «қониқарсиз» баҳо олган тақдирда, сертификат тақдим этилмайди.

32. Тест синовлари натижалари акс эттирилган видеоёзувлар бир йил давомида сақланади.

33. Тингловчиларга берилган сертификатлар Марказ томонидан юритиладиган ягона электрон реестрда рўйхатга олинади.

4-боб. Тест синовлари натижалари юзасидан апелляция бериш ва уни кўриб чиқиш

34. Тингловчи тест синовлари натижасидан норози бўлган тақдирда, у натижалар эълон қилинган кундан бошлаб беш иш куни ичида апелляция комиссиясига ёзма ёки электрон шаклда апелляция шикоятни бериш ҳуқуқига эга.

35. Апелляция комиссияси Марказ директорининг буйруғи асосида беш нафардан иборат таркибда тузилади.

Апелляция комиссияси таркибидан комиссияси раиси ва масъул котиб тайинланади.

Апелляция комиссиясига бошқа ташкилотлардан ҳам мутахассислар жалб этилиши мумкин.

36. Апелляция комиссияси унда аъзоларнинг камида уч нафари қатнашса, ваколатли (кворумга эга) ҳисобланади.

37. Бир шахс бир вақтнинг ўзида имтиҳон комиссияси ва апелляция комиссияси аъзоси бўлиши мумкин эмас.

38. Тест синовлари натижаларидан норози бўлган тингловчи апелляция комиссиясига ёзма ёки электрон шаклда апелляция шикоятни бериши мумкин.

39. Келиб тушган апелляция шикоятни шу куннинг ўзида кирим қилиниб, апелляция комиссияси масъул котибига берилади.

Апелляция комиссияси апелляция шикоятини, у келиб тушган кундан бошлаб уч иш куни ичида кўриб чиқади.

40. Апелляция комиссияси апелляция шикоятни билан мурожаат қилган тингловчини шикоятни кўриб чиқиш вақти ва жойи ҳақида огоҳлантиради.

41. Апелляция шикоятни билан мурожаат қилган тингловчи мазкур шикоятни кўриб чиқишда иштирок этиш ҳуқуқига эга.

42. Апелляция шикоятини кўриб чиқишда апелляция комиссияси тест синовини ўтказиш билан боғлиқ материалларни ҳар томонлама ўрганadi. Апелляция комиссияси томонидан апелляция шикоятини кўриб чиқиш давомида тингловчига уни қайта баҳолашга қаратилган саволлар берилишига йўл қўйилмайди.

43. Шикоятни кўриб чиқиш натижалари бўйича апелляция комиссияси томонидан қуйидаги қарорлардан бири қабул қилинади:

тест синовлари натижаларини ўзгаришсиз қолдириш;

тест синовлари натижаларига ўзгартириш киритиш ва қайта баҳолаш.

44. Апелляция шикоятини кўришда тингловчининг тест синовлари натижасини пасайтиришга йўл қўйилмайди.

45. Апелляция комиссиясининг кўриб чиқилиши натижаси комиссияда иштирок этган барча аъзолар томонидан тасдиқланадиган баённома билан расмийлаштирилади.

46. Тингловчи апелляция комиссияси йиғилишида бевосита иштирок эт-

ган тақдирда комиссия қарори шикоят кўриб чиқилган куннинг ўзида эълон қилинади.

Тингловчи апелляция комиссияси йиғилишида иштирок этмаган тақдирда комиссия қароридан кўчирма бир иш куни ичида тингловчига юборилади.

47. Апелляция комиссияси томонидан тест синовини натижаларига ўзгартириш киритилганда ҳамда тингловчи тест синовини муваффақиятли топширган деб топилганда, унга сертификат берилади.

48. Апелляция комиссияси қарори устидан тингловчи юқори турувчи органга ёки судга шикоят қилиши мумкин.

5-боб. Яқуний қоидалар

49. Тингловчилар қуйидаги ҳолатларда ўқув курсидан четлаштирилади: ўқув интизомини ва ички тартиб-қоидаларни бузганлиги учун;

ўқув машғулотларини узрли (касаллиги, хизмат вазифаларини бажарганлиги, яқин қариндошининг вафоти) сабабларсиз 9 академик соат ва ундан ортиқ қолдирганлиги учун.

50. Мазкур Низом талаблари бузилишида айбдор бўлган шахслар қонунчилик ҳужжатларига мувофиқ жавобгар бўладилар.

O‘ZBEKISTON RESPUBLIKASI
IQTISODIYOT VA MOLIYA VAZIRINING
BUYRUG‘I

785 O‘zbekiston Respublikasi byudjet hisobining standarti
(3-sonli BHS) “Byudjet hisoboti”ning 155-bandiga
o‘zgartirish kiritish haqida*

*O‘zbekiston Respublikasi Adliya vazirligi tomonidan 2025-yil
11-dekabrda ro‘yxatdan o‘tkazildi, ro‘yxat raqami 3124-8*

O‘zbekiston Respublikasi Vazirlar Mahkamasining 2025-yil 30-iyundagi 400-son “O‘zbekiston Respublikasi Hukumatining ayrim qarorlariga o‘zgartirish va qo‘shimchalar kiritish to‘g‘risida”gi qaroriga muvofiq **buyuraman:**

1. O‘zbekiston Respublikasi moliya vazirining 2018-yil 18-dekabrda 157-son buyrug‘i (ro‘yxat raqami 3124, 2019-yil 18-yanvar) (Qonun hujjatlari ma‘lumotlari milliy bazasi, 19.01.2019-y., 10/19/3124/2524-son) bilan tasdiqlangan O‘zbekiston Respublikasi byudjet hisobining standarti (3-sonli BHS) “Byudjet hisoboti”ning 155-bandi ikkinchi xatboshisidagi “Vazirlar Mahkamasi huzuridagi” degan so‘zlar “O‘zbekiston Respublikasi” degan so‘zlar bilan almashtirilsin.

2. Mazkur buyruq rasmiy e‘lon qilingan kundan e‘tiboran kuchga kiradi.

Vazir

D. KUCHKAROV

Toshkent sh.,
2025-yil 9-dekabr,
308-son

* Ushbu buyruq «Qonunchilik ma‘lumotlari milliy bazasi»da 2025-yil 11-dekabrda e‘lon qilingan.

O‘ZBEKISTON RESPUBLIKASI
MILLIY STATISTIKA QO‘MITASINING
QARORI

786 Statistika hisoboti shakllarini tasdiqlash to‘g‘risida*

*O‘zbekiston Respublikasi Adliya vazirligi tomonidan 2025-yil
11-dekabrda ro‘yxatdan o‘tkazildi, ro‘yxat raqami 3723*

O‘zbekiston Respublikasining “Rasmiy statistika to‘g‘risida”gi Qonuni va O‘zbekiston Respublikasi Prezidentining 2025-yil 24-fevraldagi PQ–75-son “O‘zbekiston Respublikasi Milliy statistika qo‘mitasi faoliyatini tashkil etish chora-tadbirlari to‘g‘risida”gi qaroriga muvofiq, O‘zbekiston Respublikasi Milliy statistika qo‘mitasi **qaror qiladi**:

1. Statistika hisoboti shakllari 1 — 47-ilovalarga** muvofiq tasdiqlansin.

2. O‘zbekiston Respublikasi Prezidenti huzuridagi Statistika agentligi direktorining 2024-yil 15-oktabrdagi 10-mb-son “Statistika hisoboti shakllarini tasdiqlash to‘g‘risida”gi buyrug‘i (ro‘yxat raqami 3575, 2024-yil 18-noyabr) (Qonunchilik ma‘lumotlari milliy bazasi, 25.11.2024-y., 10/24/3575/0958-son) o‘z kuchini yo‘qotgan deb topilsin.

3. Mazkur qaror 2026-yil 1-yanvardan kuchga kiradi.

Rais

Toshkent sh.,
2025-yil 28-noyabr,
6-mb-son

B. HAMRAYEV

* Ushbu qaror «Qonunchilik ma‘lumotlari milliy bazasi»da 2025-yil 11-dekabrda e‘lon qilingan.

** Ilovalar «Qonunchilik ma‘lumotlari milliy bazasi»da e‘lon qilingan.

O'ZBEKISTON RESPUBLIKASI
VAZIRLAR MAHKAMASI HUZURIDAGI SANOAT,
RADIATSIYA VA YADRO XAVFSIZLIGI QO'MITASINING
QARORI

787 Xavfli ishlab chiqarish obyektlaridagi avariyalarni texnik jihatdan tekshirish tartibi to'g'risidagi nizomga o'zgartirishlar kiritish haqida*

O'zbekiston Respublikasi Adliya vazirligi tomonidan 2025-yil 11-dekabrda ro'yxatdan o'tkazildi, ro'yxat raqami 2558-4

O'zbekiston Respublikasi Prezidentining 2024-yil 24-maydagi PF-79-son "Yer qa'ridan foydalanish, sanoat, radiatsiya va yadro xavfsizligi hamda atom energiyasidan foydalanish sohalarida davlat boshqaruvi va nazorati tizimini takomillashtirish chora-tadbirlari to'g'risida"gi hamda 2024-yil 24-maydagi PQ-187-son "Tog'-kon sanoati va geologiya vazirligi huzuridagi Tog'-kon sanoati va geologiya sohasini nazorat qilish inspeksiyasi faoliyatini samarali tashkil etish chora-tadbirlari to'g'risida"gi qaroriga muvofiq O'zbekiston Respublikasi Vazirlar Mahkamasi huzuridagi Sanoat, radiatsiya va yadro xavfsizligi qo'mitasi **qaror qiladi:**

1. O'zbekiston Respublikasi Vazirlar Mahkamasi huzuridagi Yer qa'rini geologik o'rganish, sanoatda, konchilikda va kommunal-maishiy sektorda ishlarning bexatar olib borilishini nazorat qilish davlat inspeksiyasi boshlig'ining 2014-yil 9-yanvardagi 5-son buyrug'i (ro'yxat raqami 2558, 2014-yil 3-fevral) (O'zbekiston Respublikasi qonun hujjatlari to'plami, 2014-y., 6-son, 69-modda) bilan tasdiqlangan Xavfli ishlab chiqarish obyektlaridagi avariyalarni texnik jihatdan tekshirish tartibi to'g'risidagi nizomga ilovaga muvofiq o'zgartirishlar kiritilsin.

2. Mazkur qaror O'zbekiston Respublikasi Favqulodda vaziyatlar vazirligi, Ichki ishlar vazirligi, Kambag'allikni qisqartirish va bandlik vazirligi, Tog'-kon sanoati va geologiya vazirligi hamda O'zbekiston Savdo-sanoat palatasi bilan kelishilgan.

3. Mazkur qaror rasmiy e'lon qilingan kundan e'tiboran kuchga kiradi.

Rais

A. RAFIQOV

Toshkent sh.,
2025-yil 1-dekabr,
27-son

Kelishildi:

Favqulodda vaziyatlar vaziri

B. KUDRATXODJAYEV

* Ushbu qaror «Qonunchilik ma'lumotlari milliy bazasi»da 2025-yil 13-dekabrda e'lon qilingan.

2025-yil 30-oktabr

Ichki ishlar vaziri

A. TASHPULATOV

2025-yil 17-noyabr

*Kambag'allikni qisqartirish
va bandlik vaziri*

B. ZAXIDOV

2025-yil 14-noyabr

*Tog'-kon sanoati va
geologiya vaziri*

B. ISLAMOV

2025-yil 19-noyabr

Savdo-sanoat palatasi raisi

D. VAXABOV

2025-yil 4-noyabr

O'zbekiston Respublikasi
Vazirlar Mahkamasi huzuridagi Sanoat,
radiatsiya va yadro xavfsizligi qo'mitasining
2025-yil 1-dekabrda 27-son qaroriga
ILOVA

**Xavfli ishlab chiqarish obyektlaridagi avariylarni texnik
jihattan tekshirish tartibi to'g'risidagi nizomga kiritilayotgan
o'zgartirishlar**

1. 3-bandning beshinchi xatboshisi quyidagi tahrirda bayon etilsin:

“O'zbekiston Respublikasi Vazirlar Mahkamasi huzuridagi Sanoat, radiatsiya va yadro xavfsizligi qo'mitasi va uning hududiy boshqarmalarini, Tog'-kon sanoati va geologiya vazirligi huzuridagi Tog'-kon sanoati va geologiya sohasini nazorat qilish inspeksiyasini, sanoat xavfsizligi sohasida ayrim vakolatlariga ega bo'lgan boshqa davlat organlarini (Qoraqalpog'iston Respublikasi favqulodda vaziyatlar boshqarmasi, Toshkent shahri va Toshkent viloyati favqulodda vaziyatlar boshqarmalari, viloyatlar favqulodda vaziyatlar boshqarmalari, qutqaruv xizmatlari va boshqalar), mahalliy davlat hokimiyati organlarini, shuningdek fuqarolarning o'zini-o'zi boshqarish organlari va aholini xavfli ishlab chiqarish obyektidagi avariya to'g'risida o'z vaqtida belgilangan tartibda xabardor qilishi;”.

2. 6-band quyidagi tahrirda bayon etilsin:

“6. Xavfli ishlab chiqarish obyektidagi avariya sabablarini texnik jihattan tekshirish tegishliligi bo'yicha O'zbekiston Respublikasi Vazirlar Mahkamasi huzuridagi Sanoat, radiatsiya va yadro xavfsizligi qo'mitasi raisining yoki Tog'-kon sanoati va geologiya vazirligi huzuridagi Tog'-kon sanoati va geologiya sohasini nazorat qilish inspeksiyasi boshlig'ining buyrug'i bilan tashkil etiladigan

va Qo‘mita yoki Tog‘-kon sanoati va geologiya sohasini nazorat qilish inspeksiyasi vakili boshchilik qiladigan Xavfli ishlab chiqarish obyektidagi avariya sabablarini texnik jihatdan tekshiruvchi komissiya (bundan buyon matnda Komissiya deb yuritiladi) tomonidan amalga oshiriladi.”.

3. 10-band quyidagi tahrirda bayon etilsin:

“10. Avariyaning texnik jihatdan tekshirish muddati xavfli ishlab chiqarish obyektidagi avariya sabablarini texnik jihatdan tekshirish bo‘yicha tegishli buyruq qabul qilingan kundan boshlab 15 kundan oshmasligi lozim. Yuz bergan avariyaning qo‘shimcha ravishda o‘rganish talab etilgan hollarda, texnik jihatdan tekshirish muddati Komissiya raisining asoslantirilgan yozma murojaatiga asosan tegishliligi bo‘yicha O‘zbekiston Respublikasi Vazirlar Mahkamasi huzuridagi Sanoat, radiatsiya va yadro xavfsizligi qo‘mitasi raisi yoki Tog‘-kon sanoati va geologiya vazirligi huzuridagi Tog‘-kon sanoati va geologiya sohasini nazorat qilish inspeksiyasi boshlig‘i tomonidan tekshirish muddati qo‘shimcha ravishda 15 kungacha uzaytirilishi mumkin.”.

O‘ZBEKISTON RESPUBLIKASI
MARKAZIY BANKI BOSHQARUVINING
QARORI

788 Tijorat banklarida kassa ishini tashkil etish, naqd pul va boshqa qimmatliklarni inkassatsiya qilishga doir yo‘riqnomaga qo‘shimcha va o‘zgartirishlar kiritish haqida*

*O‘zbekiston Respublikasi Adliya vazirligi tomonidan 2025-yil
11-dekabrda ro‘yxatdan o‘tkazildi, ro‘yxat raqami 3028-10*

O‘zbekiston Respublikasining “O‘zbekiston Respublikasining Markaziy banki to‘g‘risida”gi hamda “Banklar va bank faoliyati to‘g‘risida”gi qonunlariga muvofiq O‘zbekiston Respublikasi Markaziy banki boshqaruvi **qaror qiladi:**

1. O‘zbekiston Respublikasi Markaziy banki boshqaruvining 2018-yil 28-apreldagi 16/21-son qarori (ro‘yxat raqami 3028, 2018-yil 29-iyun) (Qonun hujjatlari ma‘lumotlari milliy bazasi, 02.07.2018-y., 10/18/3028/1418-son) bilan tasdiqlangan Tijorat banklarida kassa ishini tashkil etish, naqd pul va boshqa qimmatliklarni inkassatsiya qilishga doir yo‘riqnomaga ilovaga muvofiq qo‘shimcha va o‘zgartirishlar kiritilsin.

2. Mazkur qaror rasmiy e‘lon qilingan kundan e‘tiboran kuchga kiradi

Rais

T. ISHMETOV

Toshkent sh.,
2025-yil 21-noyabr,
31/4-son

O‘zbekiston Respublikasi
Markaziy banki boshqaruvining 2025-yil
21-noyabrdagi 31/4-son qaroriga
ILOVA

Tijorat banklarida kassa ishini tashkil etish, naqd pul va boshqa qimmatliklarni inkassatsiya qilishga doir yo‘riqnomaga kiritilayotgan qo‘shimcha va o‘zgartirishlar

1. 1-bandda:

quyidagi mazmundagi o‘n oltinchi xatboshi bilan to‘ldirilsin:

“**plombalash** — naqd pul va boshqa qimmatliklarni tashishda inkassatsiya sumkasi (qopi) va bankomat kassetalariga hamda naqd pullar joylangan temir shkaf va seyflarga bir martalik raqamlangan shtrix yoki QR kodli plastik plomba, shuningdek shpagat ip, qo‘rg‘oshin va plombirator yordamida plomba o‘rnatish;”.

o‘n oltinchi — yigirma birinchi xatboshilar tegishli ravishda o‘n yettinchi — yigirma ikkinchi xatboshilar deb hisoblansin.

* Ushbu qaror «Qonunchilik ma‘lumotlari milliy bazasi»da 2025-yil 16-dekabrda e‘lon qilingan.

2. 13-band quyidagi tahrirda bayon etilsin:

“13. Bank kassasi orqali xo‘jalik yurituvchi subyektlarga kassa xizmatlarini ko‘rsatishda kassa xodimi tomonidan kirim va chiqim kassa amallari:

kassa xodimiga bunday amallarni bajarish bo‘yicha vakolat berilgan hollarda mustaqil bajarilishi;

kassa xodimiga bunday amallarni bajarish bo‘yicha vakolat berilmagan hollarda bankning mas‘ul xodimi ruxsati asosida bajarilishi mumkin.”.

3. 56-bandning birinchi va ikkinchi xatboshilari quyidagi tahrirda bayon etilsin:

“56. Kassir mijozga naqd pullarni o‘rami buzilmagan to‘liq bog‘lamlar bo‘yicha chiqim qilganida, banknotlarni birma-bir qayta sanamagan holda, ustki nakladkada ko‘rsatilgan summalarga qarab chiqim qiladi.

Mijozga o‘rami buzilmagan to‘liq bog‘lamdan tegishli dastalarni olib berish zarur bo‘lsa, unda kassir pul bog‘lami joylashtirilgan polietilen paketdagi kassirning shaxsiy klishe raqamlari bosilgan kafolat chokini kesmagan holda paketni naqd pullarni oluvchi mijozning ko‘z oldida qirqishi lozim.”.

4. 61-band quyidagi tahrirda bayon etilsin:

“61. Bank mijozi kassadan olgan naqd pullarini maxsus ajratilgan joyda yoki xonada, bank kassa xodimining kuzatuvi ostida, birma-bir qayta sanab olishi mumkin. Bunday hollarda chiqim kassasi kassiri mijozga berayotgan naqd pul bog‘lamlarining polietilen paketidagi kafolat choklarini kesmasdan mijozga beradi. Mijoz tomonidan naqd pullarni birma-bir sanab olish vaqtida, jarayonni kuzatib turgan bank kassa xodimi polietilen paketlarning kafolat choklari va banderollarning to‘liq saqlanishini kuzatib turishi lozim.”.

5. 72-bandning oltinchi xatboshisi quyidagi tahrirda bayon etilsin:

“mazkur Yo‘riqnomaning 15-ilovasiga muvofiq inkassatorlar guruhiga berilgan bo‘sh sumkalar (qoplar) soni to‘g‘risida ma‘lumotnomani taqdim etishi lozim.”.

6. 73-bandning birinchi xatboshisi quyidagi tahrirda bayon etilsin:

“73. Kechki kassaning buxgalter-nazoratchisi inkassatorlar guruhidan qabul qilib olgan yuk xatlari va tashrif varaqalaridagi yozuvlarni bir-biriga mos kelishini tekshirib ko‘rishi shart. Shundan so‘ng, buxgalter-nazoratchi mazkur Yo‘riqnomaning 18-ilovasiga muvofiq bank kassasiga qabul qilingan naqd pul tushumlari solingan va bo‘sh inkassatsiya sumkalari (qoplari) to‘g‘risida ma‘lumotnomaning tegishli qismini uch nusxada rasmiylashtirib, unga:”.

7. 74-bandning birinchi xatboshisidagi “16-ilovasida keltirilgan jurnal shaklining” degan so‘zlar “18-ilovasida keltirilgan ma‘lumotnomaning” degan so‘zlar bilan almashtirilsin.

8. 75-band quyidagi tahrirda bayon etilsin:

“75. Kechki kassaning buxgalter-nazoratchisi inkassatorlar guruhi tomonidan kechki kassaga topshirilayotgan sumkalar (qoplar) sonini inkassatorlar guruhiga berilgan bo‘sh sumkalar (qoplar) soni to‘g‘risida ma‘lumotnomada ko‘rsatilgan raqamlarga mos kelishini tekshirib bo‘lganidan so‘ng, rasmiylashtirilgan 18-ilovadagi ma‘lumotnomaning bir nusxasini va tashrif varaqalarini inkassatorlar guruhiga qaytarib beradi.”.

9. 76-bandning ikkinchi va uchinchi xatboshilari quyidagi tahrirda bayon etilsin:

“inkassatsiya sumkasiga (qopiga) bosilgan plombir izining aniqligini va tasdiqlangan namunaga mos kelishini (bir martalik raqamlangan plastik plombaning shtrix yoki QR kodini skanerlab) tekshirishi;

inkassatsiya sumkasining (qopining), plomba izi tushirilgan tizimchaning (bir martalik raqamlangan shtrix yoki QR kodli plastik plombaning) biron-bir joyi shikastlanmaganligini qarab chiqishi;”.

10. 78-banddan “va tashrif varaqalarining” degan soʻzlar chiqarib tashlansin.

11. 79-bandda:

birinchi xatboshi quyidagi tahrirda bayon etilsin:

“79. Kechki kassa kassiri bank kassasiga qabul qilingan naqd pul tushumlari solingan va boʻsh inkassatsiya sumkalari (qoplari) va ularning hujjatlarini buxgalter-nazoratchining kuzatuvi ostida kechki kassaning pul omboridagi seyfga (temir shkafga) joylashtiradi. Pul omboridagi seyf (temir shkaf) kassir va buxgalter-nazoratchining kalitlari bilan qulflanadi. Shuningdek, kechki kassa pul omborining eshigi ham ikkita kalit bilan qulflanib, ikkita muhr bilan muhrlanadi.”;

ikkinchi xatboshidagi “Milliy gvardiyasining qoʻriqlash xizmati” degan soʻzlar “Ichki ishlar vazirligi huzuridagi Qoʻriqlash departamenti” degan soʻzlar bilan almashtirilsin.

12. 80-bandning birinchi xatboshisi quyidagi tahrirda bayon etilsin:

“80. Bankning kechki kassasi xodimlari inkassatorlar guruhidan naqd pul tushumlari solingan inkassatsiya sumkalarini (qoplarini) qabul qilish jarayonida sumkaning (qopning) nuqsonli ekanligi (bosilgan plombir izining aniq emasligi yoki tasdiqlangan namunaga mos kelmasligi (bir martalik raqamlangan plastik plombaning shtrixi yoki QR kodi skanerlanganda tegishli rekvizitlarni oʻqish imkoniyati mavjud emasligi yoki oʻqilgan yozuvlarning namunaga muvofiq emasligi), shuningdek inkassatsiya sumkasida (qopida) va (yoki) undagi plombada biron-bir tashqi shikastlanishlar mavjudligi, inkassatsiya sumkasining (qopining) raqamini uning yuk xatida koʻrsatilgan raqamga mos kelmasligi, tashrif varaqasida va sumkaning (qopning) yuk xatida koʻrsatilgan naqd pul tushumi summasini bir-biriga mos kelmasligi) aniqlansa, bunday holatlar haqida bank kassasi mudiriga xabar berilishi lozim.”.

13. 81-bandning ikkinchi xatboshisi “plombadan ajratilmagan” degan soʻzlardan keyin “(bir martalik raqamlangan shtrix yoki QR kodli plastik plomba saqlangan)” degan soʻzlar bilan toʻldirilsin.

14. 82-band quyidagi tahrirda bayon etilsin:

“82. Kechki kassaga inkassatorlar guruhidan barcha inkassatsiya yoʻnalishlari boʻyicha qabul qilingan mijozlarning naqd pul tushumlari solingan va boʻsh sumkalarini (qoplarini) keyingi ish kuni ertalab qayta sanash kassasiga topshirishdan avval, kechki kassa buxgalter-nazoratchisi tomonidan mazkur Yoʻriqnomaning 18-ilovasidagi maʼlumotnomaning kechki kassada qolgan ikkita nusxasining tegishli qismlari toʻldiriladi.”.

15. 83-bandda:

birinchi xatboshi chiqarib tashlansin;

ikkinchi va uchinchi xatboshilar tegishli ravishda birinchi va ikkinchi xatboshilar deb hisoblansin;

birinchi xatboshi quyidagi tahrirda bayon etilsin:

“83. Bank kechki kassasi xodimlari tomonidan mazkur Yo‘riqnomaning 18-ilovasidagi ma‘lumotnomaning bir nusxasini, shuningdek inkassatsiya qilingan naqd pul tushumlari solingan hamda bo‘sh sumkalar (qoplar) qayta sanash kassasining nazoratchisiga keyingi bank ish kuni ertalab mazkur Yo‘riqnomaning 94 va 95-bandlarida belgilangan tartibda topshiriladi.”

16. 94 va 95-bandlar quyidagi tahrirda bayon etilsin:

“94. Bank ish kuni boshida qayta sanash kassasi nazoratchisi, kechki kassa xodimlaridan naqd pul tushumlari solingan va bo‘sh sumkalarni (qoplarni) qabul qilib olish vaqtida, kechki kassa pul omborining oldidagi xonada boshqa kassa xodimlarining yoki begona shaxslarning bo‘lishi taqiqlanadi.

Kechki kassa xodimlari kechki kassa pul omborining oldidagi xonada mazkur Yo‘riqnomaning 15-ilovasida keltirilgan ma‘lumotnoma (bir nusxada) hamda 18-ilovasida keltirilgan ma‘lumotnomani (ikki nusxada) ularda qayd etilgan yozuvlarning o‘zaro mosligini tekshirish uchun qayta sanash kassasi nazoratchisiga beradi.

Ushbu hujjatlarda qayd etilgan ma‘lumotlar o‘rtasida tafovut aniqlanmasa, qayta sanash kassasining nazoratchisi mazkur Yo‘riqnomaning 18-ilovasida keltirilgan ma‘lumotnomaning ikkala nusxasining tegishli qismiga imzo qo‘ygan holda uning bir nusxasini va 15-ilovada keltirilgan ma‘lumotnomani kechki kassa xodimlaridan qabul qilib oladi.

Mazkur Yo‘riqnomaning 18-ilovasida keltirilgan ma‘lumotnomaning bir nusxasi kechki kassada bir yil saqlanib, shundan so‘ng bank maxsus komissiyasi xodimlari ishtirokida belgilangan tartibda yo‘q qilinishi lozim.

95. Qayta sanash kassasining nazoratchisi kechki kassa xodimlaridan har bir inkassatsiya sumkalarini (qoplarini) qabul qilishda:

har bir sumka (qop) raqamining hamda umumiy sonining mazkur Yo‘riqnomaning 15 va 18-ilovalarida keltirilgan ma‘lumotnomalarda qayd etilgan yozuvlarga mos kelishini;

mazkur Yo‘riqnomaning 76-bandida belgilangan tartibda naqd pul tushumlari solingan har bir inkassatsiya sumkasini (qopini) birma-bir tekshirishi lozim.”

17. 96-bandning ikkinchi xatboshisi quyidagi tahrirda bayon etilsin:

“Bunda mazkur Yo‘riqnomaning 18-ilovasida keltirilgan ma‘lumotnomaning tegishli qismi ikki nusxada to‘ldirilgan holda imzolanadi hamda uning bir nusxasi qayta sanash kassasi nazoratchisining muhri bilan muhrlangan holda inkassatorlar guruhiga beriladi. Ushbu ma‘lumotnomaning ikkinchi nusxasiga inkassatorlar guruhining muhri bosiladi va qayta sanash kassasi nazoratchisiga beriladi.”

18. 97-banddagi “ma‘lumotnomani bir nusxada to‘ldiriladi” degan so‘zlar “ma‘lumotnomaning tegishli qismi bir nusxada to‘ldiriladi” degan so‘zlar bilan almashtirilsin.

19. 100-bandning ikkinchi xatboshisi quyidagi tahrirda bayon etilsin:

“Nazoratchining kuzatuv ostida kassir inkassatsiya sumkasidagi (qopidagi) plombalangan tizimchanning (bir martalik raqamlangan shtrix yoki QR kodli plastik

plombaning) bir tomonini qirqib, sumkani (qopni) ochadi hamda uning ichidan naqd pul va boshqa qimmatliklarni oladi. Bo'sh sumka (qop) nazoratchiga qaytariladi. Kassir naqd pul va boshqa qimmatliklarni qayta sanashni yakunlaguniga qadar, sumkaning (qopning) plombali tizimchasini (bir martalik raqamlangan shtrix yoki QR kodli plastik plombani) o'zida saqlashi lozim.”.

20. 106-band quyidagi tahrirda bayon etilsin:

“106. Bankning kirim, chiqim yoki chakana amaliyot kassalari kassirlari tomonidan o'rab-bog'langan hamda bank bo'linmasi pul omborida saqlanayotgan naqd pul bog'lamlarini qayta sanash kassasi kassirlari qayta sanashi mumkin.”.

21. 116-bandda:

birinchi xatboshi quyidagi tahrirda bayon etilsin:

“116. Qayta sanash kassasining nazoratchisi 176-shakldagi nazorat qaydnomasini, kassirlarning 175-shakldagi nazorat varaqalarini, inkassatsiya sumkalarining (qoplarining) ilova qaydnomalarini, shuningdek mazkur Yo'riqnomaning 15 va 18-ilovalarida keltirilgan ma'lumotnomalarni hamda 17-ilovasida keltirilgan dalolatnomani kassa mudiriga topshiradi.”;

uchinchi xatboshi quyidagi tahrirda bayon etilsin:

“mazkur Yo'riqnomaning 15 va 18-ilovalarida keltirilgan ma'lumotnomalarda qayd etilgan yozuvlarni o'zaro taqqoslagan holda, inkassatsiya sumkalari (qoplari) bank kassasiga to'liq topshirilganligini tekshirib ko'radi”.

22. 117 va 118-bandlar quyidagi tahrirda bayon etilsin:

“117. Kassa mudiri mazkur Yo'riqnomaning 15 va 18-ilovalarida keltirilgan ma'lumotnomalarni, 17-ilovaga muvofiq shaklda tuzilgan dalolatnomani, 176-shakldagi nazorat qaydnomasini hamda inkassatsiya sumkalarining (qoplarining) ilova qaydnomalarini bank bosh buxgalteriga (yoki uning o'rinbosariga) topshiradi.

118. Bosh buxgalter (yoki uning o'rinbosari) mazkur Yo'riqnomaning 15 va 18-ilovalarida keltirilgan ma'lumotnomalarda qayd etilgan yozuvlarni hamda aniqlangan kassa xatoliklari bo'yicha mazkur Yo'riqnomaning 17-ilovasiga muvofiq tuzilgan dalolatnomada qayd etilgan summalarni inobatga olgan holda naqd pullar summasini nazoratchining 176-shakldagi nazorat qaydnomasidagi yozuvlar bilan taqqoslaydi.

Tafovut aniqlanmasa, bosh buxgalter (yoki uning o'rinbosari) mazkur Yo'riqnomaning 18-ilovasida keltirilgan ma'lumotnomani imzolaydi. So'ngra, kunlik kassa hujjatlariga tikish uchun naqd pul tushumlari solingan sumkaning (qopning) ilova qaydnomasini, mazkur Yo'riqnomaning 15 va 18-ilovalaridagi ma'lumotnomalarni, 176-shakldagi naqd pul va boshqa qimmatliklarni qayta sanash natijalari bo'yicha nazorat qaydnomasini kassa mudiriga topshiradi.”.

23. 121-bandda:

birinchi xatboshi quyidagi tahrirda bayon etilsin:

“121. Qayta sanash kassasining nazoratchisi bo'shatilgan inkassatsiya sumkalarini (qoplarini), ular uchun ajratilgan maxsus joyga (xonaga) inkassatsiya xodimlariga keyingi kunda topshirish uchun tayyorlab qo'yadi. Bank va inkassatsiya bo'limi o'rtasida tuzilgan shartnomada belgilangan vaqtda bo'sh inkassatsiya sumkalarini (qoplarini) qayta sanash kassasining

nazoratchisi tomonidan inkassatorlar guruhiga topshirish mazkur Yo'riqnomaning 15-ilovasiga muvofiq shakldagi ma'lumotnomada tegishli yozuvlarni qayd etish hamda inkassatorlar guruhi rahbarining tasdiqlovchi imzosini qo'yilishi asosida amalga oshiriladi.”;

uchinchi xatboshidagi “24-ilovasida keltirilgan kitobga qayd etilgan” degan so'zlar “15-ilovasida keltirilgan ma'lumotnomada qayd etilgan” degan so'zlar bilan almashtirilsin.

24. 127-bandda:

ikkinchi xatboshi “bog'lam ustiga va ostiga” degan so'zlardan keyin “, bog'lamdagi banknotlar o'lchamiga mos keluvchi” degan so'zlar bilan to'ldirilsin; uchinchi xatboshi chiqarib tashlansin.

25. 130-band quyidagi tahrirda bayon etilsin:

“130. Banknotlar bog'lamini polietilen paketlarga joylashtirishdan oldin banknotlarning har bir dastasi bitta ko'ndalang banderol bilan o'rab-bog'lanadi.

O'rab-bog'langan banknot dastalari banderoliga mazkur Yo'riqnomaning 127 va 128-bandlarida belgilangan zaruriy rekvizitlar qayd etilishi shart.”.

26. 132-bandda:

ikkinchi xatboshi chiqarib tashlansin;

uchinchi — yettinchi xatboshilar tegishli ravishda ikkinchi — oltinchi xatboshilar deb hisoblansin.

27. 133-band quyidagi tahrirda bayon etilsin:

“133. “Davlat belgisi” mas'uliyati cheklangan jamiyati (bundan buyon matnda “Davlat belgisi” MCHJ deb yuritiladi) o'ramlaridagi naqd pullar 100 donadan dastalanib, bitta ko'ndalang banderolga o'rab-bog'langan bo'ladi. Har bir bog'lam 10 ta dastadan iborat bo'lib, uning ustki nakladkasiga “Davlat belgisi” MCHJning nomi, banknotning nominal qiymati, bog'lamdagi banknotlarning umumiy summasi, bog'lam shakllantirilgan sana va nazoratchining familiyasi, ismi, otasining ismi yoki uning kodi kabi rekvizitlar bosilgan bo'lib, bog'lamlar polietilen paketlarga joylangan bo'ladi.”.

28. 134-bandning ikkinchi xatboshisi quyidagi tahrirda bayon etilsin:

“Har bir qopchani og'zi tuguni va titilgan joyi bo'lmagan tizimcha (bir martalik raqamlangan shtrix yoki QR kodli plastik plomba) bilan 2,5 aylanishda mahkam bog'lanadi. Tizimchadan foydalanilganida og'zi bog'langan qopcha plombir bilan plombalanadi. Tangali qopchalarga birlashtirilgan yorliqlarga bank nomi, kodi, o'rab-bog'langan sana, tanganing nominal qiymati va umumiy summasi yozilib, kassir imzosi qo'yiladi. Shundan so'ng, yorliqqa kassirning familiyasi, ismi va otasining ismi ko'rsatilgan to'rtburchak muhri bosiladi.”.

29. 135-band quyidagi tahrirda bayon etilsin:

“135. Aylanma kassadagi tangali qopchalarga kartondan tayyorlangan yorliqlar birlashtirilishi mumkin. Yorliqlardan tizimcha (bir martalik raqamlangan shtrix yoki QR kodli plastik plomba) uchlari o'tkazilganidan so'ng siqib bog'lanadi, plombalanadi. Inkassatorlar guruhiga topshirilayotgan tangali qopchani og'zida matodan tayyorlangan yorliq bo'lishi lozim.”.

30. 136-bandning birinchi xatboshisi, 212-bandning to'rtinchi xatboshisi, 215-bandning birinchi xatboshisi hamda mazkur Yo'riqnomaga 21-ilovani matni

va 25-ilovaning sakkizinchi bandidagi “DUK” qisqartmasi “MCHJ” qisqartmasi bilan almashtirilsin.

31. 139-band quyidagi tahrirda bayon etilsin:

“139. Qopchadagi tangananing bir qismi olingan yoki unga qo‘shimcha tangalar solingan hollarda tangalar qoldig‘i donalab sanalishi, paketdagi qadoqlangan tangalar esa, yozuvlariga qarab qayta sanalishi shart. Shundan so‘ng, qopchaga yangi yorliq biriktiriladi. Bunda qopchanning og‘zi tuguni va tugilgan joyi bo‘lmagan tizimcha (bir martalik raqamlangan shtrix yoki QR kodli plastik plomba) bilan 2,5 aylanishda mahkam bog‘lanib, qopcha qayta plombalanadi va yorliqqa tangani sanagan kassirning imzosi qo‘yiladi.”

32. 145-bandning ikkinchi xatboshisi quyidagi tahrirda bayon etilsin:

“ularni qopga (yoki paketga) joylab, qopning og‘zi belgilangan tartibda bog‘langan (yoki paketlarning og‘zi yelimgan) hamda mijozning muhri bilan muhrlangan (surg‘uchlangan) yoki mijoz tomonidan plombalangan;”

33. 159-bandning ikkinchi xatboshisidagi “Milliy gvardiyasi qo‘riqlash xizmati” degan so‘zlar “Ichki ishlar vazirligi huzuridagi Qo‘riqlash departamenti” degan so‘zlar bilan almashtirilsin.

34. 163-bandda:

ikkinchi xatboshi quyidagi tahrirda bayon etilsin:

“Bank (filial) tomonidan boshqa hududda (yoki hududdagi boshqa tumanda, shaharda) kassalar tashkil etilgan hollarda, bank ish kuni oxirida ushbu kassalardagi limitdan ortiqcha naqd pullar va boshqa qimmatliklar qoldiqlari hamda kunlik kassa hujjatlari, tomonlar o‘rtasida o‘zaro tuzilgan shartnomaga asosan ushbu kassa joylashgan hududdagi bank filialiga, “Respublika maxsus aloqa bog‘lamasi” davlat unitar korxonasiga (bundan buyon matnda “Respublika maxsus aloqa bog‘lamasi” DUK deb yuritiladi) yoki inkassatsiya xizmatiga saqlash uchun topshiriladi.”;

to‘rtinchi xatboshi quyidagi tahrirda bayon etilsin:

“Bank (filial) binosidan tashqarida tashkil etilgan kassa xodimlari amaliyot kuni yakunida qolgan limitdan ortiqcha naqd pul va boshqa qimmatliklar qoldig‘iga chiqim kassa orderini rasmiylashtirib, 10109 — “Yo‘ldagi naqd pullar va boshqa to‘lov hujjatlari” hisobvarag‘ida aks ettiradi. Bunda, naqd pul va boshqa qimmatliklar qoldig‘ini saqlash uchun topshirish bevosita inkassatsiya guruhi a‘zolari tomonidan, shuningdek o‘zaro shartnomaga asosan inkassatsiya xizmati, O‘zbekiston Respublikasi Ichki ishlar vazirligi huzuridagi Qo‘riqlash departamenti (bank avtomashinasidan foydalangan holda) yoki “Respublika maxsus aloqa bog‘lamasi” DUK xizmati kuzatuvi ostida bank kassiri tomonidan amalga oshirilishi mumkin.”;

sakkizinchi, to‘qqizinchi va o‘ninchi xatboshilardagi “Milliy gvardiyasining qo‘riqlash xizmati” degan so‘zlar “Ichki ishlar vazirligi huzuridagi Qo‘riqlash departamenti” degan so‘zlar bilan almashtirilsin.

35. 170-bandning birinchi xatboshisidagi “Milliy gvardiyasining qo‘riqlash xizmati” degan so‘zlar “Ichki ishlar vazirligi huzuridagi Qo‘riqlash departamenti” degan so‘zlar bilan almashtirilsin.

36. 174-bandning birinchi xatboshisidagi “xodimining plombiri bilan” degan soʻzlar “xodimi tomonidan” degan soʻzlar bilan almashtirilsin.

37. 175-bandning ikkinchi xatboshisidan “ularni oʻzining plombiri bilan” degan soʻzlar chiqarib tashlansin.

38. 176-banddagi “Oʻzbekiston Respublikasi Milliy gvardiyasi xodimi” degan soʻzlar “ichki ishlar organi xodimi” degan soʻzlar bilan almashtirilsin.

39. 180-bandda:

ikkinchi xatboshi quyidagi tahrirda bayon etilsin:

“Kassa xodimi kassa mudiri ishtirokida kassetalardagi plombalarni ochib, naqd pullar qoldigʻini (texnik sabablarga koʻra bankomat lentalariga yoki boshqa qismlariga tiqilib qolgan va alohida paketlarga joylab olib kelingan banknotlar bilan birga) kassa mudiriga sanab topshiradi. Kassa mudiri kassirdan qabul qilib olgan naqd pullar qoldigʻini, slipda qayd etilgan naqd pullar qoldigʻi bilan taqqoslab koʻradi va kirim kassa orderini imzolab, qabul qilib oladi. Shundan soʻng, bankomatlardan naqd pullar olib kelinganligi boʻyicha rasmiylashtirilgan chiqim kassa orderini hamda naqd pullar qoldigʻi aks ettirilgan slipni kirim kassa orderiga ilova qilgan holda kunlik kassa hujjatlariga tikish uchun olib qoʻyadi.”;

quyidagi mazmundagi xatboshi bilan toʻldirilsin:

“Naqd pullar qoldigʻi va slipda qayd etilgan yozuvlar oʻrtasida tafovut aniqlansa, kassa mudiri holatni oʻrganib chiqish uchun bank boʻlinmasi rahbari va masʼul boʻlinmalarni xabardor qiladi.”.

40. 243-bandning birinchi xatboshisi quyidagi tahrirda bayon etilsin:

“243. Banknotlar bogʻlamini yoki tangalar solingan qoplarni muhrlash yoki plombalash uchun kassirlar va boshqa moddiy javobgar shaxslar bank nomi, kodi yoki tartib raqami tushirilgan shaxsiy plombir (bir martalik raqamlangan shtrix yoki QR kodli plastik plombalar) yoki klishe bilan taʼminlangan boʻlishlari lozim.”.

41. 266-bandning oltinchi xatboshisidagi “qirqib olinmagan plombali tizimcha (polietilen paket)” degan soʻzlar “polietilen paketdagi klishe izlarini” degan soʻzlar bilan almashtirilsin.

42. 268-bandda:

birinchi xatboshidagi “DUKning” va “DUKga” qisqartmalari tegishli ravishda “MCHJning” va “MCHJga” qisqartmalari bilan almashtirilsin;

ikkinchi xatboshi quyidagi tahrirda bayon etilsin:

“Davlat belgisi” MCHJning oʻramidagi naqd pullar boʻyicha tuzilgan 145-shakldagi dalolatnoma bilan birga taqdim etilgan ashyoviy dalillarga (pul bogʻlamining polietilen paketi, pul bogʻlamiga tegishli 10 ta banderol va ustki nakladka) asosan kamomad yoki nuqsonli pullar “Davlat belgisi” MCHJga taqdim etiladi. Bankda “Davlat belgisi” MCHJning oʻramidan aniqlangan kamomad yoki nuqsonli pullar “Davlat belgisi” MCHJ tomonidan naqd pulsiz hisob-kitob orqali qoplab beriladi.”;

uchinchi xatboshidagi “DUKning” qisqartmasi “MCHJning” qisqartmasi bilan almashtirilsin.

43. 269-bandning ikkinchi xatboshisi quyidagi tahrirda bayon etilsin:

“Qayta sanash kassasidagi naqd pul va boshqa qimmatliklar — mazkur

Yo'riqnomaning 14a-ilovasida keltirilgan shakldagi ilova qaydnomasida hamda 15 va 18-ilovalarida keltirilgan ma'lumotnomalar bilan taqqoslanadi.”.

44. 296-bandda:

to'rtinchi xatboshidagi “DUKga” qisqartmasi “MCHJga” qisqartmasi bilan almashtirilsin;

beshinchi va yettinchi xatboshilardagi “DUK” qisqartmasi “MCHJ” qisqartmasi bilan almashtirilsin.

45. 305-banddagi “Markaziy bankning “Respublika inkassatsiya xizmati” davlat unitar korxonasi” degan so'zlar “Respublika inkassatsiya xizmati” mas'uliyati cheklangan jamiyati” degan so'zlar bilan almashtirilsin.

46. 324-band o'z kuchini yo'qotgan deb topilsin.

47. 326-bandda:

quyidagi mazmundagi birinchi xatboshi bilan to'ldirilsin:

“326. “Davlat belgisi” MCHJ tomonidan ishlab chiqarilgan naqd pul va boshqa qimmatliklarni HKKMga (aksiz markalarini Agrobankning tegishli mintaqaviy bo'linmalariga) tashish O'zbekiston Respublikasi Markaziy bankining farmoyishlariga asosan amalga oshiriladi.”;

birinchi — uchinchi xatboshilar tegishli ravishda ikkinchi — to'rtinchi xatboshilar deb hisoblansin;

ikkinchi xatboshidagi “326. Markaziy bankning” degan so'zlar “Markaziy bankning” bilan almashtirilsin.

48. 327-bandda:

to'rtinchi xatboshi quyidagi tahrirda bayon etilsin:

“Bankning moddiy javobgar shaxslari tomonidan naqd pul va boshqa qimmatliklarni jo'natish yoki qabul qilib olish bilan bog'liq tayyorgarlik choralari o'z vaqtida ko'rishlari uchun ularga naqd pul va boshqa qimmatliklarni tashishga doir farmoyishlar inkassatorlar orqali yetib borguniga qadar elektron rasmiylashtirilgan (vakolatli shaxsning elektron (yoki QR-kodli) imzosi bilan imzolangan) farmoyishlar maxsus dasturiy ta'minot orqali yuboriladi.”;

beshinchi va oltinchi xatboshilar chiqarib tashlansin.

49. 333-bandning sakkizinchi xatboshisi quyidagi tahrirda bayon etilsin:

“har bir pul bog'lami joylashtirilgan paketdagi kafolat choklarining (klishe izlarining) mavjudligi va aniq ekanligini tekshirib qabul qilishlari lozim.”.

50. 334-bandning birinchi xatboshisidagi “tushirilganligi hamda, plomba bosilgan tizimchaning uzilmaganligini” degan so'zlar “tushirilganligi hamda plomba bosilgan tizimchaning (bir martalik raqamlangan shtrix yoki QR kodli plastik plombaning) uzilmaganligini” degan so'zlar bilan almashtirilsin.

51. 336-bandda:

birinchi xatboshi quyidagi tahrirda bayon etilsin:

“336. Inkassatorlar tomonidan naqd pul va boshqa qimmatliklar tashish uchun qabul qilib olinganida, kassa mudiri yoki uning ko'rsatmasiga binoan boshqa kassa xodimining nazorati ostida inkassatorlar ularni standart brezent qoplariga joylaydilar. Har bir qopning og'zi tikilib, tizimcha (bir martalik raqamlangan shtrix yoki QR kodli plastik plomba) bilan ikki yarim aylanishda siqib bog'lanadi. Qopning og'zi tizimcha bilan bog'langanida, uning bir uchi matodan tayyorlangan

yorliqdan o'tkazilib, yorliqda jo'natuvchi bank nomi, qopga solingan naqd pul va boshqa qimmatliklarning nominal qiymati hamda umumiy summasi, qopning o'rab-bog'langan sanasi ko'rsatilib, tizimchani uchlar mahkam bog'langan holda qop belgilangan tartibda plombalanadi.”;

quyidagi mazmundagi ikkinchi xatboshi bilan to'ldirilsin:

“Qopning og'zi bir martalik raqamlangan shtrix yoki QR kodli plastik plomba bilan bog'langanda, ikki yarim aylanishdan so'ng, plomba uchidan yorliq o'tkazilgan holda siqib bog'lanadi.”;

ikkinchi xatboshi uchinchi xatboshi deb hisoblansin.

52. 338-bandning ikkinchi xatboshisi “plomba izlarining” degan so'zlardan keyin “(bir martalik raqamlangan shtrix yoki QR kodli plastik plombani)” degan so'zlar bilan to'ldirilsin.

53. 340-banddagi “O'zbekiston Respublikasi Milliy gvardiyasi xodimi” degan so'zlar “ichki ishlar organi xodimi” degan so'zlar bilan almashtirilsin.

54. 344-bandda:

to'rtinchi xatboshi quyidagi tahrirda bayon etilsin:

“Naqd pul va boshqa qimmatliklarni inkassatorlar brigadasidan bank kassasiga qabul qilib olish jarayonida, banknotlar bog'lami joylashtirilgan polietilen paket yirtilganligi yoki undagi klishe izining aniq emasligi aniqlansa, ushbu bog'lamdagi naqd pul va boshqa qimmatliklar birma-bir, donalab sanalgan holda qabul qilinishi shart.”;

beshinci va oltinchi xatboshilar “qopning plombali tizimchasi” degan so'zlardan keyin “(bir martalik raqamlangan shtrix yoki QR kodli plastik plombani)” degan so'zlar bilan to'ldirilsin.

55. 15 va 18-ilovalar mazkur qo'shimcha va o'zgartirishlarning 1 va 2-ilovalariga* muvofiq tahrirda bayon etilsin.

56. 16, 23, 24 va 43-ilovalar o'z kuchini yo'qotgan deb topilsin.

* Ilovalar «Qonunchilik ma'lumotlari milliy bazasi»da e'lon qilingan.

O‘ZBEKISTON RESPUBLIKASI
IQTISODIYOT VA MOLIYA VAZIRINING
BUYRUG‘I

789 Davriy bojxona to‘lovlarini to‘lash grafigini to‘ldirish tartibi to‘g‘risidagi yo‘riqnomani tasdiqlash haqida*

*O‘zbekiston Respublikasi Adliya vazirligi tomonidan 2025-yil
12-dekabrda ro‘yxatdan o‘tkazildi, ro‘yxat raqami 3724*

O‘zbekiston Respublikasining Bojxona kodeksi hamda “Davlat bojxona xizmati to‘g‘risida”gi Qonuniga muvofiq **buyuraman:**

1. Davriy bojxona to‘lovlarini to‘lash grafigini to‘ldirish tartibi to‘g‘risidagi yo‘riqnoma ilovaga muvofiq tasdiqlansin.

2. Mazkur buyruq O‘zbekiston Respublikasi Prezidenti huzuridagi Tadbirkorlik subyektlarining huquqlari va qonuniy manfaatlarini himoya qilish bo‘yicha vakil hamda Savdo-sanoat palatasi bilan kelishilgan.

3. Ushbu buyruq rasmiy e‘lon qilingan kundan e‘tiboran uch oydan keyin kuchga kiradi.

Vazir

J. KUCHKAROV

Toshkent sh.,
2025-yil 1-dekabr,
304-son

Kelishildi:

*Tadbirkorlik subyektlarining huquqlari
va qonuniy manfaatlarini himoya qilish
bo‘yicha vakil o‘rinbosari*

J. URUNOV

2025-yil 14-noyabr

Savdo-sanoat palatasi raisi

D. VAXABOV

2025-yil 13-noyabr

* Ushbu buyruq «Qonunchilik ma‘lumotlari milliy bazasi»da 2025-yil 15-dekabrda e‘lon qilingan.

O'zbekiston Respublikasi
iqtisodiyot va moliya vazirining 2025-yil
1-dekabrda 304-son buyrug'iga
ILOVA

**Davriy bojxona to'lovlarini to'lash grafigini to'ldirish
tartibi to'g'risidagi
YO'RIQNOMA**

Mazkur Yo'riqnoma davriy bojxona to'lovlarini to'lash grafigini to'ldirish tartibini belgilaydi.

1-bob. Umumiy qoidalar

1. Ushbu Yo'riqnomada quyidagi asosiy tushunchalar qo'llaniladi:

bojxona organlari — O'zbekiston Respublikasi Iqtisodiyot va moliya vazirligi huzuridagi Bojxona qo'mitasining (bundan buyon matnda Bojxona qo'mitasi deb yuritiladi) markaziy apparati, Qoraqalpog'iston Respublikasi, viloyatlar va Toshkent shahar bojxona boshqarmalari, "Toshkent-AERO" ixtisoslashtirilgan bojxona kompleksi hamda bojxona postlari;

davriy bojxona to'lovlarini to'lash grafigi (bundan buyon matnda grafik deb yuritiladi) — vaqtincha olib kirish bojxona rejimiga joylashtirilgan tovarlarga nisbatan davriy bojxona to'lovlarini undirish to'g'risidagi ma'lumotlar ko'rsatilgan va deklaratsiyalovchi shaxs tomonidan bojxona organiga bojxona yuk deklaratsiyasi (bundan buyon matnda BYD deb yuritiladi) bilan birga taqdim etiladigan hujjat.

2. Grafik vaqtincha olib kirish bojxona rejimi BYDning ajralmas qismi hisoblanib, mazkur Yo'riqnomaning ilovasiga* muvofiq shaklda taqdim etiladi.

2-bob. Grafikni taqdim etish tartibi

3. Grafik deklaratsiyalovchi shaxs tomonidan quyidagi hollarda bojxona organiga taqdim etiladi:

tovarlarni vaqtincha olib kirish bojxona rejimiga joylashtirishda davriy bojxona to'lovlarini har oyda yoki yilning har choragida to'lashda;

bojxona to'lovlaridan shartli ozod etish bo'yicha berilgan imtiyozlarning amal qilish muddati tugashi munosabati bilan vaqtincha olib kirishning keyingi muddatida davriy bojxona to'lovlarini to'lash lozim bo'lganda.

4. BYD elektron shaklda bojxona organiga taqdim etilgan taqdirda grafik elektron shaklda taqdim etilishi lozim.

Elektron shaklda deklaratsiyalashda barcha ma'lumotlar grafikning tegishli grafalarida yoki ushbu grafa uchun ajratilgan detallashtirilgan jadvallarda to'liq ko'rsatiladi hamda boshqa grafalarga qo'shimcha ilova qilinadigan varaqlar yoki boshqa shu kabi havoalar qilinishiga yo'l qo'yilmaydi.

5. BYD qog'oz shaklda bojxona organiga taqdim etilgan taqdirda grafik

* Ilova «Qonunchilik ma'lumotlari milliy bazasi»da e'lon qilingan.

qog'oz shaklda to'rt nusxadan iborat A4 formatdagi varaqlarda taqdim etiladi hamda quyidagicha taqsimlanadi:

- birinchi nusxa — bojxona posti uchun;
- ikkinchi nusxa — deklaratsiyalovchi shaxs uchun;
- uchinchi va to'rtinchi nusxalar — deklarant uchun.

Bunda, grafikning har bir nusxasi deklaratsiyalovchi shaxs va bojxona organining mansabdor shaxsi tomonidan tasdiqlanadi.

Qog'oz shaklda to'ldirilgan grafik bo'yicha undirilishi lozim bo'lgan davriy bojxona to'lovlari to'g'risidagi ma'lumotlar bojxona organining xodimi tomonidan Bojxona qo'mitasining yagona avtomatlashtirilgan axborot tizimiga kiritiladi.

6. Grafik taqdim etilgandan so'ng bojxona organi BYD bilan bir vaqtda grafikning to'g'ri to'ldirilganligini dastlabki tekshiruvdan o'tkazadi.

Dastlabki tekshiruv natijasida kamchiliklar aniqlansa, bojxona organi xodimi ushbu kamchiliklarni BYD rasmiylashtirishuvi muddatlari doirasida bartaraf etish to'g'risida deklaratsiyalovchi shaxsni xabardor qiladi.

Grafikning dastlabki tekshiruv natijasida kamchiliklar aniqlanmasa, bojxona organi xodimi grafikni rasmiylashtirish uchun qabul qiladi.

Bojxona organi tomonidan grafik BYD bilan bir vaqtning o'zida rasmiylashtiriladi.

7. Grafikka o'zgartirish va (yoki) qo'shimchalar kiritish yangidan grafikni taqdim etish orqali quyidagi hollarda amalga oshiriladi:

- grafikni to'ldirishda xatoliklar aniqlanganda;
- vaqtincha olib kirilgan tovarlar qisman olib chiqilgan yoki boshqa bojxona rejimiga joylashtirilgan taqdirda yoxud boshqa shaxsga o'tkazilganda;
- davriy bojxona to'lovlari belgilangan davr uchun oldindan to'langanda;
- davriy bojxona to'lovlari ortiqcha to'langanlik fakti aniqlanganda;
- vaqtincha olib kirish bojxona rejimi muddatining amal qilishi tovarlar xatlanishi yoki olib qo'yilishi munosabati bilan vaqtincha to'xtatib turilganda. Bunda, tovarlardan taqiq olib tashlangan sanadan boshlab, davriy bojxona to'lovlari to'lash majburiyati tiklanadi hamda mazkur sanadan boshlab grafikka o'zgartirish va (yoki) qo'shimchalar kiritilishi lozim;

davriy bojxona to'lovlari bo'yicha qarzdorlik aniqlanganda.

8. Deklaratsiyalovchi shaxs quyidagi hollarda muddatidan oldin grafikni tugatish huquqiga ega:

- davriy bojxona to'lovlari to'liq to'langanda;
- vaqtincha olib kirilgan tovarlar to'liq olib chiqilgan yoki boshqa bojxona rejimlariga joylashtirilgan taqdirda yoxud boshqa shaxsga o'tkazilganda.

9. Grafik rasmiylashtirilganligi hamda unga o'zgartirish va (yoki) qo'shimchalar kiritilganligi uchun yig'im undirilmaydi.

10. Bojxona rasmiylashtiruv va bojxona nazorati yakunlangandan so'ng bojxona organlari tomonidan elektron grafik yoki qog'oz shakldagi grafikning birinchi nusxasi O'zbekiston Respublikasi Bojxona kodeksining 184-moddasida ko'rsatilgan muddat davomida saqlanishi ta'minlanadi.

11. Grafikni to'ldirishda Bojxona yuk deklaratsiyasini to'ldirish tartibi

to'g'risidagi yo'riqnomada (ro'yxat raqami 2773, 2016-yil 6-aprel) nazarda tutilgan tasniflagichlardan foydalaniladi.

3-bob. Grafikni to'ldirish tartibi

12. Deklaratsiyalovchi shaxs tomonidan grafikning 1, 2, 5 va "Imzo" grafalari to'ldiriladi.

13. Bojxona organi tomonidan grafikning 3, 4, 5-grafalari hamda "Bojxona belgilari uchun" maydonchasi to'ldiriladi.

14. Deklaratsiyalovchi shaxs tomonidan grafalarning to'ldirilishi:

1) 1-grafa. "Avvalgi grafikning ro'yxat raqami".

Mazkur grafada vaqtincha olib kirish bojxona rejimiga rasmiylashtirilgan tovarlar uchun muqaddam davriy bojxona to'lovlarini to'lash grafigi mavjud bo'lgan taqdirda, ushbu grafikning ro'yxat raqami ko'rsatiladi;

2) 2-grafa. "To'lov muddati turi".

Mazkur grafada to'lovchi tanloviga ko'ra davriy bojxona to'lovlarini to'lash muddatining quyidagi turlaridan biri ko'rsatiladi.

har oyda to'langanda "1" raqami ko'rsatiladi;

choraklik to'langanda "2" raqami ko'rsatiladi;

3) 5-grafa. "To'lov grafigi".

Mazkur grafada davriy bojxona to'lovlarini to'lash muddatlari aks etadi.

"Tartib raqami" ustunida davriy bojxona to'lovlari har oyda to'langanda oylar ketma-ketligining tartib raqami, agar choraklik to'langanda choraklar ketma-ketligining tartib raqami ko'rsatiladi.

"Faktura qiymati" ustunida deklaratsiyalanayotgan tovarlar turkumining umumiy faktura qiymati ko'rsatiladi. Umumiy faktura qiymati BYDning 42-grafalaridagi tovarlarning faktura qiymatlari yig'indisini tashkil qiladi.

"To'lov sanasi" ustunida davriy bojxona to'lovlarini to'lash muddati ko'rsatiladi.

Bunda, to'lov muddati turidan kelib chiqib, tovarlar vaqtincha olib kirish bojxona rejimida turgan davr boshlanishidan oldingi muddatning oxirgi sanasi ko'rsatiladi.

Masalan:

davriy bojxona to'lovlari har oy to'lanishi ma'lum qilinganda, 2025-yil iyun oyi uchun "To'lov sanasi" ustunida "31.05.2025" ko'rsatiladi.

davriy bojxona to'lovlari choraklik to'lanishi ma'lum qilinganda 2025-yilning 3-choragi uchun "To'lov sanasi" ustunida "30.06.2025" ko'rsatiladi.

"To'lov sanasi" ustunining birinchi qatorida bojxona organlariga grafik taqdim etilgan sana ko'rsatiladi.

"Valyuta kodi" ustunida BYDning 22-grafasida ko'rsatilgan valyutaning raqamli kodi ko'rsatiladi;

"Chet el valyutasidagi to'lov summasi" ustunida tegishli davr uchun to'lanishi lozim bo'lgan shartnoma valyutasidagi davriy bojxona to'lovlari summasi ko'rsatiladi.

Bunda, bojxona boji va soliqlar kodi Bojxona to'lovlari tasniflagichiga muvofiq alohida to'ldiriladi;

4) “Imzo” grafasi.

Ma'lumotlarning to'g'riligi elektron shaklda deklaratsiyalovchi shaxsning elektron raqamli imzosi yoki qog'oz shaklda deklaratsiyalovchi shaxsning imzosi bilan tasdiqlanadi.

15. Bojxona organi tomonidan grafalarning to'ldirilishi:

1) 3-grafa. “BYDning ro'yxat raqami”.

Mazkur grafada vaqtincha olib kirish bojxona rejimi rasmiylashtirilgan BYDning ro'yxat raqami ko'rsatiladi;

2) 4-grafa. “Grafikning ro'yxat raqami”.

Mazkur grafa avtomatlashtirilgan holda Bojxona qo'mitasining yagona avtomatlashtirilgan axborot tizimi tomonidan to'ldiriladi.

Grafada bojxona posti kodi, grafik qabul qilingan sana, grafik raqami quyidagi tartibda ko'rsatiladi:

99999 / 99.99.9999 / 99999

1-element — Bojxona postlari tasniflagichiga muvofiq deklaratsiyalovchi shaxs tomonidan BYD taqdim etiladigan bojxona postining beshta belgisi kodi;

2, 3 va 4-elementlar — grafik bojxona rasmiylashtiruv uchun qabul qilingan kun, oy va yil;

5-element — tegishli bojxona organi tomonidan rasmiylashtirilgan grafikning tartib raqami (joriy yilda o'sish tartibida, yil yakunlangach raqamlash yangidan boshlanadi). Grafikning tartib raqami qaytarilmasligi lozim;

3) 5-grafa. “To'lov grafisi”.

“To'langan sana” ustunida to'lovchi tomonidan davriy bojxona to'lovlari amalda to'langan sana ko'rsatiladi.

“Milliy valyutadagi kurs” ustunida mazkur grafaning “To'langan sanasi” ustunida ko'rsatilgan sanada “Valyuta kodi” ustunidagi O'zbekiston Respublikasi Markaziy banki tomonidan belgilangan valyutaning rasmiy ayirboshlash kursi ko'rsatiladi.

“Milliy valyutadagi davriy bojxona to'lovlari summasi” ustunida mazkur grafaning “To'lov sanasi” ustunida ko'rsatilgan sanada milliy valyutada to'lanishi lozim bo'lgan davriy bojxona to'lovlari summasi ko'rsatiladi.

Bunda, bojxona boji va soliqlar kodi Bojxona to'lovlari tasniflagichiga muvofiq alohida to'ldiriladi.

4) “Bojxona belgilari uchun” grafasi.

Elektron shakldagi grafikning mazkur grafasida bojxona organi tomonidan ushbu grafik yuzasidan qabul qilingan qaror to'g'risidagi bojxona organining belgilari (yozuvlari) ko'rsatiladi. Bojxona organi belgilari (yozuvlari) bojxona organi xodimining elektron raqamli imzosi bilan tasdiqlanadi, bundan avtomatlashtirilgan tarzda rasmiylashtirilgan BYDlar mustasno.

Qog'oz shakldagi grafikning mazkur grafasida bojxona organi tomonidan ushbu grafik yuzasidan qabul qilingan qaror to'g'risidagi bojxona organining shtampi va muhri hamda zarur hollarda boshqa belgilari qo'yiladi. Bojxona nazorati natijalari haqidagi shtamp ushbu grafik yuzasidan qaror qabul qilgan bojxona organi xodimining shaxsiy raqamli muhri bilan tasdiqlanadi.

O'ZBEKISTON RESPUBLIKASI
TRANSPORT VAZIRLIGI HUZURIDAGI FUQARO
AVIATSIYASI AGENTLIGI DIREKTORINING
BUYRUG'I

790 “Havo harakatidagi alohida vaziyatlar haqida havo kemalari ekipajlarining majburiy xabarnoma va bildirishnomalari shakllarini tasdiqlash to'g'risida”gi buyruqni o'z kuchini yo'qotgan deb topish haqida*

*O'zbekiston Respublikasi Adliya vazirligi tomonidan 2025-yil
12-dekabrda ro'yxatdan o'tkazildi, ro'yxat raqami 2661-1*

O'zbekiston Respublikasi Vazirlar Mahkamasining 2022-yil 17-noyabrdagi 660-son “Fuqaro havo kemalari bilan sodir bo'lgan aviatsiya hodisalarini O'zbekiston Respublikasida tekshirish qoidalarini tasdiqlash to'g'risida”gi hamda 2025-yil 7-oktabrdagi 628-son “Fuqaro havo kemalari bilan sodir bo'lgan aviatsiya hodisalarini O'zbekiston Respublikasida tekshirish qoidalariga aviatsiya hodisalarini tekshirish jarayonini fuqaro aviatsiyasi xalqaro standartlariga muvofiqlashtirishga qaratilgan o'zgartirish va qo'shimchalar kiritish to'g'risida”gi qarorlariga muvofiq **buyuraman:**

1. O'zbekiston Respublikasi Parvozlari xavfsizligini nazorat qilish davlat inspeksiyasi boshlig'ining 2015-yil 9-martdagi 60-n-son “Havo harakatidagi alohida vaziyatlar haqida havo kemalari ekipajlarining majburiy xabarnoma va bildirishnomalari shakllarini tasdiqlash to'g'risida”gi buyrug'i (ro'yxat raqami 2661, 2015-yil 17-mart) (O'zbekiston Respublikasi qonun hujjatlari to'plami, 2015-y., 11-son, 130-modda) o'z kuchini yo'qotgan deb topilsin.

2. Mazkur buyruq O'zbekiston Respublikasi Transport vazirligi, O'zbekiston Respublikasi Prezidenti huzuridagi Tadbirkorlik subyektlarining huquqlari va qonuniy manfaatlarini himoya qilish bo'yicha vakil hamda O'zbekiston Respublikasi Savdo-sanoat palatasi bilan kelishilgan.

3. Ushbu buyruq rasmiy e'lon qilingan kundan e'tiboran kuchga kiradi.

Direktor

T. NAZAROV

Toshkent sh.,
2025-yil 9-dekabr,
12-n-son

Kelishildi:

Transport vaziri

I. MAXKAMOV

2025-yil 6-dekabr

* Ushbu buyruq «Qonunchilik ma'lumotlari milliy bazasi»da 2025-yil 15-dekabrda e'lon qilingan.

*Tadbirkorlik subyektlarining huquqlari
va qonuniy manfaatlarini himoya qilish
bo'yicha vakil o'rinbosari*

2025-yil 7-dekabr

J. URUNOV

Savdo-sanoat palatasi raisi

2025-yil 5-dekabr

D. VAXABOV

O‘ZBEKISTON RESPUBLIKASI
MARKAZIY BANKI BOSHQARUVINING
QARORI

**791 Kapital harakati bilan bog‘liq ayrim valyuta operatsiyalarini
amalga oshirish tartibi to‘g‘risidagi nizomning 6¹-bandiga
qo‘shimcha kiritish haqida***

*O‘zbekiston Respublikasi Adliya vazirligi tomonidan 2025-yil
12-dekabrda ro‘yxatdan o‘tkazildi, ro‘yxat raqami 2536-2*

O‘zbekiston Respublikasining “O‘zbekiston Respublikasining Markaziy banki to‘g‘risida”gi va “Valyutani tartibga solish to‘g‘risida”gi qonunlari hamda O‘zbekiston Respublikasi Prezidentining 2025-yil 11-noyabrdagi PF–210-son “Amerika-O‘zbekiston ishbilarmonlik va investitsiya kengashini tashkil etish to‘g‘risida”gi Farmoniga muvofiq O‘zbekiston Respublikasi Markaziy banki boshqaruvi **qaror qiladi:**

1. O‘zbekiston Respublikasi Markaziy banki boshqaruvining 2013-yil 23-noyabrdagi 22/2-son qarori (ro‘yxat raqami 2536, 2013-yil 17-dekabr) (O‘zbekiston Respublikasi qonun hujjatlari to‘plami, 2013-y., 51-son, 670-modda) bilan tasdiqlangan Kapital harakati bilan bog‘liq ayrim valyuta operatsiyalarini amalga oshirish tartibi to‘g‘risidagi nizomning 6¹-bandi quyidagi mazmundagi beshinchi xatboshi bilan to‘ldirilsin:

“AQSHdagi xorijiy korxonalarining ustav fondini shakllantirish (yoki kapitalda ishtirok etish) uchun investitsiya faoliyati bo‘yicha rezidentlar operatsiyalari — O‘zbekiston Respublikasi banklaridagi rezidentlar hisobvaraqlaridan pul mablag‘larini o‘tkazish, AQSHdagi filiallarini aylanma mablag‘lar bilan to‘ldirish rezidentlar hisobvaraqlaridagi valyuta mablag‘lari doirasida amalga oshiriladi.”.

2. Mazkur qaror 2026-yil 1-yanvardan e‘tiboran kuchga kiradi.

Rais

T. ISHMETOV

Toshkent sh.,
2025-yil 11-dekabr,
33/1-son

* Ushbu qaror «Qonunchilik ma‘lumotlari milliy bazasi»da 2025-yil 16-dekabrda e‘lon qilingan.

**Ўзбекистон Республикаси Адлия вазирлигининг
вазирликлар, давлат қўмиталари ва идораларнинг
норматив-ҳуқуқий ҳужжатларини давлат рўйхатидан
ўтказиш ҳолати тўғрисида
МАЪЛУМОТИ**

1. Давлат рўйхатидан ўтказилди:

1. Ўзбекистон Республикаси адлия вазирининг 2025-йил 6-декабрдаги 27-мҳ-сон “Notariuslikka talabgorlar uchun Adliya vazirligi huzuridagi Yuridik kadrlarni qayta tayyorlash va malakasini oshirish institutida majburiy o‘quv kurslarini tashkil etish tartibi to‘g‘risidagi nizomni tasdiqlash haqida”gi buyrug‘i.

2025-йил 9-декабрда ро‘yxatdan o‘tkazildi, ро‘yxat raqami 3721.

2. Ўзбекистон Республикаси Олий та‘лим, fan va innovatsiyalar vazirining 2025-йил 2-декабрдаги 454-сон “Ўзбекистон Республикаси Davlat boshqaruvi akademiyasi magistraturasiga qabul qilishda test sinovlarini tashkil etish va o‘tkazish tartibi to‘g‘risidagi nizomni tasdiqlash haqida”gi buyruqni o‘z kuchini yo‘qotgan deb topish to‘g‘risida”gi buyrug‘i.

2025-йил 10-декабрда ро‘yxatdan o‘tkazildi, ро‘yxat raqami 2384-1.

3. Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитасининг 2025 йил 24 ноябрдаги 05/32-05/01-сон “Сирли мижоз” ва назорат хариди тадбирларини ўтказиш учун нодавлат нотижорат ташкилотларининг ходимларини ўқитиш ва уларга махсус сертификат бериш тартиби тўғрисидаги низомни тасдиқлаш ҳақида”ги қарори.

2025 йил 10 декабрда рўйхатдан ўтказилди, рўйхат рақами 3722.

4. Ўзбекистон Республикаси Иqtisodiyot va moliya vazirining 2025-йил 9-декабрдаги 308-сон “Ўзбекистон Республикаси budjet hisobining standarti (3-sonli BHS) “Budjet hisoboti”ning 155-bandiga o‘zgartirish kiritish haqida”gi buyrug‘i.

2025-йил 11-декабрда ро‘yxatdan o‘tkazildi, ро‘yxat raqami 3124-8.

5. Ўзбекистон Республикаси Milliy statistika qo‘mitasining 2025-йил 28-noyabrdagi 6-mb-сон “Statistika hisoboti shakllarini tasdiqlash to‘g‘risida”gi qarori.

2025-йил 11-декабрда ро‘yxatdan o‘tkazildi, ро‘yxat raqami 3723.

6. Ўзбекистон Республикаси Vazirlar Mahkamasi huzuridagi Sanoat, radiatsiya va yadro xavfsizligi qo‘mitasining 2025-йил 1-декабрдаги 27-сон “Xavfli ishlab chiqarish obyektlaridagi avariyalarni texnik jihatdan tekshirish tartibi to‘g‘risidagi nizomga o‘zgartirishlar kiritish haqida”gi qarori.

2025-йил 11-декабрда ро‘yxatdan o‘tkazildi, ро‘yxat raqami 2558-4.

7. O'zbekiston Respublikasi Markaziy banki boshqaruvining 2025-yil 21-noyabrdagi 31/4-son "Tijorat banklarida kassa ishini tashkil etish, naqd pul va boshqa qimmatliklarni inkassatsiya qilishga doir yo'riqnomaga qo'shimcha va o'zgartirishlar kiritish haqida"gi qarori.

2025-yil 11-dekabrda ro'yxatdan o'tkazildi, ro'yxat raqami 3028-10.

8. O'zbekiston Respublikasi iqtisodiyot va moliya vazirining 2025-yil 1-dekabrda 304-son "Davriy bojxona to'lovlarini to'lash grafiginini to'ldirish tartibi to'g'risidagi yo'riqnomani tasdiqlash haqida"gi buyrug'i.

2025-yil 12-dekabrda ro'yxatdan o'tkazildi, ro'yxat raqami 3724.

9. O'zbekiston Respublikasi Transport vazirligi huzuridagi Fuqaro aviatsiyasi agentligi direktorining "Havo harakatidagi alohida vaziyatlar haqida havo kemalari ekipajlarining majburiy xabarnoma va bildirishnomalari shakllarini tasdiqlash to'g'risida"gi buyruqni o'z kuchini yo'qotgan deb topish haqida"gi buyrug'i.

2025-yil 12-dekabrda ro'yxatdan o'tkazildi, ro'yxat raqami 2661-1.

10. O'zbekiston Respublikasi Markaziy banki Boshqaruvining 2025-yil 11-dekabrda 33/1-son "Kapital harakati bilan bog'liq ayrim valyuta operatsiyalarini amalga oshirish tartibi to'g'risidagi nizomning 6¹-bandiga qo'shimcha kiritish haqida"gi qarori.

2025-yil 12-dekabrda ro'yxatdan o'tkazildi, ro'yxat raqami 2536-2.

II. Davlat reyestridan chiqarildi:

1. O'zbekiston Respublikasi Vazirlar Mahkamasi huzuridagi Davlat test markazi direktorining 2012-yil 30-iyuldagi 01-172-son "O'zbekiston Respublikasi Davlat boshqaruvi akademiyasi magistraturasiga qabul qilishda test sinovlarini tashkil etish va o'tkazish tartibi to'g'risidagi nizomni tasdiqlash haqida"gi buyrug'i (ro'yxat raqami 2384, 2012-yil 1-avgust).

2025-yil 10-dekabrda davlat reyestridan chiqarildi.

2. O'zbekiston Respublikasi Prezidenti huzuridagi Statistika agentligi direktorining 2024-yil 15-oktabrdagi 10-mb-son "Statistika hisoboti shakllarini tasdiqlash to'g'risida"gi buyrug'i (ro'yxat raqami 3575, 2024-yil 18-noyabr).

2025-yil 11-dekabrda davlat reyestridan chiqarildi.

3. O'zbekiston Respublikasi Parvozlar xavfsizligini nazorat qilish davlat inspeksiyasi boshlig'ining 2015-yil 9-martdagi 60-n-son "Havo harakatidagi alohida vaziyatlar haqida havo kemalari ekipajlarining majburiy xabarnoma va bildirishnomalari shakllarini tasdiqlash to'g'risida"gi buyrug'i (ro'yxat raqami 2661, 2015-yil 17-mart).

2025-yil 12-dekabrda davlat reyestridan chiqarildi.

Мазкур ҳужжатлар қонунчиликка ўзгартириш киритилиши ва/ёки янги норматив-ҳуқуқий ҳужжатлар қабул қилиниши муносабати билан давлат реестридан чиқарилди.